

Дагъусттаннал агабият

16+


ISSN 0235-0165


# Цлубарз

ЛИТЕРАТУРАЛУЛ ВА ПОЛИТИКАЛУЛ ЖУРНАЛ

А. Къануев  
110 шун

3/2019  
май - июнь





# Цубарз

---

---

КIива зуруй цал буккайсса  
литературно-художественный  
ва общественно-политический  
журнал

---

3/2019

---

Литературно-художественный  
и общественно-политический  
журнал

Издается один раз в два месяца

Учредитель:  
Министерство информатизации,  
связи и массовых коммуникаций  
Республики Дагестан

КАЯЛУВЧИ - ХЪУНАМА РЕДАКТОР  
Мурад АхIмадов

Аь. Исмяилов - хъунама  
редакторнал хъириувчу

Итабакълакьиссар  
1952 шиная шинмай

РЕДКОЛЛЕГИЯ:

*Журнал основан в 1952 году  
Расулом Гамзатовым*

**С. АхIмадов**

**Э. Аьбдуллаев**

**Р. Башаев**

**М. Давыдов**

**Х. Илиясов (редактор)**

**К. Мазаев**

**Сс. Увайсов**

**С. ХIажиева**

**И. МахIаммадов**

**С. Къасумов**

**3/2019**

**май - июнь**

Государственное  
бюджетное учреждение  
Республики Дагестан  
“Редакция республиканских лите-  
ратурных журналов “Соколенок”  
и “Литературный Дагестан”

---

Электронный адрес редакции:  
litdag@mail.ru

---

## ПОЭЗИЯ

ХІ.Кіурухов. Леркъсса шар.....	3
К.Мазаев. Цаннал пардав парчари дан хьумий. Къатри эяллу хьусса...	9
Д.Магъдиев. Мудан дакІнийсса уссу.....	10

## ЦИУССА ЦІАРДУ:

С.Оьмаров. Лакку билаят.....	14
------------------------------	----

## ПРОЗА

А.Къапиев. Фронтрай дурсса чичурдава.....	21
А.Къянчиев. Бургъил душ.....	30
Н. Хачилаев. Чавахьуттий чІимучІали.....	62

## ДРАМАТУРГИЯ

Сс. Увайсов. Вана винма гъайчали... ..	69
--	----

## КРИТИКА ВА БИБЛИОГРАФИЯ

Аь.Магъдиев. Ккурккуллал Щаза.....	86
------------------------------------	----

---

Регистрационный номер: серия ПИ №ТУ05-00410  
выдан Управлением Роскомнадзора по Республике Дагестан от 22.04. 2019 г.

## Новолуние №3

май - июнь

На лакском языке

Выход в свет 18.06. 2019 г.

Тираж 406 экз

Печать офсетная. Бумага офсетная

Формат 70x108 1/16

Усл.печ. л. 8,4. Усл. изд. л. 8,7

Заказ № 403

Цена свободная.

**Типография: ООО «Издательство «Феникс - пресс»**

**Адрес типографии: 367018, РД, г. Махачкала, пр-т Петра I, 61**

*Редакция и издатель: Государственное бюджетное учреждение Республики Дагестан*

*“Редакция республиканских литературных журналов*

*“Соколенок” и “Литературный Дагестан”.*

*Адрес редакции и издателя: 367000, РД, г. Махачкала, ул. Даниялова, д. 55.*

## Поэзия

Хасан КИРУХОВ  
(65 ШИН)



### ЛЕРКЪССА ЩАР

*Шикку бивкIссар тIар вирттал  
БарцIру кунма тархъансса.  
Уттирив акъар цучIав  
Чувнал кьини лахъансса*

\* \* \*

*Ттул ватандалул симан  
Турлил щавари дурссар,  
Ванил хъазамрал улттуй  
Ккуллардал аьиру дуссар.*

\* \* \*

*Ттул Лакку билаят  
Бюхттулсса ттарцIри  
Ссав хъхъирийн къадагъан  
Ссавнилун риртсса,  
Хъап учин хъит кусса  
Жагъилсса барцIри  
Заманалул хъютIлийн  
Ишан ларххусса.*

\* \* \*

*Лекърулул ттугъ кунна  
Хар-хавар бакъа,  
Гъаз шай, ватан, ттуву  
Вил кIусса макъан.*

*Щан дуллай кьинирду,  
КъюкI дуллай хъхъурду,*

*Зяй-зяй тIий байбишай  
Ттуву вил чIурду.*

*АпатIру ках тIий бур,  
Ватан, вил зунпайх,  
Аъзавдал ттурзанну  
Занай бур зунттайх.*

*Вил ялун дирну дур  
ОьхIалсса шинну,  
РатIай хъювхъу тIий дур  
ЛухIусса цинну.*

*Хъазамрайн ккулларду  
Хъямала багълай,  
Вил хъин-хъинми арсру  
Лахъи къалагай.*

*Вил вайварттавату  
ТачIав лагъ къашай,  
ЯзинацIа хъусса  
Щахъаннил гъарай.*

*Зунчал пар чирчагу  
Барзунттал мицIай,  
АьтIусса ниттихъул  
Итталу бацIай.*

*Турлил щаву кунна  
Хъхъу-къини дакъа  
ЦIуницIу тIий дур, ватан,  
Ттуву вил макъан.*

## **ТТУЛ МИНА**

(Японнал зумуну)

\* \* \*

*Лакрал зунтурдуд,  
Ухсавнияту дуркИсса,  
Ттуруллал гьиву,  
МютИийсса ттукри кунма,  
Танин лавсун бачинну?*

\* \* \*

*МикI ларчИсса кару  
Чамарав гъели дуллай  
Утту ивхъуний,  
Агъ, мина дакъасса марч,  
Бизаршиву вил чIунил.*

\* \* \*

*РатIаву къарчI диркИсса  
Хъхъунил лякъа цIун хъуний  
Ццах тIун икIара,  
БувкIун цавай инсантал,  
Чуннив уцинссара тIий.*

\* \* \*

*Агъ, цIузурул урун,  
Тинттал хъаттирду дусса.  
Ва аьрицарая*

*ПалцI ува на цIурттавух  
Ца магьрал билаятрайн...*

\* \* \*

*Баргъ чантI учайни,  
Сари бакIул бакIрая  
Я битлай ура  
Агъ, аьрицарайсса инсан,  
Мискинишиву вил мазрал...*

\* \* \*

*Банавишалул пахъдагьру  
Шуттарисса пинжакрал  
Жипру дуриIуну,  
Ласунна шагьрулиннай  
Ттула дуснан ссайгъатран.*

\* \* \*

*Вай интнил кьинирдай  
БучIия, ватан, виха  
Шадсса балай тIун,  
Леркъсса цархъал щавурду  
Вил чурххай дакъания.*

\* \* \*

*Чавахъулттил чIарав ттуна навалу  
КIинтнивун ялугъий кьини ларгунни.  
ЖучIан нани ххуллий марцI марххаламур  
КъачантI учин бунни дуснал шаттирдал.  
КутIашиву цирвав кIинтнил кьинирдал...*

\* \* \*

*Агъ, тталлуйсса чирахъ, ина тIайлара,  
ЦIурттаяр яргсса бур вил хъахъи чани,  
Аман кIаксса лахъну къабикIан цIуртти...*

## ШАППАЙССА ЧАГЪАР

Чан-къанну тIивтIусса чIавахъулттивух  
ЧIаракIуннил цурицу бувххунни ттучIан,  
Шагърулул цIурдая ххивсса хъхъуниву  
Чагъар чичлай ура Лаккуйн ниттичIан:

«... Нава сагъну ура, цIуллуну ура,  
Так вин цIуллушиву чIатIийна ура.  
Миннатри ттюту буруккинттарай,  
Къума малагларда лахъисса хъхъурдай.

Дуниял цукун дур, дуриу уртту-цин,  
ХIал бавкъусса дуриу гъашинусса шин?  
Жула оърчи оьлил къунча къабурив,  
На бувгъусса бяъли тIутIайх бивчуриу?

КъюлтIсса вишалларал анавар дуллаи,  
Агъ, цимил гъаз хъурвав нину цIияллаин,  
Канил чIамулату ххулийн дуруглай,  
МаркIачIан цIаннаву мурчалу дацIан.

КIорххицIуна увкIун, хъахъи сунклуцал,  
КъутI чинссар пучбачIул жул тIаннул хъулийн.  
Мурччаву лавивтсса суалдануцал,  
Ниттилгу хъит чинссар пучбачIул хъунин.

Чяш дурккун, каругу хъхъичгъухъух лихълай,  
Зурзу тIисса каних чагъаргу лавсун,  
Къус дикIанссар суйчIа ккунукру ласлай,  
«АчIа укканнав» тIий, пучбачIун булун.

Къюву кIучI дан бувсса яхIлил баругу  
Лекъанссар язисса ттул хатI ххал хъуну.  
ЧIанIуй зурзу тIисса аьрчча ххаругу  
ЧIаланссар шаппайсса ттул ххуллурдуну...

Чан-къанну тIивтIусса чIавахъулттивух  
ЧIаракIуннил цурицу бувххунни ттучIан.  
Шагърулул цIурдая ххивсса хъхъуниву  
Чагъар чичлай ура Лаккуйн ниттичIан.

\* \* \*

Щюлли хъюру хъувкун учIанна Лаккуйн...  
Ххалаххигу ххалгу ссийхъ дула чинна.  
Чумул тIатIан бувсса хияллал гъухъуй,  
Бургъилу цIавивкIун, мачIру дизанна...

## **ШАВАЙ ЗАНА ШАВУ**

### **1**

*Къатталу пашмансса балчаннул тІуну  
Хъхъури лаххай мяргу пашмансса чІирай.  
Чуннивав нанисса ттурлу къуртІуну,  
Чалсса мукъал ххуллу ххибуллай чІаврай?*

*ОърчІний ттул бикІайва дакІний баргъ лавхъун,  
Хъхъилул кюру барча кІа зункІунттулу,  
Нажагъ тахсир хъуний, ниттия ливхъун  
На лаикІайссияв цІивсса чурттулу.*

*Вана ларзнил чІирттай канил лишанну  
Барачат ххибуван ниттил ририцусса.  
Цупаргу дур дуллай цІарал ишанну  
Гъарал дакІнийнурвав ссав лухІи лархсса?*

*Щюлли оърчІну уний, оърмулул хъулий  
Тун ва къатта ххива цала дуниял.  
Щарссагу дурцуну гъи дайдихъулий  
Шиву яхъанансса буссия хиял.*

*Щусса ларзу дангу бикІайва пикри...  
Ларгссарив тай чІунну, ттул буттал къаттай,  
Цаннава чІохлай бур авдалса зикри  
Марч бурвав яс бувну эялал чарттай?*

*Чан-чанну шярава лаглай бур агълу  
Мурчан ва гъараллан мина къаритлай.  
Щусса ватандалух луглай лавгнахлу  
Бан-битан бухлавгсса мурхъру бур личІлай.*

*Мурхъру бур гъалакнуну цачІунмай хъанай,  
Талай литІун бувксса буттахъул кунма.  
Цупардал хъаттирдай хъхъу дур лерххун най,  
Ццаххандарал хъусса лелуххи кунна.*

### **2**

*Вилаххав кІул дакъа дирхъусса цІарал  
Цаннайх ках-шах тІисса курчІилсса кару,  
Ххулурдал ххиттувун хъювхъутІи гъарал  
Хъяхъаку пюрунтрайх зунххисса ххару*

*Дурччу хъусса ххютал цІаравун ххяхлай,  
Зурзу тІутІи бунни заэвсса лама.  
Цпан лавгсса чІирттугу бавчунни цІухлай  
Пахъдагърулул чІуний пашмансса зума.*



*Лахъисса ххуллурдай, архсса шагърурдай  
Циван чІал хъура тІар шавай къаиллай,  
Ццах къаучарав тІар къув-абслил хъхъурдай  
Къатравун кІукІ дурксса мина хъхъичІ дацІлай.*

*Хъарас кІунттил дугъан хансса тѣя махъ бан,  
Хъама къабивтрив тІар, да цІусса инсан?  
Иш багъний махъ бусан, бувсмур тикрал бан  
Лавагу лахъхъав тІар, мазрал билбилан?..*

*ЦІан ларгсса ссавнилу, мурчал ясливу  
ЧувчІав чаннал пІилцІу ххал хъанай бакъар,  
Иттав цун чІитІ бакъа, цІансса хъхъуниву  
На акъа аьрцарай акъасса хханссар.*

*Так ттул хъхъичІ вилаххав къавтІисса цІарал  
ЦІаннайх ках-шах тІисса синхралсса кару,  
Ххуллурдал ххиттувун хъювхъутІи гъарал  
Хъяхъаку пюрунтрайх зунххисса ххару...*

*Так багъраву мурхъру цачІунмай хъанай,  
Талай литІун буквсса буттахъул кунма...  
ЦІупардал хъаттирдай хъхъугу лерххун най...  
Ццаххандарал хъусса лелуххи кунна.*

### **ХЪХЪУ ДУР ВАТАННАЛИЙ**

*Хъхъу дур ватандалий – лухІи-цІансса хъхъу,  
Ахир дакъасса хъхъу, абадлийсса хъхъу...*

*Буттал къатлул хъулух, чарил чурттурдай,  
Ттувуна вичІилий цѣявкІун ура,  
Бусалардавасса аьжужа къарил  
Чарийн уккан увсса бурттигъу куна.  
Аьратталсса чІумул аьнтсса такъвагу.  
ЧІохлай дур вахІшисса мурчал чІунива.*

*Ттул гъаривсса ватан, вил чІиришиву,  
Ва абадсса хъхъунил лухІи-цІанишиву!*

*Мурчал ххиен бувсса вай лелуххантгу,  
Лехлай бур синхралну, кюртти къаляхълай,  
Ххурххулл хъхъуниву ххуллу бѣякъуну.  
Лехлай бур гъалаксса вас-цѣахлил лавсун.  
Чарийн дурксса цІаннал барурдайх бишлай,  
Хъазамру ххѣбуклай, хъаттирду гъагълай.*

*Хъхъу дур ватандалий – лухІи-цІансса хъхъу,  
Ахир дакъасса хъхъу, абадлийсса хъхъу...*

Буси ттухъ, лажинни, гъаривсса ватан,  
Цура на аьрицарай, увагу цура?  
Хансса лелуххирив ххивну нанисса,  
Ххурххуллул хъхъуниву ххуллу бйкьусса?  
Буттахъал балайрдал цунсса чIанIаву  
ЧIумул мурчаяту лаикIлай уна,  
Чарийн дурксса цIаннайх ивицуну лавгсса,  
Хъазам гъюжу бувксса, хъаттирду гъаргъсса?

Ттул гъаривсса ватан, вил чIиришиву,  
Ва абадсса хъхъунил лухIи-цIанишиву!

\* \* \*

Кувссайх тIитIи авкъура,  
Экьи руртун ккурттугу.  
«Аврав!» кунни аьрицарал,  
ЧIаврайх дуклай урттугу.

Алжаннул ардаравсса  
Мурчал ва чаннал хъюлчай!

Ци зий бивкIра инагу,  
Ттул аьжаивсса улчай,

Къамул ува вила арс,  
Мюри-къюрилил мютIий увсса,  
Гъалгъа вия бунугу,  
ДакIнин гъурват ччан хъусса.

### **ВАТАН**

Гъапулсса гъараллал гъаривсса нагъил,  
ЧIавкI-мурчIисса чIиртту, кIукI дурксса магъи...  
Вари ттул хияллал абадсса майдан,  
Вари ттул пикрирдал пашмансса ватан.


Шяраву цIияллай тий-ший чIинчIурду,  
Чуврив рагъсса хъаннил сситтуйсса чIурду.  
ЛархIуну нанисса къарил дардисан  
Вингу асар шайрив, ххарисса инсан?

Къатталу ттуру оьл куртIну ссихI ласлай,  
ТахIни дуван бивхсса бярч макIра ккаклай.  
Щинав най нинугу, цила хъачIунттай  
Илданул дардругу дирхъуну чIулттай.

Ссавнийгу, дакIнийгу – цара ца дацин,  
Дунялгу рутIлай ахир дакъа цин.  
МурчIисса оьрчIругу цила бувкуну,  
Вев тIий бур ччитугу, авлия хъуну...

Агъ, ватан,  
Ххирар ттун вил къумашиву.

**МАЗЯЙХЪАЛ Казбек**



**ЦАННАЛ ПАРДАВ ПАРЧАРИ ДАН ХЪУМИЙ!**

*Гладиатор, валлагъ,  
Ур царал малла!  
БивкIссар буллай ганай  
Румул тамаша!*

*Биявурттах мякъну  
БикIай агъали.  
Цанагу бияву,  
Валлагъ, дур сийлий.*

*Битавсса боксёртал  
Рингалийн бувккун;  
Гладиаторталну,  
Байбишай биллан!*

*Ух хъума ивчIайсса  
Дакъар тти аьдат.*

*Хъиншиву закканттал  
Тий бур дайссар лахъ.*

*Гай гладиятортал  
БивкIун этруснал,  
Румуланни яла,  
Пар салахI бивзсса.*

*Европа этруснал  
ЧантI учин бувкун,  
Ганин цIушиннарттуну  
Бювхъуссар дулун!*

*Бур этрусная лак  
Бивзсса агъали.  
Цаннал пардав палцI дан  
Этрусри хъумий!*

\* \* \*


*Къатри эяллу хъусса,  
Валлагъ, хъинну дикIай энчI!  
Эялаву чIявусса  
БикIай ххявххун ккаччил мечI!*

*Лакрал чIярусса къатри  
Эяллай дур дарцIуну!*

*Зума-къирагърай царнил  
Бур тти буллай чIалъаьрду!*

*Буна шагърурдай цивпта,  
Ябан ччай Буттал кIану;  
Дуллай цIу-цIусса къатри  
ХIарачатрай бур хъинну!*

2017



**Даниял МАГЪДИЕВ**

**МУДАН ДАКІНИЙССА УССУ**

*(Хас буллай ура Бриллиант ХІажиеван)*

*Ахънил дайдихъулий кяканналул мурхъ,  
Инагу циванна утти пахъ багъсса?  
КІюла къяртри циняв чІапІаву дуна,  
Ссаятура ина муксса паимансса?*

*На угъ чайхту ттул хъири  
Инагу цІуницІу чарав?  
Вилад заллу, ттул уссу  
Вингу дакІнийна урив?*

*Ччаннаву гъис тІаву, бакІ цІун бикІаву,  
Дяркъусса гъухъ дичлай, чурх баиттан баву –  
Вай цІуцІавуртту на сан къадавияв,  
КъадиркІния уссил щаву дакІниву.*

*ДакІнил къамул къабай «акъассар» учин,  
Къатлул ттарцІ цакънира гъаргъуссар учин.  
Букъаххай, бакъавчІай вай ттул яругу,  
Хъхъувай-дахтта уссил луглай бунува.*

*КІинниллагу ца дард, душнил ва ниттил,  
Цуксса даргларчагу дух къалагайсса.  
КІивагу цІавцІлай най душгу, нинугу  
Цара-ца цІуцІаврил, дару бакъасса.*

*Нава тІисса угъру ниттин къабаян  
Лабитлан бикІара ттула дакІниву.  
ТачІав чан къашайсса иттав мукъал цІай  
КъюлтІ буллай бикІара, оърчІан ххал къахъун.  
Уссий язугъ хъанай жува къабивтсса,*

Ниттий цими хъанай пикридавусса.  
Ттула къатлувату багъравун бувккун  
Дард вищал дачIара, кяканналул мурхъ.

Ччясса ссут дуркIшиву кIул къахъунссия,  
ИвкIссия сагъну барачат ттигу.  
Ялун нани кIинтнил пикри бакъая,  
Къатта гъили буван уссу ивкIния.

Инагу, на кунма, мурхъ къатлул хъхъичIсса,  
Зана къашайманах ялугъий бурав?  
Юхссагу вишала къукъин къабюхълай,  
Ххирама ккаккансса хъулданий бурав?

НякIсса ссавний ттуруллул  
Касаквагу бакъархха,  
Аргъ дакъасса вил чIапIив  
Ссаяри кIунтIай тIисса?

Ягу цIай вил къяртрайсса  
Ттул макърагу дакъарив,  
Ттул дакIнил угъ кутарив  
Вил чIапIайх кIунтIай тIисса?

Барчаллагъ вин хъунмасса,  
Мурхъ, ахъулсса дулайсса.  
На хъювусул хъутарив  
Къяртри къупIатIи дайсса.

Вил лагма оърчи тIутIив  
Циняв цанни къус диркIсса,  
Силул ццах учин даннин  
Хъюлчай къатIий къарчI диркIсса?

Мукъал лиххан бувссарив,  
Урттувун бахъ лавгссарив,  
Луглай буна къалякбай  
Ахъуву уссил шару.

Уссил ка шусса къяртри  
Гъилинна духъунссар тIий,  
Занан бикIара ках тIий  
Ахттая махъ мурхъирдайх.

Инт дучIай, гъили дагбай,  
Лагмара цюлли лагай,  
КIинтнива бувксса гъинтри  
Зунттай тIуркIу тIун бикIай.

Интнил хъирив гъи дучIай,  
Арду тIутIахъхъун лагай,

Архния бувкI лелуххул  
Аргъирай макъан дуцай.

Я интнил лагъ къабувай  
Ттул дакIнил тIисса угъру,  
Я гъинтнил чан къадувай  
Уссил бивкIуллул къюву.

Ссутнил нашмансса багъру  
Ттухава лашилан бикIай,  
Гъантри ккалакки чIапIал  
Оърму цирив тикрал бай.

Дяркъусса кIинтнил хъхъуну  
Архну ав-ав тIисса марч,  
Уссих зума тIий кунма  
Ттун цал-цал чIалан бикIай.

Навалу лавгун хъхъувай  
ЩябикIара ахъуву,  
Арх бакъа гъургъу тIисса  
Лелуххуцал дус хъуну.

Дякъияту лавивкIун,  
Кюрттарагун къабуехна,  
Ттуцал дакI дачIлачIисса  
Вин барчаллагъ, лелуххий.

Инагу цанна муксса,  
Лелуххий, къума лавгсса,  
Шанавату чантI куну  
Хъхъуниву агъи тIисса?

Маччанал щаву дуэриг,  
Уссил угъ тIутIи буврав,  
Лакъсса ссавний ккуркки барз,  
Ттуруллал бугъан бувсса?

Ягу му вил зумарив,  
Ттул уссиха тІутІисса,  
Инсап дакъул я лавчІун  
ЯхІлил ччувччуну лавгсса?

Къачча акъассар учин,  
Къашай ивкІуссари чин,  
КІивагу махъ оьккисса  
ДаКІнил къамул къабувай.

Уривавли чувчІав  
БувкІмунин цукру байсса?  
Лякъинававли цучІав  
Гъарзадря рязисса?

Мина дакъа лелуххий,  
Ттуцал уссих аьтІисса,  
Ци мукъурттий, ци мазрай  
Вихъ барчаллагъ учиви?

Заллу акъа лелуххий,  
Ттул даКІниймур бувчІусса,  
Нава вия рязисса  
Вин цукун бувчІин бави?

ДиркІссания вий кунна  
Хъару, тархъан лелуххий,  
Гъаз хъувияв на ссавнийн  
Уссу ххал шайрив ккаккан.

Мурхъирахъ даКІ дачІара,  
Лелуххухъ гъалгъа бара,  
Уссих угъ тІисса даКІний  
Къюву чан шайрив ккаккан.

Ччива чансса зана дан  
Ттула лавгсса оьрчІишуву,  
Уссил кагу дургъуну  
Ниттицал къатІув бачин.

Му чІивисса лахІзалух  
Уссихъ нава пиш тІисса  
Дулувияв на шинну  
Хъис мяшвагу къавхъуну.

Пахру буллаи нинугу  
Цила мюрици оьрчІая,  
Ххарил лехлай оьрчІругу  
Ниттил ххаллишиврия.

Уссу урчІах, ссу киях,  
Нину дянив нанисса –  
Дуссарив дунияллий  
Сурат ванияр ххуйсса?

Гъарзагу хъамадиртун  
ДаКІнийн дагъай оьрчІишуву,  
Чансса чІумуй дунугу  
Зана шай ххариишуву.

Нину угъ тІий арс даКІний,  
Уссу даКІний ссу аьтІий,  
Уссарив дунияллий  
Шакил укун паимансса?

ОьрчІишуву даКІнин дагъну  
Ттул даКІ пиш тІий дачайхту,  
Хияллава чантІ куну  
Ттуйнма нава бучІара.

Лелуххий, вихъ миннатри –  
Багъдад багъравун лехху,  
Бунагъ бакъултрал дянив  
Ттул уссу урив ккаккан.

Агар вина ккаккарчан,  
Уссихъ ттуя маучав.  
Цахва луглай на бусса  
Ина танахъ мабусав.

На пикрирдай бухъурчан,  
Та баиттан къума шайссар,  
Уссин ссунияр хъхъичІсса  
Цама цучІав акъассар.

Аьй мадара, лелуххий,  
На вихъва тІутІимуний,  
Ялтту бучІу лажинни  
Ттул уквасса мукъурттил.

Гъаргъсса даКІнил тІутІимур  
Мазрах бугъан къахъанай,  
Бура вихшалдарай буслай  
Ттула даКІнил хияллу.

Уссу даКІнин агътарив  
Ттун дуниял цІан лагай,  
Хаин хъусса даКІнилгу  
БакІрах вичІи къадишай.

Баргъгу цила буцилий  
БуккантIиссар зунттуха,  
Цурттигу хъхъу дучIайхту  
ЛахъантIиссари ссавний.

Так ттунгу, ниттингури  
Мискин хъусса дуниял.  
Ттул оърчIал, маччаналли  
ДаКIру гъаргъсса баиттана.

Цала хъирив ца арс, душ  
Къабивтун бивкIссания,  
Жул даКIнивусса дардру  
КIилийну чан хъунссия.

Цала хъиншиву цала  
Ккаккан дурну диркIния,  
Уссил къадарданул жу  
КъарчI бикIан къабанссияв.

Бутталссуй, буттал бабай  
ТIисса цучIав ивкIния,  
КъабикIанссияв, уссуй,  
Вакссава къума лаглай.

КIулмий, чIаххув-чIарахмий,  
Нажагъ хъунабакъирчан,  
Ина даКIнин къауvtун  
ЧIарах цучIав къауккай.

Шярава ниттилссурвал  
ЖучIанма бувкIсса чIумал,  
Ина даКIнин къауvtна  
Къатлул нузкъун къатIитIай.

Жула зунттал аьдатрай  
Нину ва душ рязину  
Душил оърчIан уссил цIа  
Бусравирай дизару.

Уссуй, вил хасиятгу  
Душил оърчIангу хъуннав,  
Амма оърму шамлийну  
Вияр лахъисса хъуннав.

Ккакктарив пиш тIисса оърчI,  
Хъазамравун гъаз ара.  
«Басир, ттул уссуй», – куну  
Ххира уллан бикIара.

Му чIумал ттул иттату  
КIива кIунтI ккуру лагай,  
КIива къарицисса асар  
Куннин кув данди бацIай.

Къавхъунугу ттул уссил  
Къадар цанма лавхъхъусса,  
Басир канил увгъукун  
Щукру ттул даКIнил учай.

Басир, вин талихI бусса  
Оърму заннал булуннав,  
Уссил цIа хъунна дансса  
Гъунар виву лякъиннав.

ОърчIах аякъа дуллай,  
Ниттил даКI хъунмур буллай  
Бутланна ттула оърму  
Маччанал чIарав бацIай.

Угъ къаучинну тачIав  
ЧIаравнан чIу баянну,  
Ттула пикрирду щихъчIав  
Къабусанна цавагу.

Амма шагъра ххуллучIа  
Аглан хъананна мудан,  
ШанбачIулий ххуллурдайх  
Ттула даКIгу гъан дурну.

Къатлул тIаннул нузкъунттив  
Хъамаллуран тIиртIусса,  
Хъхъудядизу къавхъуна  
Аьнт къадуванна тачIав.

БикIуча тIутIайх бичлай  
Къакангу къатлул хъхъичIсса,  
ДикIуча ттуву даКIгу  
Ххиранах хъул къаличIлай.

ЧIун дирияйхту гъарцал  
Зананна чIивитIучIун,  
Никирттайгу цяивтун  
Буччиннин ххира уллан.

Уссих къабувмур цIани  
Булланна тти чIивитIухъ  
Гъунар, лахъисса оърму  
ЧIа тIунна на Басирдун.

# Џуса царду

Супиян ОБМАРОВ



## ЩУНУ ЗУНТТУХА

*Дагъустаннай лахъсса зунтурду чIявур,  
Щунуха лавхъхъусса хъуна къабакъай,  
Вил лагма муруллал лахъсса барурду,  
Лакку кIану ябай къалардан лацай.*

*Щунуй ина вила чурххай ябара,  
Лакрал, Ахъушиял цикссагу ризкъи,  
НяI царацал цинал мякъ лиххан бара,  
Увхъусса ххуллусса кIирисса къини.*

*Вил авкъатсса чурххайх дирхъу цархъаву,  
Чувшиву къадансса жагъил къахъуннав,  
Лакхъний къакъардайсса марцI занчру кунма,  
Жула лакку душиругу марцIна личIаннав.*

*Вил бизанттай гъинттул чIируннал тIуркIу,  
КIинттул аврдал мина - кIяла ларзурду,  
Цикссагу барзунтран леххан лавхъхъусса,  
Лакхъний ссурулусса бюхттул къанчуллу.*

*Ядулаллу Щунуй – жул хIакъсса пахруй!  
Жул буттахъал улклул паракъатишиву,  
Балики вил хъунин уттигу букIан,  
Лакрал шяраваллай цIунил аргъ дизун!*



### ССУТНИЛ СУРАТ

Къурукъирттал къюкъри къиблалул чулийн,  
Гъалаксса чӀурдащал лерххун дарчунни,  
Ххира дуван, гъинтнихъ хъинну дикӀу чин,  
Тпабиаъат паиманну хъхъичӀун дурккунни.

Зунттал, ардал лархсса хъахъи чалагъай,  
Мусил ссут дуркӀишиву дур аьлтту дуллай,  
Къурукъирттал хъирив дакӀ дур лирхъун най,  
Ттула жагъилишиву ларсун най чӀалай.

Лелуххантрал ттурзан ччива аглан бан,  
Ттула умуд, ччаву лахъи дуккан дан,  
Ягу хъурдай ттуйра азгъунсса хъару,  
КӀинтнил замгъар шуннин къиблалийн леххан.

КъакӀулли къиблалул банишиву кумаг,  
Бассан бан бакӀрайсса кӀяла марххала,  
Балики ссут кунна аьгъу-гъилисса,  
КӀигу ялун дучӀан, къянат дакъасса.

2018 ш.

### АБЖАЙВССА ПИКРИРДУ

Агар къабивкӀессания,  
Бюхттул зунттай марххала,  
Лагъний арду майданну,  
ТпутӀайх дичлавиявав?

Ккаши-мякълил бяла,  
Къаккавксса инсаннаца,  
Душиврул, нахӀушиврул  
Багъа бишун шайрияв?

Душмантурал хӀилларду,  
Жунна кӀулну дуня,  
ДакӀ тӀайласса дувстуран,  
Къимат лахъ хъувиявав?

Эшкъи-ччаву къадурнан,  
Оърмул тӀин кӀулливав?  
ТалихӀ бусса инсаннан,  
Му ккалли ан бучӀирвав?

2018 ш.

### ЛАККУЙССА ИНТТУ КЪИНИ

КӀюрххил бувккун ххяххя баргъ,  
Зунттайн хъямала багъай,  
Лелуххантрал макъаннал,  
Тпабиаъат ххаллил дувай.

Хъуни мугъалтту бувккун,  
Дирирмур ларсун лагай.

Ца янил ляпӀ учиннин,  
ЛухӀисса ттурлу дурккун,  
Барзунттал бакӀру лавкъун,  
Къув аьслил гур-гу гъаз шай.

Чан-чанну тӀий пахъ дагъай,  
ЛухӀи ттурлив бат шай,  
НякӀсса ссав чӀалан дикӀай,  
Сеурулкуртта аьлтту шай.

Анавар гъарал ларчӀун,  
Тяхтакур щинал бутӀай,

Цунил бивтсса бургъилу,  
Цимурца таза дуккай,  
Лаккуйсса интту къини,  
Аруйлла даххана шай.

## ХЪАССУЯССА БУСАЛА

Жул къатлул ч'авахъулттих  
Хъатлий дирхъусса кунна,  
Щюллун арнил зуманив  
Дуссар Хъассул хъархъаллу.

Кинттул к'юрххил сайрдани  
Ардарах найсса цулк'лун,  
Ххал хъуну бур архнисса  
Буриурдил хъун гъухъала.

Ка т'ит'ирчан диянну  
Хъассу к'инттул гъан шайссар,  
Гъинттул ца тамашану  
Щарния арх буцайссар.

Цан къалихъави цулч'а,  
Никъурах хъхъа буцаннин,  
Гъалбарциру ччамарданий,  
Цала хъирив дагъукун.

Гъар Хъассуйн я щутари,  
Дак'нин багъай бусала,  
Цулк'лун барциру къат'и бувсса,  
Гъанул ттухъва бувсуса.

Муруллул бак'рай цулк'лун,  
Палци чин дурну хъахъи магъ,  
Ца янил ляп'и учиннин,  
Нуххувун т'анк'и дурну дур.

Ца заманнул заманнай,  
Бивк'иссар т'ар ца х'иллакар,  
Хъассул бак'рай нух дурну,  
Бизанттал паччах'и хъуну.

Буриурдирмур гъухъала,  
Муруллайх зирзуну дур,  
Укун цулк'лун буриурдин,  
Бакъай бувну бивк'ун бур.

2018 ш.

## МАЗ

Алагънал ляхъан дурсса  
Цикссагу рух'ирттаву,  
Ца инсаннан бакъасса  
Къабуллун бур щинч'ав маз.

Сагъма ухлаган ангу,  
Хъун бияла бур вихъ маз.

Дуснахъ дак'и дач'ира дангу,  
Ччавриву мук'ру хъунгу,  
Зах'иматну бик'анссия,  
Къак'улния жунма маз.

Бац'ан буван зах'иматсса,  
Оьсса айгъур чунир,  
Уссарив чув къак'улсса,  
Бак'ран бала бусса маз

Ниц'аяргу нац'уну,  
Къашавайма хъин ангу,

Муниятурвав заннал,  
К'ирирайра «нузру» дурну,  
Ччя-ччяни иткъаххяхлан,  
Курт'иниву лабивтсса маз.

## АХИМАДХАННУХА

К'ива миллатрал арс к'ийла виричув,  
Буттал ватандалул къимат гъаз бувсса,  
Цикссагу никирттан ялун нанисса,  
Абадул абадлий дак'иний лич'ансса.

Ях'и, намус бушиврий ц'а дурксса ппухълу,  
Вил буттал тухумегу лайкъссар бан пахру,

*Дуланмагъ щаллу дан аърххилий бувккун,  
Иш багъни, гъурбатрай бивцусса къуиру.*

*Ттуришуннавасса ца, вил бутта Султан,  
Чил миллатрал дянив яхЛувсса инсан,  
Ватандалийн лухИ къини дурккукун,  
Ина тIайла увксса дуруччин Ватан.*

*Къизгъинсса дяъвилый ссавруннай талай,  
Душмантурал дакИнин цаахханну рутлай,  
Билаятрал бивхъсса хIурмат бусса бурж,  
ДакI марцIну биттур бан вища бювхъуна.*

*Ина бувсса гъунар бусраврай ябан,  
ЧувчIав цинчIав тачIав хъама къабитан,  
Шагърурдай, щархъаву, кIани кIанттаву,  
Цимирагу гъайкал вин дацIан дунни.*

### **ЦИВАН БУРА ЛАБИТЛАЙ**

*Циван бура лабитлай,  
Ттуяту вила яру,  
Бачу гъан хъу ттучIанмай,  
ТитIин да вила кару.*

*Танин нигъа бусланну,  
ЩилчIав чинсса мукъуя,*

*КъюлтI дуллай жула ччаву,  
Ка ласлай оърмулуя.*

*Нану ккурчIав букканну,  
Цаннал ка цаннал дургъун,  
ТачIав личIий къахъунну,  
Бизаннин ахирзаман.*

### **ЛАККУ БИЛАЯТ**

*Бюхттулсса зунттаву ссавнил чIаххуврай,  
Жул буттал буттахъал дирхъусса мина,  
Зунттал мицIай барххулт, ссурулу барзулт,  
Щархъай лакрал вирттал ядуллай буссар.*

*Зунттаву, рахIаву цулуй жагъилтал,  
Къурдарав хIухIисса балай душиваврал,  
Шярава баяйсса чIу мюрици оърчIал,  
Укунсса буссар ттул, лакку билаят!*

*Аърци къянятнугу яхI бусса вирттал,  
Дяркъу цин чаннугу зирангсса душиру,  
Акъьлу, камилишиву лавайсса пухълу,  
Вил бакъарив бусса лакку билаят!*

*Миллат чансса буна гъунар лавайсса,  
Канил касму дугъан гъарма усттарсса,*

*Чумартсса вирттаврал цІа бюхттул дурсса,  
Ина бакъарав жул лакку билаят!*

*Уртту тІутІал шуришу бюхттул бизанттай,  
Дяркъу щинал жюржю къума ратІаву,  
Уссарив лаккучув, шайссарив му чув?  
Хъама битан барча лакку билаят!*

### **ПАГЪЛАМАН**

*Лелуххантрал таргну ссавруннайх лехлай,  
Куклуну тараза палцІатІи дуллай,  
КъавтІий ур ЦувкІрачув чаннаннил хъхъуттай,  
Вина ца тамаша паргал пагъламан!*

*Тикрал бан захІматсса бусравсса пагъму,  
Буттал буттахъая ирсирай найсса,  
Я дара, ЦувкІуллал яхІ бусса арсрув,  
Бюхттулну щарнил цІа гъаз дурсса касму.*

*Гъунарду аьламран машгъур бувунни,  
Буттал шяраваллил цІа бюхттул дунни,  
Тамашачитурал багъа бивицунни,  
Пагъламаннал пиша цІунил гъаз хъунни.*

*Чумартсса пухълуннал аьпа-дуаьлун,  
Ябанну цІанихсса чувшиврул гъунар,  
Абадул абадлий пахрулий бикІан,  
Бусраврай личІанссар вил цІа пагъламан!*

### **УЧИТЕЛЬНАХЪ**

*Чун чІарах дурккунни ларгунни шинну,  
Къаритан багъунни тяхъасса чІунну,  
Барчаллагъ учинна тти дакІништуну,  
Ххира школданухъ, учительтурахъ.*

*Элму, аькълу, кІулиши жун лахъхъин дуллай,  
Жапари къакуну, захІмат бивхъминнахъ,  
Нитти-буттал кунма насихІат буслай,  
Оьрмулул къиблама жухъхъун дуллунахъ.*

*Къирият, ас, намус цІакъну яданну,  
Ватандалун лайкъсса бадал жу хъунну,  
Жухава був захІмат хІурматрай чІалай,  
Учитель, вихъ чинну мудан барчаллагъ.*

Оьрмулуг мугьалттул хьхьичI бачин бувну,  
Ци архсса шагьрурдайн жу багьарчангу,  
Ци кьуллугь, ци пиша, канихь бунугу,  
Абадлий вил хIурмат жу буруччинну!

### **НИТТИХЪАХЪ**

Зул оьрмулуг дуцин дан,  
Диял шайссарив шинну,  
Шану хьалавхьсса хьхьурдан,  
Циксса хьуссар багьантту.

Бюхттул зунттал мицIаха,  
Лавхьхьун бур зул бакIругу,  
Бивтцири ххуллал сурат,  
Дагьну дур сиппатрайгу

Хьуни бувсса оьрчIругу,  
Лавгун цала кьайгьурдай,

ЛивчIун буру зувалу,  
Зува щавицусса кюрттай

ОьрчIах мякьна дакIру дур,  
Хьхьу-кьини кьаралданий,  
Хьхьемавххунма яру бур,  
Ххуллурдавун ялугьлай.

Агь ниттихьул, ниттихьул,  
Жул арсаврал хьаттируду,  
Зун дард ккаккан кьадурнал,  
Бувача ацIва пахру!

### **БУТТАЛ КЪАТТА**

Жул буттахьал мина ттул буттал кьатта,  
Цимигу никирал ххирасса тIюва,  
Заманалул замгьар ялтту бивицуну,  
Ялгьузну ливчIун бур бачIва кIачIану.

Цибанссар тти тухум ххялтIа бувккун бур,  
Буттахьал аманат хиянат хьуну,  
Касму дугьан лахьхьин, элмулуг хьхьичIун,  
Кьайгьулий буккайсса дуркIукун чIунну.

Тарихрал ххурххулуг кьабаннав питна,  
Кьабицун оьттул марч аьрцарайх лагма,  
ЛичIаннав някI ссаггу мудан дарунна,  
Сукку-кьюркIу кьахьун ттул буттал кьатта.

НикIалай заманнай цIувцIу чарицIух,  
Пухьлуннал гьаз бувсса пахрулул кьала,  
Хьамалу учIайнах буссар ялугьлай,  
Наслулул ххазина - жул буттал кьатта!

### **ЗУРУЛ ЧАНИ**

ХьачIнихату бувккун ккурккисса зурул,  
Цан хьхьунил бияла бири-бат бунни,  
Гьели накIлин таргсса тIааьнсса чани,  
Зунттал дарардавух экьи лавгунни

*Зурул чани шунни вил симандалийн,  
Чаннал буцгун буллай вичансса ххулуу,  
Чалай-къачалайсса зунттул ххютулх,  
АьнтликIа вил чурхгу ашкара хьунни.*

*КъакIула гъайватъяв вил эмаратсса,  
Я зурул чанияв вицгун бавкъусса,  
Бувагу цал учин, итталун багьну,  
Тамаша, укунгу ччаву шайссияв!*

*Вил симан, вил сурат хъама къаритлай,  
Вил хъирив ялугълай ларгунни шинну,  
Махъунмай хъичгунмай хъуна къабакълай,  
Зурухъ сурагъ буллай най бур ттул оьрму.*

### **ЧЧАВРИЛ БУРАН**

*Хавар бакъа шунни ттуйн ччаврил буран,  
Миннатри бусира бувансса чаран,  
ДакIниву ччаврил къун, хъхъугу къинигу,  
Ххирамур ккаккан чай ура къуману.*

*Табиаьтрал чгунну жура-журасса,  
Бурандалул хъирив баргъгу буккайхха,  
Утти на цир байсса чунна ххяххяйсса,  
Ччаврил цIарал лама бур лекъацайсса.*

*Ца ябитанна тIий вичан учIара,  
Маз бувхгун, учинмур бакъа личIара,  
Ина ургъил бакъа ттух буругара,  
Нагу бурандалул лавсун лагара.*

*Вана винна азар духIан захIматсса,  
Аьлимтураягу кумаг бакъасса,  
Я дарув, я дарман ляхъан къабувсса,  
Маллатурал савав дучIи къашайсса.*

### **АРСУРВАВРАХА**

*Алагънал ябаннав ттул кIиягу арс,  
КIива ттул аманат, кIира лархъсса цIу,  
Лирхъун най чIумуйгу аьтIий акъара,  
КIира жагъилишиву най дуну махъа.*

*Оьрмулхсса ччаву ттуву дур чIуллай,  
Авлад лахъи бансса буну тIий арсру,  
КIюрххил кIива пиш бур ниттих буруглай,  
КIива ссалам куну ттухъхъун ка дуллай.*

Ура арсру на зуйн умуд бивхуну,  
ЯхI бусса арамтал хьунсса мукIруну,  
Оьрмулул кIушиву зу гьаз данссар тIий,  
Зул цаькьсса хьаттирдай лехлан навагу.

Зуру ттул оьрмулул бучIантIимургу,  
Эшкьилул мягнагу ччаврил мурадгу,  
Аллагьнал буллусса ххира ххазнагу,  
Ттул талихI кIулли канихь думигу.

Зул яру бувчIинссар азарунниву,  
ЧIу барча учIанна ххярк тIий унугу,  
ТалихI бусса оьрму арсрув зун чIатIий,  
Заннал хьхьчI никирттай ура на лергь тIий.

### УЛЛУБИЛ ХЪЯРЧ

Кьатирданул багьасса  
Уллубил оьру ттукку,  
Ца хьхьуну кьатIув ливчIун  
Ссуттил бурицIил бувтуна.

Банмур битанмур бакъа  
Уллуби ва Мисиду,  
Ттукку бакъа личIаву  
БюхIин хьанай бакъая

Шинавн Мисиду - мукъав,  
Кьюллуйн Уллуби – ахьтта,  
Ттуккул дайми давуртту  
Цахунна дагьну бия.

ХIасилки ттукку бакъа  
Шин ххишалагу хьуна,  
Цамур ласун, ариу дан,  
Усру хьин дуллай ия.

Амма кьажанжулул иш,  
Ххуйну хьанай бакъая,

Щарнил усру хьин дуллай,  
Кьини бархан унагу.

Гьар увкIсса муштаринал,  
Барчаллагьрай учайва,  
Багьлун, дурсса даврихлу,  
«Ттукку бучIи баннача».

Му жаваб дуллутари,  
БакI гьанавиххи шайва,  
Чиммур бакъа, Уллуби,  
Пикрирдавуна лагайва.

Ва куцIуй ттукрахлу зий,  
Гьантри барзру най бия,  
Сситтувусса Уллубил,  
Бансса чаран льякьуна.

Усругу тапцур дурну,  
ЧIу лахь бувну учайва,  
Ттукри биял хьуннича,  
Тти кьама бачин бара!



## Проза



110 шин

**Апанни КЪАПИЕВ**  
1909-1944

*Мансурдул арс Апанни Къапиев увссар Гъази-Гъумук, заргалнал кулп-  
траву.*

*1923-1928 шиннардий дуклай ивкИссар Буйнакскалий цал педагогикалул  
техникумраву, яла – школалий. Школа къртал бувну махъ оьрус мазрал  
учительну зун лавгссар Хасавюртуллал райондалийн.*

*1934 шинал Апанни Дагъусттаннал чичултрал цалчинсса съездрай увчИус-  
сар Чичултрал союзрал жаваб дулайсса секретарьну.*

*Дяъвилул шиннардий, сагъ акъашиврийн бувну, къаитлай уна, лавгссар  
аьрайн – «Дагъусттаннал правдалул», Северо-Кавказский фронтрал «Хь-  
хьичИунмай Ватандалухлу!» тИисса кказитирттал корреспондентну.*

*ИвкИуссар 1944 шинал, цИумулий бувсса операция бухИан къавхьуну.*

*Апаннинал цала агъамми чичрурду дурссар оьрус мазрай. 1944 шинал  
Ставрополлай букссар «Шаэр» тИисса хавардал лу, ляъви къртал хьуну  
махъ – «Тантарданий дурсса чичрурду».*

*Апанни Къапиевлул оьрус мазрайн таржума бувссар С. Стальскийл,  
МахИмудлул, Батирайл, А. Гъапуровлул шеърирду, Дагъусттаннал халкъуннал  
балайрду. Ми бивичуну букссар «Чарийсса накъичру» тИисса жуужраву 1940  
шинал.*

*Къапиевлул луттирду таржума бувссар чИявусса къатИаллил ва жула  
билайтрал мазурдийн.*

*Лакку мазрай Апаннинал чивчуну бур бувагу ца асар – «Дайдихьу» тИисса  
накрулийсса назму. Гъакссагу хИайн!*

*Ххал бара цуксса насихИну чивчуну бури.*

### **ФРОНТРАЙ ДУРССА ЧИЧРУРДАВА** 1941-1944

\* \* \*

*Чирттаравун ахьлавгсса къазахъ. Ци хьурчагу, чИири чартИи бан ччай  
акъари. Ца ххуллухъ ганал аьракьилул котелок хИавчИуна. Къазахьналгу, туну,  
увччу хьусса ганал чИири чартИи бувна. Хьирив кьини талатавриву га ивкИуна.*

\* \* \*

*Чу ясирну къабирияншиврул, цува ивкИлакИийни, бивтун бувтуна.*



\* \* \*

ДакІний бити, Къапиев! Заназу, уруглагу ва дакІний бити, цанчирча хІакь-  
ну хъанахъимур цимурца – тикрал къахъунтІиссар: аьрщарай ххишала тачІав,  
тачІав цичІав ваниха лавхъхъусса къабикІантІиссар.

\* \* \*

Дахъра тархъан дурсса шяраву илтІасса, хІаллангат хъусса, чатандалул  
гъухъувусса чІивисса душ, хІаятрал дянивгу бавцІуну, аьтІий бур, къай духхай  
машиналий шофёрнал цуппа сайр бан къабувну тІий... Сайр буллан ливчІун  
бури вин, мискин!.. (ОьрчІру мудангу оьрчІрунува личІайссар.)

\* \* \*

Хъхъу. Замгъар. Фронтрал ца участокраин нанисса ххуллурдал цаннийх  
най буру. Хъхъуниву аьравалттал, дучрал, бахъттагъалтрал, автомашинарт-  
тал къюкьри чанна дуллалисса фарарду. Цимурца ахир дакъа, дазу дакъа,  
хъхъурайгу, дяхттагу най, най дур – авлахъ вечІ-вечІ тІий, ххяр-ххюр тІий  
бур, – гъай Аллагъ, – вай цикссава буссар! Вай цимурца чари? Вар, пикри  
барча, ва фронтрал анжагъ ца чІирисса участокрихха, вар, щалагу билаятрай  
азардахъул километрардай укуннихха бусса, – ссан бацІлай бурвав ва дяъви  
халкъуннан? ЦІанакул жуцава мунил хІисав-саннагу дан бюхълай бакъари.  
Вар, вай цимурца – инсанталгу, дучригу, машинарттугу дукаан бан, лаххан  
бан, аьркинмунил балжан аьркиннихха...

Къача-къучшиву!..

\* \* \*

Станица лавсунни. Цимурца лекъа-пІякъу дурну, цимурца ппив-ххив дурну  
дур. Станица бачІун бачІва бур, кучалийгу ца цуппалусса пач ливчІун бур.  
Боецтал нани ххуллий ганичІан къюкълуй бавцІуну, цала-цала частьран ччатІ  
шахълай бур. ТІайланма кучалий, буллалисса марххалттаниву ва бившусса  
бурандаливу.

ЧчатІшахъу, армани, ян-ян тІий лавхъсса пачличІагу авцІуну, шавкъирай  
дакІних «Сасуннал Давуд» ккалай ур.

\* \* \*

Ттун дахъа ттула дус хъунаавкъуна, амма миккува гъужумрай бачин багъу-  
на. Ттун ттула дус дакІнийхтуну ххирассия, га хъунаакъавриясса ххаришиврул,  
ганал къюкІ гъанну душавриясса гъилишиврул талатавриву ттувун шавкъ  
рутлай дия. Ца хІал хъувкун, ттун ттула махъа цІуру-кІурулул чІу бавуна...  
Ттул дуснайн щаву дируна. Ганал оьттул дурцІусса лажин ца лахІзалийсса ттул  
яруннил хъхъчІ пар куна, амма ацІансса чІун дакъая. На, гагу боецтурайн  
тапшур увну, душманнал хъирив ххяхъссияв... Ялагу цаппара хІаллай талатаву  
най дия. Ахиргу, ттухъхъунма ттуйна нава учІансса чаран биривну, левчуна  
чятирданучІан зана хъувкун, ттул дус гиву носилкалий ивхъуну ия. Баласса  
ццахханну я талатавриву, я цІуру-кІурулуву, я щаллусса кІира ссятрай ттула  
лагма къавтІий бивкІсса бивкІулуву дакъаяча, ттула дуснал канийн ка ларукун,  
га ка микІ кунна дяркъуну лякъавриву ва ганал жаваб къадулавриву дия...

\* \* \*

Зунтгаву дурсса цаькшиврийн гъжум бан хІадур хъанай бия. Чани хъуннинма автоматчиктурал кьюкълун багълай бия, кьутІай кІунурду бавхІусса кІанттул тихун бувккун, немецнайх махъа рищаву дан. Амма кІунурду шанна кьюкълуй бавхІуну бия, гай кІунурдал лагмарасса ва вивсса шалла аьрщараву минарду дурччуну дия. Шаллусса хъхъуну сапёртал, лякълуй ххярк тІий занай, автоматчиктал гъансса кьумасса ххуллу бутлай бия. Командирнал гай анавар буккан булла ия. Чани хъанан хъунма хІал ливчІун бакъая.

Махъра-махъсса минутраву, ххуллу бувтун сайки кьуртал шавайсса чІумал, сапёр Фаррашлун бакІрайн дагъуна лап цІусса, ганан цанна кьакІулсса куццуй дурсса мина. Цир байсса? Га лахълай, зарал биян бан кьабюхъай дуллансса чІун дакъари – чІал кьавхъуну гъжумрай бачин най бур. Мина пІякъ учин дан кьабучІир, цанчирча мунил циняв баявур банссар, гьарцаннахъ бувсун кьадагъа дишингу бюхълай бакъари, цанчирча, цІаннай га хІисав кьархъуну, анаваршивриву цания ца боец чарабакъа миналийн тІайла ацІан бюхъай.

– Гъа, ци хъанай бур? – щурщулий цІухлай ур связной. – Командир ялугълай ур.

– ХІадурссар! – жаваб дулла ия ур Фаррашлул. Ганал пикри булла ия ур мина цалва чурххайну дашан. – Командирнахъ буси бачин бучІишиву...

Ца минутравун ххялтІа дурсса минардал ва кІунулул дянивухсса кьумасса ххуллувун автоматчиктурал кьюкья ххярххуна. Ххуллул ахирданий Фарраш уттуивхъуну ия. Ссюрхъругу, никругу щяв щачин дурну, миналул ялув ламу хъун бувну, га уттуивхъуну ия оьрмулул цІаний бивкІу бахълаган бувну.

Цалчинма автоматчик, ганачІан ияйтху, авцІуна...

– Ачу, ачу, – куна Фаррашлул щурщулий. – Нигъа маусара! Тгуй ша бивзун лахъу, амма куклуну биза: ттул лув мина дур.

Автоматчик лавхъуна.

Цаннал хъирив ца Фаррашлул бурхІайх ацІахъул боецтал лахълан бивкІуна. Фарраш тІурщу бакъа уттуивхъуну ия. Ганал ссюрхъру ва никру аьрщаравун кьуртІуну най дия, амма га, зихІ-зихІтІий гъухъагу ивтун, чарийн увксса куна агъну, ссавурдани ия.

Боецтал анавар буклай бия.

Ва куццуй, чІукІа-чІитІ кьахъунну, шалла кьюкья Фаррашлул ялтту лархъукун, ганаву сайки кІулши дакъая. Ганан изан кьаст хъуна, амма чурх вичІи дихълай бакъая, га миналул ялун лекълай ия... Цалва бу-бакъасса биялагу бавтІун, шайкун гужгу бувтун, Фарраш чулухунай палцІ хъуна. Каруннивун, кьусаликкуртгалун духІан кьашайсса кьюву дулла ия. Га, бархІ лувну агъну, ссавних ялугълан ивкІуна. Гьалмахтал цІаннавун бахълавгуна. Баргъбуккавал чулух ссав кІялахлай дарчуна. Фарраш тІитІи авкъуну агъну ия, изансса хІал бакъа, амма дакІ рахІат дурккун дия.

Гъжум байбивхъуна... Архния «гьурралул» чІу бувккуну...

\* \* \*

Вана зунтгал кІанайсса дяьвилун хасъсса ца иш.

Жула ва немецнал обороналул дазуну дия даркку-шарккусса хъун дакъасса нех. Неххал зумарду бакІурдарисса дия, тамансса кІанайх мюршсса мурхъру, кьатІри бия, кув кІантурдугу кІачІасса бия, мюршсса, чаннасса бярдун бавцІусса...

Щин чавхъ тий дия. Неххамачнил тих архну немец окопирттавун бувххун бия. Му Нальчикрая арх бакъасса клану бия.

Ца ххуллухъ, цансса хъхуну, жула командирнал ца боец гъан увна та чулийн «мазрал» хъирив. Боец неххавун увххун лавгуна, га цаннавун ахълавгуна.

Га хъхуну гъарал сив-сив тий дия. Кюрххилнин турча, чявхъа гъарал лачлан диркуну. Чирисса зунттал нех гъузи лархъун, шалва неххамачи бувгуну бия. Кюрххил инсантуран неххан кланай олувкъусса, щаращисса хъхъири ххал хуна – микку-тикку щинавату мурхъирдал, къатрал бакру ва мюрщисса ччанавкъусса жазирарду чалай бия.

Боец акъая. Ца кьини, кира кьини, шанна кьини. Ивкхунссар куну, пикри бувна, га хъамаивтуна...

Амма ххюлчинмур кьини жула разведкалун ца жазиралий ца цукунсса-ривсса сукку тутаву хисав хуна. Му чумалнин нех чахъ куну, чъири хуну дия. Гъанну лавгун бурувгуна: ххал барча, тикку къунттахун багъну лявкъуна кия ккашилсса, халдания лавгсса, дахъра рух зумувсса инсан – ца немец, гама оьрус.

Гайннахъ цаннахъвагу ярагъ бакъая... Гай щябивкун бия иминну, ккашилсса яругу жагъ баргълагавал чулухун, жагъгу баргъбуккавал чулухун бурган буллай: хъхъичи гай цуминнан ххал хунавав – немецнан хунавав, юхссагу оьруснан хунавав? Цанналмур цаннан къабувчлай, так каруннил лишаннайну гъалгъа тий, гъарма цала дардирай ия: гай цивпа ххассал баврих къювулий ялугълай бия ва ххассал баврия нигъа бувсунгу бия, цанчирча ххассал баву гайннан куну бутавуну хун най дия – цаннан оьрму, гаманан бивкун булун.

... Яла кул хуна га оьрус та хъхуну «мазрал» хъирив гъан увну ивксса боец ушиву. Ганал цайва бивхъусса бурж марцину биттур бувну бия: хъхъувай гъапул хъусса немец увгуну, ганал къацливун къяпагу ливкуну, неххачлан ххюрхху увну ия. Гужрай щинавун кунку увну авчусса чумал, нех гъузи лархъун дарчуну дия. Яла ганан га итаакъин багъну бия, гай цува-цува ххассал хъанай бивкун бия, яла мукъвагу гъантлий га жазиралий цачу щябивкун, чавхъ тий бишлашисса гъалаксса мугьалттул дянив ливкун бия.

\* \* \*

Ххюра щинавусса оьрчи, чявусса оьрчру бусса, чявусса ккаксса колхознинал арс. Щалва кулпатрава так га ца шанай акъари, паракъатну пачлий щяивкун ур. Хъунимигу, мюрщимигу циняв чяянива ххюнххулун рурцуну бур, хилкригу ялун дирчуну...

Оьрчи къашанай ур, къатраву гъанттайн ливксса ятул армеецтал ччат лавсун бувкун тий.

На ганан ччаткул касак булав, ялун къуса качарданулгу дирчуну. Оьрчи ххаришиврул аьтун ивкуну. (Бакру хъхъичкун дуртун, ччат кунттихъсса заккунттив иттав бивхуна.) Яла на халлих уруглай уссияв: шанашисса ссурваврал ва уссурваврал дянив цувалугу щяивкун, оьрчи, цахъа цува пишгу тий, качар ланц буллай ия... Га рязисса куц зун ккаккан!

\* \* \*

... Ххуллий, чулийнай, хъунтуллуву ивкусса угъарасса боец щяивкун ур. Кияларххусса, хъамул куннасса лажин къус диртун дур. Бакрайх бинт бавкуну бур.

Аьрал най бур, ганахгу ургъил къабуллай, вай кІанттурду абадлий къабитлай... Га тІурча ва авлахърай, ва хъунтІуллуву щяивкІун личІлай ур, щинчІав аьркин акъа, хъамаивтману...

Цури га?

На пикри буллай ура: вар чув бунугу ганал кулпат, оьрчІру, шарсса духъунссархха – гай цала бутгах ялугълай бухъунссар ва ганал чагъарду циван къабукІлай бурвав тІий бухъунссар. Ялугълай хъулданий бухъунссар, цала ппу щатІари авлахърай, хъунтІуллуву цувалу, цувалу щяивкІун ушиврия хаваргу бакъа...

\* \* \*

Ссалам, Цусса шин! Ттун вихъ цІуххин аьркинцири, ттун вихъ бусан аьркинцири, амма ттул гуж – ттул гуж бакъари, ва ттул мазгу – ттул бакъари, – багъишла ити...

На багъишла ити, агана на пуркІурал хъусса, пожардал чанна лахъан бувса вил къуплилун хъхъичІава куна бунагъ буну, хъхъичІава куна чІивину ва мискинну ухлай ухъурча.

Ссавруннай шадлугърай, эмаратну бивтун бур барз.

НякІсса нурдануву аьрши шанай дур...

Чув? Та?

Ттул ххаллилсса, ларайсса чІун! Барчаллагъ хъуннав вин гъарзадрахлу!..

Ттун ина аьямну, цахханнуну, ягинну асар хъанахъисса куц. Ина ттул ялтту аьравалттил нигъну най дура ва вил микІлавчІсса шаттирдалу ттул ттаркІру къярш-къярш тІий дур... Дачу, дачу!.. Махъва-махъгу ттун укун хъинссияча: зяивну маикІара, да!..

Агъ, Цусса шин, аьзаврду бигъа да; ттул лухІи буруккин ппив ба, ттун винма ччимур ба, так ттун къюкъаласса бивкІу мабулара.

Ттул ларайсса ва баласса чІун, океанну ялтту къявхъ увкукун, къундалул ккуккурдащал вил ци ишри...

\* \* \*

Зунттуй хІайвандалул шаттирду бия. Жу ххари шайсса куц! Шаттирдайх бавчуссияв. Хъунмасса хІаллай най буссияв. Бурувгунну – пара. Гай бюрунттул шаттирду бия. Бюрунттул хъирив жун чунни! Зана хъуру. Цусса шаттирду – чал. Дахъва утигъаннусса. Бавчуру. ВахІши хъусса чу. Бувчусса, аьнтІикІасса айгъур. Жу жанаварт кунма ккашилну буру. Га бугъан къахъунсар. Шанттуршра метралий гъан хъун къабитару. БакІгу гъаз дурну, лихъай. БагъІатІал хъунав...

– Иван Петрович, ихтияр дула бивтун бутан!

– КъабучІиссар! Жува кІул хъун бюхъайссару. БугъантІиссару.

Ялагу авара. Амма вана Иван Петровичлул, бугъан къабюхъаншиврий дакІ дарцІукун, бивтун бутан ихтияр дулуна, амма так цал бивтун бутан. Зунттаву ца битаврийну бусса кІантту кІул бан къашайссар. Эхолул бйякъин байссар. Тапшур бувна ттуйн. Ххярклий кІиттуршлий ххюцІалла метралул гъан хъуссияв. Валнил тия чулий айгъурданул бакІ гъаз дуруна, буруглай бия. На ишан ларсъссия. Къашурча – бат хъуссару... кІилчин битан къабучІиссар, амру буния махъ, ттухъ ихтияр дакъассар. Ца бивтун бутан аьркинссар. Щурча – ххассал хъуссару. Къашурча – бат хъуссару. На ттула буцири гуж

батIав, багъайсса кущуй ссихI бугъав ва ишан ласлай ура – кьюкIума дар-  
цIуна. Битав. Битавришал архIал, чIалай бур, чу мукърагу ччаннайн багъайсса  
куц ва валтницIух, марххалтанийх ххюрхху хьуну, мурхъирай зурчIай тIун  
бикIайсса куц. АьнтIикIа айгъур! Туну, жу «гъурра» дурссия. Гуж ча бувкIс-  
сияв кьакIула! Ккашилну, инжитну буссару – левчуну най буру.

Чун ишан ларсэссия? На тIайланна ненттабакIрайн ишан ларсэссия, тIай-  
ланма яруннил дянив шунугу бия. Муксса ккашилну биявхха, ххаржандалух  
кьакъари кьувкьуну, котелокирдавун оь бавтIессия ва гай оь хIачIлай буру. Агъ,  
магълул айгъур! Ганил жу ххассал бувнав. (Ттурусса ненттабакIрай баллусса  
кIунтIгу. Ликкурттай – кIяла жуларду...)

\* \* \*

ИвкIусса цаннал жипливу чагъар бур. Кулпатрайн чивчуну бур: «...Туну,  
чан-чанну тIий на хъамаитяра, аьзизмий... Ина, ттул шарессай, Еленай, жула  
кьатлул чIавахулттих, ттул аьпалун, ятIулсса тIутIи дугъи, му тIутIул Ватан-  
далухлу экибувтIусса ттул ятIулсса оь дакIнийн булутийча...»

\* \* \*

Шяравалу инттура ппив-ххив дурну дур – я бивщусса кьазихъ бакъар, я  
хIаят дакъар. Так кьурувалурду бивкIсса кIанттурдай щунну нувшул ккиж  
ххярххун дур. (Ккашил литIаврия нигъа бувсэсса заллукъруннал махъун  
бивтун лабивтсса нувщи ххявххьунссар.)

\* \* \*

Дяъви байбишиншиву ттун хъхьичIва кIулссия. Инттува бригадалушал  
кьурув най буссияв, ххуллий щяивкIун ия илтIлук ивкIусса, щцахханну рут-  
латисса ва ца аьжаивсса кьужа. Цувалу щяивкIун ия изансса хIал бакъа. Жу  
ганачIанмай хъуссияв, амма жул кьюкIру цIунцIу тIий дия – лапва аьжаивсса,  
цукуннив гиваха акъасса, кIул акъасса кьужа ия.

– ОьрчIрув, ччатI буларакъай...

Жу ганан буллуссия ччатI. Яла кьужа, жугу буна, ус ликлан ивкIуна. Ца  
чакма лирккун, кIутIу дуруна, гива тIурча, кьама экилавгуна. Яла кьужлул  
гамур чакма лирккуна, гагу кIутIу дуруна, гива тIурча, вихрув, оь экилавгуна.

Жу бандлавгун бавцIуну буруглай буру, жул дакIурдивун цукуннив тIааь-  
ндакъашиву дагъуна, дакIру оьлуркьуна.

– Бургияра, оьрчIрув, – увкуна кьужлул, – гъашину гьинттул тачIав кь-  
архъусса куннасса хъу хьунтIиссар (къама ккаккан бувна) ва ххишала бакъа  
оьккисса дяъви хьунтIиссар (оь ккаккан бувна.) Бурувчуну бикIияра, оьр-  
чIрув...

Жу, ссихIгу кьадурккун, лавгссияв ва кьинибархан жувува жува пикрир-  
дайна буссияв. Ча, дяъви байбишинтIишиву ттун кIулссия... (Вагондалувусса  
ихтилат.)

\* \* \*

БакIрал ялтту миксса ттупал ккулларду, минарду ва чанна лахълахъисса  
ккулларду левххун най бурхха, инава пар-пар тIий цIаран лавхъсса ламулу  
уттуивхъусса хханссара...

\* \* \*

Азардахъул шиннардий инсантал литІлай бур – ниттил увну цалчинмур ссятрая байбивхъуну, лагмава бивкІурду бур, – инсан тІурча, гъич бивкІулийн вардиш хъун къабюхълай ур. Циванни? Вардиш хъун чІун хъусса кунна дурха... Азардахъул шинну!..

\* \* \*

Интгусса ахттакъун чІумул хІукъулул гъалак ичин уллалисса саллатІ. Га аххана шайва, яру мукъал буцІайва, лажин кІялаххайва, ганал къюкІлий ка дишайва.

– Ссавур диял хъанай дакъар! – цІир-цІир тІун икІайва га, бакІгу кІучІ дуллай, битлан икІайва, ва миккува, мурчигу хІунку дуллай, цІуру-кІуру буллан икІайва: – Ссавур духлаглай дур! Ттул дакІ илкиншиврийн, майданнийн, къурдарав, гай цІуртгачІан, га ххуллучІан кІункІу тІий дур. Агъ, уссурвал!..

\* \* \*

Дяъви нанисса чІумал щихъчІав ихтияр дикІан къааьркинссар «бавунни», «тІий бур» тІун, так «ккавккунни» учаванссар дикІан аьркинсса ихтияр.

\* \* \*

Агъ, ттул бидав! Хъару вий дакъари, гусеницарду вий бакъари, амма, ци бухъурчагу, жува Берлиннайн биянну. Бияннукъай!

\* \* \*

Разведчиктал микІирай бия. Амру бия ссихІ-чІитІ къадуккан, гъич вев-гъарай къаучин, акъарив душманнан дивизия бусса кІану кІул хъун най бия. Ца зунтгалчу микІиралун овъкъуна. СсихІ дакъа, микІиращал талай дачІи ссят дуруна, амма цукунчІавсса чІукІа-чІитІ буккан къабувнува, овъкъун лавгуна.

\* \* \*

Къяркъараву уттубивхъуссияв. Къинибархан уттубивхъуну буссияв. Хъхъурайнин аьрщи микІларчІуна. Талаталт аьрщарацІун микІлавчІуна. Хъит куссия – янналул парчри гиккува ливчІуна.

\* \* \*

ВацІлуйн бомбарду бичлай бур. ВацІа гъаваллаву ччучлай бур. Ттуршрахъул шинну хъусса ттарлил мурхъру ссурулу къавтІий бур, цанчирча, кІай ялавай багъаннин, цІунилгу бомбарду пІякъ тІий, хъиннува лавай личлачи бай. Дуржагъ!

\* \* \*

Къарил ца акъа акъасса арс. Къзазахъ. Га къараулданий ур. Къаригу тиннайну дарцІуну дур, арснах дуруглай. Ганин бавну бур диверсантътал чІявуну шанул лях лавгсса къаралнайн махъа ххяххайшиву.

– Жагъилсса ур ттул га, балики, ххал къахъун, шанул лях гъан. Ттуннив ци чулийгу шану биллай бакъари. Нагу къарал буллай дура!

\* \* \*

Госпитальданий чІивисса оьрчІ ур. Га дяъвилул хъун ххуллий лявкъуну ур. Ганал ца ка дакъари (бомбалул рургун дур). Палаталува палаталувун лечлай ур. Га цинявннан ххира хъуну ур. Яру къяцлул кунмасса, тІайланма

цїрх бивкїун, сивсуну буруглагисса, оьрчїал кунма, марцїсса бур, амма муницїунма, хьунаманал кунма, пашмансса бур.

\* \* \*

Машинартгай «Хьхьичїунмай, хьхьичїунмай, так хьхьичїунмай! Цуппа ца ша махьунмай!» тїисса чичру дур, амма циняв махьунмай ссур хьуну най бур.

\* \* \*

Хїакьину дакїнихтуну чивчусса ца ххагума, чїун ларгукун, чїявусса лут-тирдаяр кьимат буну ва гьайбат дуну бикїантїиссар. (Блокнотрансса эпиграф.)

\* \* \*

Дакїний бити, Кьапиев! Заназу, уруглагу ва дакїний бити, цанчирча хїакьину хьанакьимур тикрал кьахьунтїиссар аьрщарай ххишала тачїав, тачїав чичїав ваниха лавхьхьусса кьабикїантїиссар.

\* \* \*

Инт. Хьхьудяризал жу колхозрал председателнак кьатлуну бувхссияв. Кьатга чїивитїултрал бувцїуну бия. Тахлил лув – урдакрал оьрчїру, мурцїув, жанахїраву – цїир-цїир тїий кьулли, оьммагь тїий бярч, тахлий оьрчїру аьтїий.

\* \* \*

Щаву дирукун, дучри цїуру-кїуру тїун бикїай. Дучран асар шай, самолётиртгай нигьачїаву душиву, мунияту, микїлавчїсса кунма, я га буний бацїай, ягу, кьатїравун, мурхьирдавун бувххун, лабикїай.


\* \* \*

Щаву дирсса бутгачїан арснак чивчуну бия: «Мяммай, утгичїинми талата-вуртгаву вила инава урувчуну икїу, гьан дуллай ура вин Дякьил Тгаттахасса назмурдугу».

\* \* \*

- Варсивгу лавхсса кїия бурттигьу чїалай ур. Архну, та зунтгуй.
- Янилу бугьй!
- Гьу, ци тїар бурттигьалтрал?
- О, бурттигьалт левххун лавгунни!.. (Гай барзулт бивкїун бур.)





Абрек КЪЯНЧИЕВ

## БУРГЪИЛ ДУШ

### Повестъ

*«Га тий ур: щилли уттава буккан бантисса рухтираца хъусса базурду? Уча: уттава буккан бантиссар ганал. Га хъхъичва-хъхъичI бувманал...»*

*(Къуръан. Сура 36 (йа син). аят 78.79.)*

Цан-чани хъячин дурая. Савдатрив, ччянива бивзун, аьрххийлй буккан хIадур хъанай бия. Цал ичIаллил кушу бувна, яла хъунмур душ гужрай шаня чантI чин бувну, цивппа зана хъуннин дуванмунил ялув дюь дихълай, диялсса чIун гъан дурна. Салман ачин хIадурну машиналул рулланух щяивкIун ия. НукIу къабуккарча, утти букканссар тIий, кулпат букканнин, ккарччун къюву дуллалима дарув лавсун бучIаннин ссавурданува уклаккисса чIумал кунна, кIира пIапIругума увкуна. Ахиргу, Савдат чулланинмай бувккуна. Обьигьлилсса даву къуртал дурсса кунна, Салманнул, игъа лавгсса ссихIгу бивгъун, лув-ялув пIапIгу куну, дахъра кIирусса пIапIрус эки руртуна. Машина къур бувна. Цияв хъама риртсса Савдат цIунилгу ичIунмай зана хъуна. «Нюжмардул хъхъичIва хIадур хъанарчагу, чIумуй къадуккантIиссар. Вил хъалул хъуру дияйссар тIий, ттулва буши зия бавив?» - тIун дикIайхъунссар тIий, Салман цIуру-кIурулий ия. Савдат машиналий щябивкIсса чIумал ххяхха бургъил тIинтту зунттал бюхттулния шяравун дагъну, гайннайн щуна. Му чIумал, бургъийн лажингу дурган дурну, Салманнул паракъатну;

- Ваалайкум ссалам, халикьул нур, ххира ххяхха баргъ, ххарину биту, ххарину насу! – куну, бургъия ссалам лавсуна.

-Укунмагу чIал хъанай буруча, дуаьрду яла дуллан, бачин ба. Ххирама! – увкуна, ахиргу, машиналуву щябивкIсса Савдатлул.-Лечлай, хъирив занайгу бивкIун, утти га инсан канища уккан итаннув?!

-Аллагънал ка бакьирча, жувагу хIарачат банну, авара мабукларда, жунма къисматмур чин нясив къабантIиссар. ВичIава къуллугърайсса танмал щупирнайн кунмасса кIутIу-хъитгу къабити. Пайла бацIу баннав куну, дуаь дува!

-Хъинни-хъинни... вилмур дуаьлул чIу къабавхрав Аллагънан!

-Бавссар, Аллагънан ттул дуаь бавшиврул лишан тана,- щинату нанисса душнийн кIисса тIайла бувна. - ЧIалай буриу, цу цIуллу биву, кIюрххицIунмай



шинал варакъигу бувцуну, жула хъхъичун буккан нанисса. Ва марцисса тлайла бацур. Амма Аллагънащал бавхусса иширттаву махсарартту буллан къабиклайссар учайссия, аьпа баннав цил, ттул ниттил-ниттил.

-Ва гъуя, ахиргу бачинтиссарув тти жува?! - Савдатлул, килпитИ кунма, ппирх увкуна, бясру буллан гъира бакъашиву бувчин бувна, члал хъанахъаврил тахсир Салман уллай, хъювусулсса чу бувна. Салманнулгу мунихун жуаврагу къадурна. Цаннил хъирив ца скоростъ дичлай, машина ссур бувна.

-Лажиннича, вай дуланттавух, вай ххиттувух, хГурхIа бити, асфальтрайн ливчукун, винма ччикун ссур бансарча!

-Байссар ина тИмур, ттул хъунмур,- куну, машина оьнтIа-хъачГурдийх къартI къачинну, дуланттайх тий-шинмай хъюлчу-кIутIу къахъунну, ца тагъарданий, хГурхIа бачин бувна. Га ца лахIзалийсса шугълурдаун лавгуна. Ганан цакуну дакIнийн дагъуна къунну цанна ккарксса макI. МакIра цува чу ссур бувну най ия. Яла дуланттуха цакуну ливчсса инсанная чу ххивну, бартмихъ бивщун, увтуна. Чу ххийн бувсса инсангу ялун увкIун: «Вин цикIуй хъуну бакъарча, изу!», - тIий, изан уллалисса чIумал чантI куна. Тамаша! Ци-цигу ккаккайрча макIра. Тасса- такIуй оьрчI заманнай акъа чай буртти къаивкIсса Салман, чаргас кIилигу дирхъусса айгъур макIра ссур буллалисса хханссия. Айгъур чуния машина бухъунссар, апатIран дуланттуха укканмагу цур икIантIисса? Ци чулийгу, личIлулну ачин аьркинни. Щарссанихъ бусарчагу, утти заманнул бувчIу, Глобаяр ялтту уклай ура тIий, хъяхъаву дантIиссар... Бугу астрологтал чавай, экстросенстал чавай бакъасса шарлатанталгу бакъар ва заманнай инсантал къукI- мукI буллалисса.

-Я ххирама, линкIа тIутIи къабувну, къашайрив, шанувкъюна урав?! - тIисса Савдатлул чIунил, ганал шугълурду бяличIан бувна.

-Вагу ласун, тамургу хъама къаритан тIий, шаттирахун къюкI уллай, хIалалну шану лахъан личIи итав ина-а-а-а! - куну, Салманнул шанувкъюнмасса лахъи гъагъ бивгъуна.

-Пуй-пуй, карчI чулиннай гъаннавча, ва тти замана шаний лахъи лагай замана бакъар. Бала багъивухъал бучIан байсса замана чIалай буричI? Жулва хIарачат жува къабулларча, жунна дулайсса къахъун най ур...

-ТIайласса аькълу, дуссания цIана ницIал ца къуса, на вил зумув дишинтIиссия. Ай, вин мув аькълу ччянива бивкIун бивкIссания.

-Ттинингу буссияхха... щилкIуй дулуннин ялугълай бавцIун бикIайссияв?! - Савдат Салманнуяр мукъул лув багълай бакъая. Гайннал дянивгу, гай гъантрай бякъаличIавайсса бьаст, цIунилгу кIиллан бивкIуна.

-Къаялугъларчагу, дулаймур захIматран лархъхъусса цинявннан къадикIайвача.

-Цукуна къадикIайсса: гъарцаннал бюхъулух бурувгун, гъарцаминнангу, дурмуних бурувгун, дуллай бакъаяв?

-Муна муниллхха инсантал хъаврин буллай бивкIсса. Ай, тай зул райкомиртталгу мутIалавшиннагу цаяра тIайла хъуну дуручлай диркIссания, ва къини цалла бакIрачIангу дуккан къаритантIиссия...

Инания гъич, талихI бакъа бархъара душ ... ина райкомрай зий цуксса хIал хъур... райкомрайн багъайхту, гъарза лирну ларгунни. Вияр хъхъичIмур секретарьнал цукун рищаву дурна передовицахъай лухIи-оьрчIурду,

халичарду чичлай, цимурца цанна ххяп дуллай, тихачил арулва багълий дахлан тIайла дуклай. ХIасил, къуллугъралшиврийгу, хъуслилшиврийгу инсантал партиялувун ххяхлаххи буну бия. Мивун бувххусса авангардру тIисса лямпуртурал, гъарзат ппув-ппартран дунни, чуври цIана мий жулва коммунистал?!

-Цума ци тIурчагу, цIана кунма ккаши - мякъ багъну, инсантал куннал кув канаки буну къабикIайссия. Му чIумуйсса ишри. Историялуву укунсса чIунну чIарусса хъуну дур, амма ттинин дуняллийн дингума къадурккун дур, партиялул кунма, инсантал къякълукун бихълахъисса. Ина хъан бикIара экстросенстурай, амма партияксса аьнтсса экстросенс уттинин къаувккхъунссар. Радиолувухгу, телевизорданувухгу, кказитирттайгу, кIани-кIанттурдайгу жува коммунизма дихълахъиссару, жулва оьрчIру коммунизмалул багъраву ччамарду буллантIиссар тIий, хъхъугу-къинигу уххай тIий, халкъ чантI чин къабитлай, компартиялул багърал багъманчитураха зузи буну бивкIунни.

-Ваппабай, партиялуйнсса вил зидлих... инкъилабрал шиннардий буттал ппу хъус-къинилуцIа увсса хханссар. Ина буттайхчIинсса акъара. Тгун кIулссаксса вил ниттил нину, малланал душ бухъурчагу, зул буттал ппу ятIул партизанья тIий пахру бикIайссия.

-Гъаксса таналгу таний таттупанча тамур чулукунмай бурган буну бивкIссания, утти ва къини дучIансса кIулну.

-Тти ттул вищал махъ бакъассар. Ца-цассагу инсантал чантI учин буну бур ва перестройкалул, амма ина куна чантI учинсса къавхъухъунссар. Щукру, ина чансса ччяни чантI къакусса, акъарив лас тарбия ан къашайсса ци коммунисткара тIий, вьяварттайх тIайла букканссия. ЧIалай буричIу цукунсса замана бувкIун буричIу, ссикI дурккума, ссахIливун акълакъисса.

-Та-а-хI! Мий ккурчIнил хаварду къабити. Ца бур тIайлану хъанай. Жулва учайссар «Сийлийма сийлулу, сийлулума сийлий», куну. Мукун бур хъанайгу.

-Сийлулу къаучайссар литературный мазрай, суйлур учайсса...

-Учайхъунссар, амма ва бур цалва лувгъатрайсса учала. Щалва тIааьнгу муниву бакъарив?! Ургулай: «Сийлийма-сийлулу, сийлулума - сийлий». Ва цIанасса иширацIух жувагу сийлулу хъун най буруча, ххари махъанарда.

-Агъа-гъай, уттинин сийлий бивкIсса хханссар. Хъама бивтритив ва харава хъусса машина тгун булун бувссар тIий, цукунну даврия буккан буллай бивкIссарив, цукунну партвзыскания дуллай бивкIссарив? Цавай гъантлун, ца кунма, цIусса ласлай, ацIва багълий бахлай, цавайгу щилкIуй хиркъа ласуннарагу ихтияр дакъа.

-Муния бикIанссарча, муку-мукун мюрш-къюрширдайн биллай, ва цаппара пIупIалавтал гъалгъа тIий, цукунсса оьрму, цукунсса строй зия дуварду?!

-ХIайп тIун бити зузалал къатлувун бутан бакъасса чIумал, халичарттал чIан къатригу буцIин буну, тIааьнсса кабинетирттаву, амрурду буллай, щябивкIун бивкIмий.

-Мукунмий, винма кIул хъуну ччарча, уттигу муниярь оьккиний щябивкIун бакъассар. Вихъва хавар бусан, жулва школалий уссиятIар ца учитель, мунал цIа тIун аьркин бакъар, школалул директорнал насихIатчигу, дус-ихтияргу, къинилулчугу, кутIану учин, лажин лякъугу къаучиннача, къуллугърал дус.

Га директор укѧан увнурив, цукуннив школалуя лавгун ур. Гара кѧини ивкѧун ур га укунсса, тукунсса ия тѧий, хѧирив бурушанай, цѧуну ивтума директорнал лагма уклай. Гукуна тѧун икѧайсса ивкѧун ур, хѧиривма аххана шайхтугу. Я школалун, ягу чѧявучин-жяматран хайр бусса клѧпѧикѧрансса даву къадурнува, гукун, лямпѧуршиву дуллаи, заслуженный учительшивугу ларсуссар.

-На личѧи вихъ ци тѧий ура. Муна кѧулну бивкѧун. Та ина дайшлащисса социализмалул система-ттуккул дайссар, чал дукайссар тѧисса къяйдалийсса дия.

-Тѧиъ, мукун маучав. Ца-ца даччин дакъа къадикѧайва, амма муксса кѧяла булланссагу дакъая. Мякъ лихханцѧа щин хѧарчѧун махъ, щарашувун ахпув тѧутѧима ттун, душман куна, чѧалан икѧай... Ява, хъхъичѧун ургу, машина щун на-а-й!

Дуланттуха бувккусса Камаз машина, чѧарах бувккун най бунува, ганияр хъхъичѧун буккан нанисса «Нива» гайннал УАЗ-раин щун бавчуна.. Салманнул машина ххуллул зуманинмай баччин бувна. Амма, «тгавх» кусса чѧугу хъуну, машина, цакуну бавцѧусса кунма, хъуна. Му чѧумал Савдат хъхъичѧунмай хъит бувна. Ганил бакѧ пѧурунналийх бивщуна. Салман цувагу хъхъичѧунай ивщуна. Хъзамраин щусса рулланул га айщуна. Цийва бияла бакъа вяъ учин увна. Уварчагу, ганал сусруххалну Савдатлун хъап куна. Му ппурттуву машинагу чулий къутри дуллаи бавчуна. Га чулий кѧура баяйхту, сидениялул лув бивхъун бивкѧсса кѧусса домкрат лува ливчун, Салманнул бакѧраин щуна. Ганал итгах цукуннив кѧяласса къювулул чани бавкъуна. Га чани, липѧ-липѧ тѧисса кунма, бия. Салманнул цал клубраву кинорал лента бувцусса чѧумал, анаварну пѧар-пѧар тѧийгу бивкѧун, яла бавцѧун, прожекторданул чаннал лента бавцѧан буллаи, экранналий цал цукуннив ятѧулсса, яла цалнияр цал кѧяласса чани хъун буллаи ккавккуна. Га чанигу гукунсса, ганияр яргсса бия. Чаннал липѧ-липѧ тѧутѧаву дарцѧукун, Салманнул бакѧравун «тѧи нава ивкѧуссара» тѧисса пѧкри бувххуна. Яла гания гихунмаймур ганан я чѧалай бакъая, ягу баллай бакъая, ягу дакѧний бакъая.

-Машина щун на-а-ай! - куну, Савдатлул леххаврил чѧу бувна. Га, хъхъичѧунмай палцѧ хъуну, бакѧ чѧавахъулттийн, тгавх куну щаву ца хъуна. Ганил бакѧ чѧавахъулттил пѧурунналийн къавщуну, дянивухсса цѧакъсса муххайн щуна. Духѧан къашайсса къюву чурххавух дуллауна. Янин чани лавсуна. Амма, гава лахѧзалий бакѧраясса къювугу духларгун, чан-чанну тѧий, ганин чани букѧлан бивкѧуна. Чани муксса ярг хъанай бавчунахха, лагмасса цимурца, чанна лархъун, чѧалай дия. Цуксса яргсса бухъурчагу, чани итгав къутѧлай, бюхлай бакъая, ялунгума цукуннив тѧааьнсса гъиди яруннин хъун буллаи бия. Га нурданун лавхъусса тѧааьнсса чани Савдатлунчѧан гъан хъанай най бия. Чѧаравпай бияйхту, ганил: «Ина цура?» тѧисса кунмасса суал буллауна. Му лахѧзалий, мюрш бивкѧун, щалва оърму хъхъичѧух ляпѧ увкуна. Хъхъичѧа-хъхъичѧ ганин ккавккуна мукъра шинавусса цуппа ниттил ниттичѧа зунттаву, чѧирунна тѧутѧал банавша бувсса бизанттайсса машилий. Яла тѧаннул аьнттуву бувсса ини. Хѧуен дурну, яттил нисгу хѧала дурну, бавхѧусса инил къюссайх лагавугу дурккун, канакисса чѧун. Га инил къюссах цѧанагума зуву дуллауна. Га цѧанасса азарда сникерсрах къабулунссия.

Хъирив ккавккуна ряхра шин хъусса чумалгу гара машилий, оь ва накI хIалану чIалачIисса ганил чаннасса симанналий, яруннил лагма интгухунмай так-тукну тIантIригума чIалай бия. Га симан, ттуруллавух буруглагисса бургъил оьрчIал кунна, ранг-къачIану чIалайсса дия, цаярва хъунисса душарал хъирив занай, бакъацIайсса Савдатлуйн машилийсса ца къарил «бургъил душ кунма, хъири-хъирив заназаву цира» куну, ганин «бургъил душ» тIисса чулий цIагу лачIун дурна. Гай хъуни душарацIух бувккун, лухIисса кIурая щекъи дурну, цилла ликкурал жирттуйх дурккун, ххалаххив щилай, щуну гъис увкутари, энчIругу дуллай, ччаннай къакъунт бихълахъисса чIунгу хъхъичI дарцIуна. Цана кунма баллай бия, ччаннай къакъунт бивхъун ххал шайхту, «ина машилул оьллу ттизуяв, дуснакърал ясирьяв, вилла чурх оьрчIи буллан?»- тIий, ппу дяъвайсса чIу. Яла ганин цуппа школалин най ккавккуна, къурнил тIутIал кацIгу бувну. Байбихъулул классрава ацIния цалчинмур классравун бияннинсса щалва оьрмулувусса циняв дуклаки оьрчIру, учительтал ккавккуна. Дарсирдай оьрчIал дуллалисса вьйлишивуртту ва гьарцагу учительнал къянкъа-кIукIлушивугу лях къаларгуна. Институтраву дуклакисса чIумуву яла-яла яргну чIалай бия Салманнушал кIул хъанахъисса чIун. Савдат институтравун дуклан дахъва бувхсса чIумал, Салман сельхоз институтраву сельхозмашинардал инженер-механик шайсса факультетрал шамилчинмур курсраву дуклай ия. Ганащал кIул хъуну махъ, га ччай ухъурчагу, «ттула лас механизатордивав икIантIисса?»- тIий, ссюрхъирдайн дияннин каругу мазутравух гъулувгъусса, лухха-ххиттул лажингу дурцIусса колхозрал трактористнал сипат хъхъичI дацIлан дикIайва. Шамуйлчинмур курсраву бусса чIумал, Салман ца шин колхозраву инженерну зийгу дурну, яла районналул шяраваллил хозяйствалул управлениялул хъунама инженерну зузиний, къутаннайн командировкалийн най унува, управлениялул машиналий укIлан ивкIукун, цукуннивсса пахрулул асардугума гъаз хъанахъи хъуна. Ганил институт къуртал буллалисса шинал Салманнун буцингу куну, хъатIи гъинттул банссарча, магъар уттива бишара, увкуна. Магъар ччяни бишаврил мяънагу буттал дурчIин дурна. Магъар бивхъусса душ - му щархъуну, ласначIассаннун ккаллий хъанайсса бия. Институт къуртал буллалинийгу, му цамур кIанттайн зун гъан къабувну, лас зузинин гъансса ихтияр дия. Мукун най бунува буттал шяраву зун бучIан бювхъуна ганища. Вайминнал ниттихъал министерствардайх лечлай, магаришру -рушватру дуллай, душ-оьрчI цалла шяравунмай зун кIункIу банмур буллай, чIявусса захIматру, харжи буккан буллалисса чIумал, ганал цалва душнил масъала бигъанма ца чулийн буккан бувна. «Муксса къакIулсса Люъман урив ва» тIий, ганал аькълу-кIулшиврийн мукIруну бия шяравучувтал. Мийгу нахIакъ къатIутIиссия. Учителъну зузисса Люъманнул школалий хъуннасса сий дия дуклаки оьрчIру дарсирай бугъан кIулшиврул. Яла мютIий акъамагу, ганал дарсирай, учиннуча, дарув щуну махъ, лякъа лавайгу багъну бивкIлай, дахъра ххяпри тIиркIа тIутIи дурсса нувщи букай колорадуллал гъангъаратIи куна, паракъатну икIайва. Люъманнул гьарца мютIий акъун цанмалусса дарман лякъайва. Амма цаягу оьрчIайннив, цуксса мютIий акъу ухъурчагу, ка гъаз къадайва. ЧIявуну буслан бикIайва ца мютIи акъу Люъманнул «махъ» аврияту. Ганал дарс дишайсса ряххуйлчинмур классравун агъну ур, гивува ливчIусса Жамал тIисса оьрчI. Дарс къалавхъхъун учIаву къагъану,

дарсирайгу Жамаллул вйялилалаврил тиха зума чІалай къадиркІун дур. Цалла увинтру дуллай айишайхту, чІявумий учительтурал Жамал дарсирая уккан айсса ивкІун ур. Увинтру диркІун дурр, учитель кІура аяйхту, маймунналул кунна, пІяврду, энчІру, кІаншру дуллай, хІаз махъру тІий, оърчІру бияла бакъанма ааппапа бишин буллалисса. Ца-ца чІумал чІарах нанисса учительнал махъун ци-дунугу ххараххан дурну, «магъгума» лачІайсса диркІун дур. Укунсса увинтру дуллан тамахІ бишайсса бивкІун бур, Люъманнул дарсирайгу. Амма мунал тІуллая кІул хъусса Люъманнул, мунахъ ци-бунугу цІухлай, дарсиравух хІала изан уллай, ягу муная арх къаувцунна дарс цІуххаву, бувчІин баву дайсса диркІун дур. Чула шайхту, Жамалгу увин къадурну, къаацІайсса ивкІун ур. Жамалгу: «къачча ттун история, ливтІу паччахІгал лахълан», тІун икІайсса ивкІун ур. Ахиргу; Люъманнул Жамаллуин хъхъури ларххун дур, цурдагума зумургу дурну. Марххала бувсса дяркъу къини диркІун дур. Школалий Люъманнул дежурства диркІун дур. ОърчІру марххалттания ва дякъия, къатІувгу къабувккун, жанахІравува бивкІун бур. НувцІуйсса щивцу кунма, тІиркІа тІий, щуруйсса оърчІаву кІия оърчІал лачІу-ххачІугу хъуну бур. Миннавух Жамалгу ивкІун ур. ЛачІу-ххачІулуву Жамал лувн агъну ур. Га ппурттуву Люъман ялувн увккун, Жамаллул ялувма оърчІ гъаз увну: -Да, ина ва бугъ аннав, ивчІаннав, му ци зулмури буллалисса - тІий, гъужум бувну бур.

- Ачу, тинай!- куну, къуж-муж увну, чІиралу ацІан увну ур. Хъирив тІурча, лувма оърчІ Жамал ххалшайхту: «Вагъ, Жамал!» - куну, махІаттал хъуну ур. «Варч инарав ина? На ина цива-ци аждагъаривав тІий икІайссия, ххал арча... укьу-укьу ... Ина дарсирай аждагъа ивкІун урача,» -куну бур. Нач хъуссияв, юхссагу яхІ гъавгъссияв, гания махъ Жамал ца-кІира дарсирайн къаувкІун ур. Люъманнул, цикІуй бакъа мишан дурну, дарсирайн цан къазанай ура куну, аьй дурну, заназу увну ур. Гания махъ хІатти ция Люъманнул дарсирай Жамал маймуннул тІуллу дуллан. ТІун бикІайва Люъманнул аьмал бувссар Жамаллуяр ххувсса оърчІахъ увкуну, утана лувн ути куну, яла цува ялувн уккан тІий. Аьмалгу – му инсаннал аькълу бур, так цанма къулаймур чулинмай ишла буллалисса. Люъманнулгу оърчІ тарбия шаву мурадрайсса аьмал бувхъунссия, Жамалгума тания махъ чансса паракъатгу хъуну, дарсирдал мадара буллали хъуну ивкІун ур. Люъман кІулминнан душ най бунува цалва школалий зун бучІансса аьмал баву, тамаша бизансса зат бакъая... ХъхъичІун дурккуна хъатІи бувсса къинигу. ХъатІи бувну цаппара гъантрава, цуппагу архІал цащала къабувцун, дустуращал зунттаун гъан хІадур хъусса Салман къагъаншиврул, ганал дуссар увкусса циняв янна, га шанай унува, кІюрххила шюшлан аьраян дирчусса куц. Га шания ивзукун, лаххан янна дакъа ливчІун, ганал дуллалисса къащилий цалла дуллалисса хъяхъаву. Цуппа щинав гъан бивтун, ялун увкІсса дус Ризваннул, яннагу ларххун, лавгун лякъайхту, цанна хъусса къащи. Муния махъ, ххавххун, ссихІ къадуклакисса чІун. Ганинин цуппа лихъан бан тамахІ бихълахъисса, институтраву дарс дихълахъисса Саэдлун хъуну бивкІссания, шагърулий бикІанссия тІисса хиял бувкІсса чІун. Цалчин, душ бувну, ххарисса чІун. КІилчин, душ буллалиний хъусса захІматшивуртту. Гания махъ марцІну даврихух машгъл хъуну, цал школалул завуч, яла ОНО-рал инспекторшиврия исполкомрал заместительну, заместительшивруягу, ччалли бувккун, бувчІавуртту дурну, райкомрал шамуйлчинмур секретарьну

зий дачли шиннагу хьуннин, райкомругу лавкъун, даву дакъа личлаву. Утти, даврил хъирив най бунува, укун ххуллий хьусса апатI. Щалва оърму итталух бувккун лавгун махъ, цIуну був марххалттанулнир пар бусса чани СавдатлучIан хьиннува гъан хьуна... Га чанначIангу Савдат, дюхлулуд гъаз бувну, гъаваллавух бигълагъисса къув кунма, гъаз хьуну бавчуна. КIия, лахъния ганин пIякъ бивкIун чIалан бивкIуна шяв хъанахъимургу. Машинартту куннин кув щайхту, Салманнул ганин хъап куна. Машина, къутри дуллай, чулий багъну бавчукун, ганал бакIрайнгу машиналувусса кIусса зад щуну, цувагу чулинай, вялч куну, левкъуна. Машиналул кIилчин къутта дуллалиний, Салман тIиртIусса нузавух чулинай личин увна, маршалусса къасса хъув чулий багъну, машинагу бавцIуна. АпатI хIисав хьусса хъхъичI нанисса КАМАЗ арх бакъа бавцIуна. Ганива шофер увккун, ххуллийвасса «НивалучIан» левчуна. Ганил куямур нигъирал хъхъичIалу лахIа-ккахIари хьуну бия. Рулланухманан ва ганал чIаравманан цикIуй хьуну чIалай бакъая. « Да, ина авлия хьуссарав, дуланттуйхгу обгон дуллай?!» - куну, дяъвайсса чIу бувна. «Нивалул» рулланухма, нигбал кIяла-хъахъи лавгун, зурзу тIий ия. - Жун цикIуй къавхъуннича, гай ххассал бува, лажиннича!- тIий, миннат буллалинийгума, ганал ккарччив зурзу тIутIаврил къанцIа тIий дия. Машиналува увккусса чIумалгу, чурххавух дуллусса къювулуд къарчI икIан увна. ЧIалай ия вивату цIун увну ушиву, амма чурххавусса нигбал цIуцIаву хъама ритан дурну, «Камазрал» шофернал хъирив левчуна. Гай кIиягу ялун бивсса чIумалнин «Камазрал» шофернал, Салман гъаз увну, лажин лавай утту ишин увна. Га цайна цува учIан ан, хъатру ришлай, улувкъуна. Ссинкъ-ссинкъгу куну, яру тIитIайхту: «Вин цикIуй хьуну бакъарча, изу!» тIун ивкIуна, Салманнул лагмавагу я бивтун: «Савдат... на итирача га ххассал бара!» - куна. Гай машиналулчIан левчуна. Савдатлун цуппа ненттабакIрая оьтту най, бакI лувчулий багъну, машиналувува чIалай бия. ЛахIа-ккахIари хьусса нузру тIитIин къахъанай дия. Му чIумал «Камазрал» шофернал машиналул хъхъичIухсса зири-зири багъсса пюронт личин бувна. ЧIавахъулттивух къатIув буккан бувна. Га рухI дакъа ккавккукун, «Нивалул» шофер: «Ттул къатта ччувччуссар» - куну, левкъун лавгуна.

-Ина шикку ацIу! - куну, «Камазрал» шофер анаварну махъунай левчуна. Цалва машиналува, аптечкагу лавсун, зана хьуна. Гива дурккусса кисайлуй ганил бакI бавхIуна. Савдат ккавккукун, Салман ганичIан ххявххуна, амма, якъамасса чIугу бувну, гагу, хIал лавсун, агъуна. Му ппурттуву ххуллий нанисса цаймигу машинартту ялун бивна. Гайнная кув цацава шайсса кумаг буллан бивкIуна, цагу «скорая помощьрал» хъирив лавгуна. Ялун бувкIсса скораялул хIакин Савдат ххал буллай ия. Ванил иш къулайну бакъар тIисса чIу Савдатлун бавна. Га, носилкалий утту бишин бувну, най дунува капельница дирхъуна. Гай шамагу, скораялийн лахъан бувну, бувцун бавчуна. БольницалучIан чIявусса инсантал леххаврий бувкIун бия. РухI дакъа синс лирксса симанналийн я щайхту: «Гъуя, сеувай, тти на цибави?!»-тIий, лажин - кIизгу ххяп буллай, агъи-агъи тIий аьтIисса ссу Марижат ялун хъямала ххявххуна. Язухъ бия: «Бавай, бавай!!!» тIий, цааханнарал хьусса чIугу

буллай, носилкалий лавсун нанисса ниттил хъирив нанисса хьунмур душний ва цизунссарив къакIулну, агъу тIий, ганил хъирив нанисса чIивимур

душний. Больницалул палаталувун ласайхту, «Тгун циклуй хьуну бакъар, на ваничIату къаукканна» тIисса Салмангу хIакинтурал: «ЦIана ваничIа цуклуй къабучIиссар» - куну, гужрай уккан увну, чIаравмур палаталуву утту ишин увна. Ялун увкIуна больницалул хьунама хIакин ХIусайн. ХIусайннул пагъму-гъунардания ца дикIайва, амма хъамитайпалул чулухунмай яру экъи нани буллалиссагу ур, тIун бикIайва. ХIусайннун ххуйну кIула Савдат, мунихлуну ганих хьунмур аякъагу цува дулла ия. Ганал, хъазамрава аьч бувну, фонендоскопрах вичIи дихьлан ивкIуна. Амма га лахIзалуву ганал цалла ка хIакиннал кунна дакъа Савдатлул ккурркину къутI бивкIсса ккуккулий, хъазам ках буллалиссаннал кунна, дирхьуна. Му иш ххал хьуна Савдатлун цинмагу. -Ванал нач дакъашиву, ттул хъазам ках буллан. Дукъа му ка хъазамрава!- куну, вев кусса чIу бувна.

-БикIайвакъай хъанниву хавар, ХIусайн лютийсса ур тIий.- Дукъа му ка!- тIий, ялагу цишава шайкун лахъсса чIу бувна. Савдатлул чIу булларчагу, хIакиннаннив ца циклуй баллай бакъая. Амма га ппурттуву Савдатлул чIукIа байхту, ток бивщусса кунма хьуну, ккуккулия ка, хъит дурну, дуркъуна. Къус ивкIун, ганил иттал къалакъив гъаз дурну, иттав урувгуна: жавгъарду гъарта бувккун ххал хьувкун:

-Ваниву рухI дакъар, ванин квалифицированныйсса кумаг аьркинни - куну, лавай ивзун, вичIаха фонендоскоп дуркъуна. Га, ялагу къус ивкIун, цIунилгу иттав урувгуна. Гай рухI дакъа архну ссаллив хъирив буруглай ливчIсса кунма хIисав хьувкун, мунан дакIнин багъуна ччянива аьпалувух хьусса ниттил учайсса махъру: «Алши бусса муьминчу ухьурча, - тIун дикIайва га, бивкIулия гьалгъа багъсса чIумал,- Жабраиллул хъа ялтту дуккан дурну, мунан цанма алжаннуву бикIантIисса манзила, неьмат чIалан бикIайссар, мунихсса шавкъирал, муних уруглайна личIайссар цалва авлу-авладрах къауруглай...» Лажиннича, ваниву рухI дурагу дакъассарив, - тIий, ХIусайн ялагу Савдатлул оьгтул давление, пульс, мюрш ивкIун, ххал булла ия. -Юх, ванин квалифицированныйсса кумаг аьркинни, - тIий, хIакин ХIусайн палаталува увккун, леххаврий увкIсса районналул советрал председателнал: -Аьркинну бухьурча, шагърулийн оьвкуну, мугълат бакъа аьркинсса хIакинтал бучIан бувара, муних бюхъайссаксса кумаг буван аьркинссар, - куна ганал. Савдатлухьхьун цилла чIумал лайкъсса даву къадуллуну битавриву, ганангу цалла тахсир чIалай бия. ЧIал къавхьуну вертолетрай шагърулия аьркинсса хIакинтал бувкIуна. Ганил тагъаргу ххал диргъун, хIакин ХIусайннул дирхьусса диагноз ва булла бивкIсса дарурду тIайласса бушиву бусаврищал, га реанимациялий бикIан аьркинсса бувсуна. Шагърулийсса больницалийн буцлан пайда бакъая. Цимурца гиккура щаллу дансса шартIру хIасул дурна. Цансса, гъапулсса къатлуву цуппа утту бишин бувну бухьурчагу, ганин гивалу чаннану чIалай бия. Гивун бухлахисса хIакинталгу, цуркни нанисса цулкIри кунма, куклуну ша ласлай буххайва. Палаталул хьулувун ччя-ччяни ссу ва душру бувкIун, хIакиннал ци чайрив ккавккун: «Я, Аллагъ, ина цIими биша, вай душру ятинтал хьун мабитари!»- тIий, вири мукъал буцIлай, аьтIий булукъайва. ХIакинтурал къулай хьунтIиссарча, шаппай наси тIий, хъхьичIа букъан байва. Ца къини Салмангу хIакиннащал уххан ивтуна. Га, гъан хьуну, ганил лирцIусса лажиннарах, пIякъ ивкIун, уруглайгу ивкIун, цалва душния кунма, ганил щаву дусса ненттабакIрая ппайгу куну, лавгуна. АцIва гъантта лавгун махъ

аъжаивсса иш хъанан бивкӀуна. Савдат ххал буллалисса хӀакиннан ганил пульс ... давление цакуну духларгун ляркъуна. - Ва бивкӀунни, - кусса чӀугу бувну, электрошок дучӀан дурна. Электрошок дуркун, ганил базурдал тӀиркӀ увкуна, ганивун рухӀ дуркӀун, сукку тӀий, чӀалан бивкӀуна. Ганилсса буллай цябивтсса медичкал: «кӀура баллай бур» тӀий, ххари хъуна. «Ттул чурх, ттул рухӀ дакъа дунува, цукунни сукку тӀун бюхъайсса,» тӀий, Савдат цилва чурххачӀан ххявххуна. Амма утти ганища, щинал бувцӀусса варакъувун ялтту най, цаймий щин гъан дан къашайсса кунна, Савдатлул рухӀираща цилва чурххавуннай зана хъун къавхъуна. Му ппурттуву накӀ хъусса зурул чани, бургъил пперхха тӀисса тӀинтгал бас буллалли бувсса кунма, хъиннува чаннасса, тӀаансса чаннащал, кӀира щинал хъхъичӀра диркӀусса цилла нину палатӀалувун дуркӀуна.

-Ттул душ, ина шикку ци дуллайра? На ина бучӀаннин цуксса хӀаллай ялугълайя дацӀантӀисса, ттул ххира бургъил душ?!- чӀивинийсса чулий цӀагу тӀий, хъямала дагълай дия. Ва макӀривав, чӀихъривав тӀий, Савдат ташвиш лавгуна. ИвкӀусса инсаннал хъирив макӀра гъарча, сагъмагу чӀихъра чӀал къавхъуну ивчӀайссар тӀун бикӀайхха, навагу бивчӀан найвагу бакъаривав тӀисса задгу ливчуна.

-Вин къачӀалайрив, бавай? Дургу ттух шиккун! На шанин багъну къачӀалайрив вин?- ганил шанийсса цилва чурххайн кӀисса тӀайла бувна.

-Вин цикӀуй хъуну бакъархха, ина ци шану тӀийра? - цӀувххуна ниттил. Ганин шанийсса чурх чӀалай бакъахъунессия, нину ялагу ганил ка дургъуну, кӀункӀу тӀий дия.

-Душругу, ласгу къабивтун, ахир ттулва чурхгу къабивтун, ина дурагу чун нану тӀий дура, - куну, ганих бурувгуна. Га тӀурча сивалува архну чӀалачӀисса чаннал чулухуннай кӀункӀу хъуну най дия. -Ваксса тӀаансса чани ча бурвав, - тӀий, Савдатгу ниттил хъирив левххун нанисса кунма бия. Сивалува личайхту, гай эмаратсса арнил ялтту левххун най бия. Ар цакуну щинал зуманицӀ къуртал шайхту:

-Ттуяр махъун мабагъав, ттул душ!- куну, хъхъичӀа нину дакъа хъуна. Савдатрив гиккун бияйхту, бавцӀуна. «Юх, бавай, - увкуна ганил,- на ттула аъзисса ласгу, ххирасса душругу къакъабитанна!» -куну, гикка махъунмай зана хъуна. Ганища га лахӀзалий ччинин биян, ччимур чӀиравух, магъувух, гъарзатравух дайшишру дакъа буххан, буккан бюхълай бия. Амма ганил рухӀираща махъунмай зана хъувкунгу, цилва чурххавун духханнив бюхълай бакъая. Савдат реанимациялийва бия. Ганийн хӀакинтал интенсивный терапия дуллай бия. АцӀуйлчинмур къини га чантӀ куна. ЧантӀ куну, яру тӀивтӀун, лагмава буруглай бия. Пахъ багъсса, дюхлулсса цукуннив цӀанчани дагъсса къатлуву, цама цукӀуй акъая. Му ппурттуву палаталувун хӀакин ХӀусайн увххуна. Га цичӀана гъан хъанан ивкӀукун, Савдат бизлан бивкӀуна, му чӀумал хӀакиннал!

-Вин бизлан ттигу ччяссар, паракъат хъу! - куна. Ганил ссума-начну: - Ина цура? Циванни къабучӀисса? - куну, лажин яруннилун дияннин виргъанналулун кӀучӀ дурна.

-Ина ттигу бази лаган бувассара... -Вил бакӀ бакъа цамур цӀуцӀисса ци дур?

-БакӀ?- тамашану цӀувххуна ганил. -Ца цикӀуйгу цӀий дакъар, ина цура ттул бакӀралсса буллан?

-На хӀакинна, хӀакин ХӀусайн. Вин на къаувчӀурив?

- КъаувчӀунна... УвчӀингу - къаувчӀингу ина ттун къакӀуллахха. Ва щил къаттар?



-Больницалул палатар...

- Больница цир? На шикку ци дуллалиссара?

-Больница му къашайшалт хьин байсса къаттар. Вин цикІуй дакІний бакъарив винма хьумуния?

-Базаллувун наниний, дучри ххивну, пайтІун даргъусса дакІнийри. Ттул лас чуври, мунан цивхьун бур?

- ПайтІун даргъусса?

-Гъай, чІиви Аьлил пайтІун ...

- Хьинни, паракъат хьу, вин авара буклан къабучІиссар.

-Ина щил ХІусайнна? -Кусахъал? Кусахъал ХІусайн. Гъансанчи Куса-ХІусайнния, хьунав шаврил шацІ хьуну, шярайхун уккан къашай хьунур усса. Ина жагьил та хьуссара, юхссагу, хьярч буллау урав?

- Ттул хьярчрича... вин цІана хьювусул буклан къабучІиссар, паракъат хьу. Ина бигъалагансса ххалаххи бува учиннача цІана, - куну, ХІусайн палаталува увккун, жагьилсса медсестрагу бувцун, увкІуна.

-Хялатрал кІялашиву-у-у! Цилвагу, минцІгу бивкІун, ххуйшиву, - тІий, ялун бувкІсса медичкай тамаша бувна. Ганил цихъвасса муххал кършува шприц бувккун, ганивун пюрунналул чиллува дарув цІупІ чин буллан бивкІуна. Савдат, цахханну дагъсса кунма, яругу пІякъ-пІякъ бивтун!

-Му цир, мунил ци байссар? - цІувххуна.

-Ва? Ва шприци. Ванил ци байссарив цІана ккаккан банну,- увкуна медичкал.

- Гъуйла, чансса жира чІалачІи бува, ххалаххи баннача,- куну, виргъан гъаз дуллан бивкІуна.

-Къа ... Цал му адамина акъа ува ттул хъхьичІа, - увкуна ганил.

-Хьинни, на уклай урача, паракъат хьу!-куну, къатІув увккуна. Га уккайхту, медичка ххалаххи буллан бивкІуна.

-Ина му кІуну ттуйн къутІин най бурав, ххуй душ?- куну, цІувххуна. Га учинмур бакъагу бивкІун:

-Ванийн ххалаххи чайссар. На вин цІун къахьунну буванна.Лажиннича, вин ттинин ххалаххи буллау къаккавкссарив.

-ТакІуйвагу къаккавкссар.

-Ца цикІуй бакъассар... вана... бургу... вана бувну кърталссар, утти ина бигъа лагантІиссара, - куну, анаварну ххалаххи бувну, къртал бувна. Ххалаххи байхту, ганихьгу ина щил душра, щил тухумраяссара, му касму ина чув лахъхъав, му ци касмур, бусурман душ цаймий арамтуннал хъхьичІ лажин тІиртІун, хІая дакъа занан бикІайссарив, кІучІ цан къадувара му? - тІий, цІухху-бусу буллау бунува, бувсса даруврал, аьжаивну гьюгъ лаган бувну, шанаша бувна. Га паракъат шайхту, хІакин ХІусайн ялагу цаймий хІакинтуращал увкІун, ганил пульс, давление ххал дуллау ия.

-Хьинну гуж буну ня сукку хьуну дур. Га машиналул авария хьусса кІанттай, пайтІун ахьния дагъну, багъра тІива, ттуйнмагу Кусахъал ХІусайн увккун, гъансанчи Куса - ХІусайн шацІ хьусса къужархха тІива. Ттул буттал бутта ХІусайн ивкІун ур гъансанчинал гьунар бусса, вагу ванин ча кІулссарив тамашари?! Давление, пульс цилва кІанай бур, амма гуж бусса сотрясение хьуну дур... Паракъат хьуну, къакрурдугу бухлаганнин, уттигу цаппара гъантрайсса рахІатшиву аьркини, - куну, га паракъатну бацІансса дарурду буллан ккаккан бувна. Реанимациялул палаталувагу буккан бувну,

аьмсса палаталуву цуппалу утту бишин бувна. Утти ганиха кьуллугъ буллан, ганича бацан ссуйхьхунгу ихтияр дуллуна. Га кьини цунилгу Савдатлул яру тивтукун, ганин цичава килу бакьасса хьамитайпа бавцун ккавккуна.

-Ина цура? - цувхуна ганил.

-На?! Вин кьабувчурив, ссувай?! – куну, га хьямала багьуна. Балаллул оькьиву, зуй му кьини ликкан дан, цуксса анаварну най иявав цу, зана кьаикиву. Ина жу нигьа бусан байсса куц, ссувай!- куну, Савдатлул кизгу бакьин бувну, ххира буллай, ппай куна.

-Ина ттул ссу бурав? - цувххуна ганил ца тамашану. -Туну бакьарив ссувай, бура... На Маржанат бура, бакьарив?

-Маржанат... -куну, ганил яру лавкьуна. Га цихьва-цуппа - тти вагу цу Марижатривав. Вай ци тиссар. Гьансанчи Хусайнна чавай, вил ссу Марижатра чавай... Вай ттул хIал ккаклай бухьунссар... гьала, на ва ххалбаннача.

-На пайтунналушчал ахьния багьну махь, ттун Салман кьаккавккуннихха, чуври ттул лас? Ттушарнил кьаитлай урвав?

-Вана вин дакнийн агьну вилла азизма, акьарив нава кьабувчунна увкукун, тти ва бакрал баххана хьуну бурвав тийра бивксса, Салмангу шиккува больницалий утту ивхьуну уссар. Ванал линсру гьавгьуну буну, утти хьин хьанай бур. На ванайн вацана овьчинна,- Салманнул ца Савдатлул зумух ласайхту, гьарзат хьама риртун, ссу цилва ласнахь ххаришиву бусан кунма, хьап-шаплий лавгуна.

-Цана учIантиссар. Янна лахлай кьаитав. Ина цухлай бия увкукун, тти му чьяни хьин хьунтиссар тий, ххарил лехлай ия. Ссу хьин хьанахьаврия Марижатгу ххарил кьацI лакьин хьанай бакья. КьютIну нанинал кунна, палаталул нуз хIаллих титирчагу, Савдатлун га цана хIисав хьуна. Хьулуву дянивссанияр чансса лахьсса чурх бусса, цукуннив гьав ларгун дирксса симанналия, иминсса пишгу пар тIутIи бувну нанисса, адимина хьуна. Ганал хьюрухь багьсса, лухИсса кьанча бия. Урисса зумпирдавагу ца-ца, кIи-кIи кIяласса чIарарду чIалай дия. Кьуси бувксса, бавцусса майрал хьулух, лухИра-лухИсса кIюла ссирсилттал ща щалва пишлил ялтту эки лавгун бия. Га бакралгу ххуйсса, чурххалгу овьхьусса, исвагьисса адимина ия. Ганан духьурча духьунссия зувиллий ххюра-мукьIалла шин. «Тти вагу цу уривав, ваксса хумарну уруглагисса исвагьи? Ттул Салман хIалимсса акьассархха. Ттул Салман, савсусса, кьирят дусса, лажиннарава, чIатIаракIру кунма, кьувтIун нанисса ябитава дуссархха усса, вагу цур? - тIисса кунма, Савдатлул Марижатлул яру явш бивтуна.

- Ачу, куяв, ачу! Ссувал ина ххирашиврул хьхьичI вийн овьча кунни, цуппа чантI учайхту,-бувчIин буллалисса кунма, увкуна Марижатлул. Савдатлул, кIулакьуюту лажингу ладикIан дурну, цикIуй кьабавсса кунма:

- Салман чуври? – куну, цувххуна.

-Ванахха на шикку,-куну, Салман ганих туршну урувгуна. Ттуруллава дуруггеса бургьил чаннасса туранну ттуруллал цунилгу лешан дайсса кунна, лажиннарава ганал пиш бакья хьуна. Савдат ва Салман цаннах ца тамашану буруглайгу бивкIун, ахиргу:

-Аьли цукун ур, жува эки ливчусса чIумал, мунайн щалла пайтIун ялун дагьунахха. ПайтIунчи Аьли, жула ппайтIунчи...- цувххуна Савдатлул.

Салман учинмур бакъа ливчун ия. «Хиакинтурал тийкун, бакрал баххана хуну бурич къаклулли ...» тий, чувин буллалиссаксса чулла, чиви личлачисса инил къяс куна, Салман буруккинттарал банд-канд лаган увну, къарч ивклуна. Яла, цайна цува увксса куна хуну, цалла къума лагаву клул къахунну: -Али ччянива хин хуну, шавар усса. Парча-тикари хусса жулла ппайтун дакъин дулла ур тар. - Салманнул га паракъат бан сивсуну щялмахъ бувсуна.

-Агъ, мискин, на га ивклухунссар тийра бивксса. Хъунасса, цими бусса Заннал жува циняв бурувчун хинача, - укунгу куну, Савдатлул итта ках увкуна, - яраппий, я Аллагъ, ина ттун вай укун члалачи бувну уравкбай, юхссагу вай цивпа укунссияв. Ва Салман акъахурча, гъай циван тиссар, Марижат бакъахурча, ссувай циван тиссар, вайминнан къаклулмургу вайннан цукун клулссар, - тий, Савдат Аллагнайн ла бизлай бия.

-Ва ттуцар ттух дуруган къадуркуннихха, жунма хусса апатрая къаклулссарив мунин? Савдатлул укун учайхту, Салманнуну: «Да вин циваци хуривав» тий, леххаврий вев учинсса зурзу чурххавух булла. -Ссувай, дуссия дуклай, гъакссагу вав-шав тий, аьттий, лагма дуклай, занай дия. Ина къулай ханан бивкुकун, ичува ужагъралсса буллай щябикчи тий, Салманнул нигъа-члаклул дурну, тийла дуркунни.

-Кинин нигъ дуллан акъа-акъар. Ттуйн цалагу чу лахъ къабувссар ссувай Салманнул, -куну, Савдатлул Марижатлуин ссувайгу куну, гъелисса пиш увкукун: «Ва шалва бакрал баххана хунугу бакъарча», -куну, Марижатлул дакч чансса тирх куна.

-Тти бигъалагу, цакуну гуж бутан къабучиссар тар хиакинтурал. На ялагу учанна, - куну, Салман Савдатлулчанай хуна. Къатлувай укканнин, ганил ненттабакрая ппай учинна тий, къус ивклуна. Ганил ненттабакрайхсса шавулийх дархусса кисай хура дуркун, шаву дирксса кланав, махъуннай ччех диркун дия. Кива-шанма ххалаххи бувкун, хъхьичра дурурххусса ненттабакрайхсса шавугу, ссихир бувну, хин дурсса кунна, шаву дирксса кланувагу хисав ханай бакъая. Му ппурттуву къухъна авцусса Салманнухъ:

-Ина ттуйн хъямала агълан най урав? - тий, бакч виргъанналулун клуч дурна.

-Хиакинтурал бувсмургу, цанма бавмур, ккавкмургу хисавравун лавсун, Салман Хусайннушчал маслихат ккаклай ия.

-Сотрясение хусса чумал, чявуну хуна бакълан биклайссар аххана хъанакъисса, хъхьичва дакниймур чумуйнуса хъама бивтуса ишру. Мукусса чумал, ци-бунугу ца затирайну, асар биянсса иширайну, чунийну, хатта къункъайнугума зан хун бюхъайссар хъхьичрасса духлин. Яла-яла шаппалил багъу-бизулий ччяни зан хун бюхъайссар - тий, бувчин булла ия Хусайн. -Ттун тамаша бизлазисса зад ца цамургу бур. Цукунни ванил ненттабакраву шанма ххалаххи бувчун дурурххусса шавулия цукункуйсса аьшрагу къалирчсса.

-Мукусса ишругу ттинингу ца-цассагу хуна бавкъссар. Мугу бакрал нярашчал бавхусса ишри. Биклайхха инсантал, асар биян бувну, хин бувссар тиссагу. Цанасса чумал ванил пикригу, духлингу, гъалгъагу цанма хусса иширацун бавхусса бакъар? Хатта мунин хавар бакъар, ненттабакч ппив хъунца, щуну бивксса. Мунихлуну бюхъай чурххай душиву къаклулсса шаву хин хуну диклан. Ттун вин бувчин бан захматри. Вин йогтураясса

хаварду бавхьунссархха. Гьа... муна вингу кІулну, мий йогтал бачІва ччаннашал занан бикІайссар цІаран лархъсса кІалашуйх. Амма миннал ччанну ци ччуччивича, хІатга хъхьиначІаривагу къашайсса бур. Йогтураща цалва чурх цІарайн данди бацІанну хІадур бан шайсса бур. Савдатлул щавулул иширавугу муниха лавхъхьусса иш бухьунссар. Йогнан цІарая хавар бакъахьурча, Савдатлунгу щавулия хавар бакъар. КъабувчІурив? - гъарзад лаласунну вичІи дирхъусса Салманнухъ хІакиннал цІувххуна.

-БувчІлай бур... Амма цила ласнал, яний ттул цІа цукунни кІулсса, нава тІурча цукунни кІул къавхъусса?! -Бюхъайссар лях бивкІун цилда духІиннарая лаглай бикІангу, мунил оьттул, кІушчалларал, анализгу ххал дурну, давление, пульс ххал дуркун, цІуллашиврул тагъар лап ххуйну дур. ХІатга мунил хъхьичІра, ванияр мукъра-ххюра шинал хъхьичІсса къашайшивуртту, учиннуча, льякьулл цІуцІавурттугума духларгун дур. Му агъиял хъин дуллай занай бикІайссияхха. МуницІун бавхІусса караматшивуртту чансса дакъар.... Гъунттий жу му итабакъинну. -Балики, ичІаллил багъу-бизулул ччяни цайнма цуппа бучІан бан. Му къулай хъуннин, пенсия бишинсса группа булунсса документру хІадур банну.

-Хъирив къини Савдат больницалия итабавкъуна. ХъхьичІми гъантрайва итаавкъусса Салманнул га бучІаннин шарда хІадуршинна дурна. Савдат биян бан больницалул скорая буллуна. Салманнул Савдатлул ка дургъуну, кумаг бувну, машиналуву щябивтуна. ЩябикІайхту лагма-ялттугу бувругун:

-Гъя! Ваних. СубхІана аллагъу, Аллагъу акбар! (СубхІана Аллагъу - бюхттулсса цІа Аллагънан. Аллагъ бюхттулссар, Аллагъу Акбар) Укунсса ппайтІун ттун ттинин къаккавкссар. Дучри чунни бахІинтІисса? Я хъхьичІуннай - дишла, ягу дучрал хамутІру дакъасса ппайтІунналий Савдатлул тамаша бувна. «Ва бунияттунгу инсантурал тІийкун бакІрал сагъ бакъа хъуну бунуккар»-, куну, шофернал къюлтІ буллалисса пиш увкуна. Амма ганихгу урувгун:

-Ва дучри бакъанна ссур шайсса ппайтІунни,- увкуна. Циняв щябикІайхтту, ганал машина къур бувну бачин бувна. Машиналул гъуй-гъуй тІисса чІу баяйхтту, Савдат ва ци гъарахъалур тІий, нигъавххуну буссияча, яла га бачайхту: - «Астапируллагъ, астапируллагъ» - тІий цавува цуппа дуаьртту дуллай булукъуна. Чявучийву такІуй къадувайсса, ганил дуаьрттал чІурду баллалини, Салман ссума-начну ятІул ичавай, пиш тІун икІавай ия.

Машина цала къатрал хъулуву бацІан бувкунгу:

-Жува чунну бувкІсса? - тий ликлай бакъая.

-Жува чунни бучІан, шаппай бакъасса? - куну, Салманнул анцІ бивщуна. Лахъисса ларзу дусса кІизивулийсса къатри, хъхьичІва-хъхьичІ ккаклакисса кунма, тамашалий бавцІунма бия.

-Жула къатри барщанийхха бусса, вай щил къатрир.?

ТІайлассар барщанний бутгахъалья дусса, вай жува цІуну бувми къатрир...

-Жува бувми? Нагурив вай бувсса?

-Туну, инагу нагу льявкъумуницІухгу, жула нитти-буттал бувсса кумагра-цІухгу ...

-Бачу ссувай, тти шиккува бикІаннав, вай инсантуралвагу ци чинссар,-куну, Марижатлул га , кІункІу бувсса кунма, бувцуна. Гай къатрал ялувмур зивулийн лавхъун, ларзу ххал шайхту, ларзулун бувххуна. Чаннасса, гъартасса ларзу ххал шайхту, тихагу, шихагу кІира къюкья дурну, ччиссаксса инсантал щябивтун, биялсса хъатІи бан хъунссар, тІисса пикри бакІравун бувххуна.

Ларзнил тIивтIусса чIавахьулттичIанмайгу хьуну, Савдатлул архнин я бивтуна.

Шикка баршарннийсса жула кьатрава куннасса илкиншиву чIалай дакьар. КIия буруглагисса чIумал дакI лерххун гьан кунна, гьава бан кIункIу тIун дикIайва. Шикка та ратIнил валтгу, кьувилувун багьсса кунмасса иш бур.

-Яла тамаша булланссарача, шивунмай-кьатлувунмай бухху, ссувай, - куну, Марижатлул кьатлувун бувцуна. Га хьинну лазилавкъусса кьатта бия. Гиву дянив кIия цачIу уттуишайсса тах бия, тахлил тих ва ших исвагьисса, дахиллугу дусса, кьуршив бацIан бувну бия. Тахлил бакIрацI шала чIира бувгьусса халича бия. Гамур чIирал ца чулук чIира бувгьусса шифонергу бия, гихунмай мурцIув шанна цачIусса дагьани дия. Дагьанттул хьхьичIгу хьаннил чIюлушиннарансса манкъулат. Ччаннавугу шала чIанкьатта бувгьусса сумакь бувтун бия. Га утту бишаймур кьатта бия. Марижат ганихь бигьа лаган чул бува тIий бия.

Ганил кьатлувусса ду-дакьамур каш куну, ххал дурна. Гьарца затрангу ванил кIукIлушиву, ххуйшиву тIий кьимат кьабивщусса кьабивтуна.

-ДагьанттучIан бияйхту га цакуну бавцIуна. Дагьанттува буруглагимур ккавккукун ганил симан, цIу кIиллалинисса кьюллук пуркIурал кунмасса, хьахьимачIисса рунгайн кIура дарна, ссихI дуккан кьахьанай кьах лавгуна. Ранг даххана хьусса, симан ххал шайхту, Марижатлул:

-Вин ттигу цивхьур, ссувай? Ттигу инжит шарача бачу чул бува! ХIакиннал вин паракьатшиву хьинссар тIива, - ТIий тахличIан бувцун, шьабивтуна.

-Та цуя? - цIувххуна, щинавун оькьлай ивкIманал кунма, куртIну ссихIгу бивгьун, ганил.

-Цу ия ссувай, чув ия?

-Дагьанттувусса та?

-Дагьанттуву?... Дагьанттуву инава бакьа цамагу чIалачIи увну ияв вин, ссувай?

-Акья. Амма тагу на бакья. На тукунсса бакьассия...-куну, хIаллих бивзун, Савдат цIунилгу дагьанттувун бурувгуна. Дагьанттува ганих буруглагисса хьамитайпалул ккурккисса, исвагьисса сипат дия. Ганил лухIи-оьрчIи лачакрала цIанну лухIисса кIизул дазурдала ккуркки бишлашисса, бьовчIусса кIяла ненттабакI бия. НенттабакIрал ухнилу, лухIира-лухIисса цIузурул ва лагазурул зумувсса иттацIанттал дазу рирщун дия. Хумарну буруглагисса яруннил куртIшиврул, гайннул хьунишиву хIисав хьуннарагу ритлай дакья. ТIайласса, ккуркки бишлашисса майрал мицI хьинну исвагьину чIалай бия. Пиш тIиннасса мурччалгу, шала лажин чанна дуккан дуллай дия. Лажинна-равагу, ттуруллавусса бургьил оьрчIая кунмасса, тIааьнсса пар левххун най бия. Бивсса цIулитул рангсса чIаврайн ганил каш увкуна, яла кIикIиссуртта кIукIлусса кIиз бакьин бувна.

-Лажиннича на укун ххуйсса буссиявав танивагу!?! Я аллагь ва ци мюьзижатри? Ва цур? На укунсса бакьассияхха, Я аллагь на мудангу вийн иман дирхьун, вил ххуллих най буссияхха, циванна на укун бьяйкьун ччанакурр-дахьхьун биривсса? Буци на тIайласса ххуллийх. БувчIин бува ттун хьумур!-цахьва цуппа буш-буш тIисса Савдатлуйгу тамаша бувну, Марижат цитIунс-сарив кьакIулну бия. Савдатлул шанийгу чул кьабувну, гайми кьатригу ххал бувна. Гайннувусса столлах, сервантирттах, луттирдал дурцIусса тахурдих, цимурцаннух хIисав ласлай, ккаклай бия.

-Хьунмур душнил телевизор зузи бувкун, тти вагу ци мюьзижатривав тIий, ганил хьхьичIун буруглан бикIайва, чIалачIисса инсантал гивун гай махьа

ча бувххун бури в ххал буллан биклавай, тамашалий “Асттагыпируллагъ, асттагыпируллагъ!” тий бия.

Динналухун хьинну машгъл хьусса инсан кунма, Савдат дуьрду дуллай, аллагънайн ла бизлай ккавккукун, Марижатлун цалнир цал цлакъ хъанай бия цала ссу бакрал баххана хьуну бухьунссар тисса щак. Ахттайн бивзусса чумал Савдатлул:

-Тгун чаклин биссун бурча, щин ласира, - увкуна. Щин лавсун бучайхту, гайгу гъели лаган дурну, утту бишаймур къатлунгу бувххун, цала чурх шювшуна. Чурх шювшуну махъ, ларххун яннагу, цунилгу чаклин бивссуна. Цуну дирхьусса лачакравун лажин клуч хьун дурна, клуч дурну кару ва ликригу, къиблалул чулухунмайгу клура бавну, дуьрттугу ккалай, чак буллай булукьуна, Чарав бавцусса Марижатлунгу баянну Шагъадатгу, Амантугу, Алхламгу, Агтахлугу ккалаккисса чумал га тамаша-а-а бувну, цала хьуну яруннил иттал къалакьивгу ляп-ляп туги дурну, бавцун бия. Ганил чак бувну къуртал шайхту:

-Аман, ссувай, вин микссава затру къакулссияхха, ина ми та лавхьхьуссия, щидла лавхьхьуссия? Ина динчитураягуман рязий бакъаяхха биклайсса.

-Асттагыпируллагъ уча, асттагыпируллагъ, мукунсса зад Аллагънан къабаяннав! Имангу, исламгу, идавсил ссуннатгу къакулну шайссарив? Ина тгун муьминсса инсанну чалай буссия, амма муьминсса инсаннал дакнигу Аллагъ иклан аьркинссар! - куну, аьй дурна.

Ссийл цайра аьй дуллалаврийн асар бизарчагу, Марижатлул, личийну авара къадурна. Къащи ва дакл къума лаган дуллалисса, цимилул аьтунсса иш бия ссийл душру ккавккукун. Бавай-бавайгу тий, гай Савдатлулчлан гъан хъанай, нину ххира-ххуй дуллай, хьямала багъан ччай бачайва. Амма цукуннив чурххавун бьякьусса зурзу багъанну я бизайва, яла къулагъасгу къадурну лагайва, Цаппара хлаллава душру цимурцагу хъама бивтун, ялагу ниттил лагма буклай, ниттил дакнил гъелишиврух луглай бия. Савдатлун гайннуву цала душ цавагу бувчлай бакъая. “На зул нину бакъара” учин цимилагу гьуз учайва, амма мукун учаву муьминшиву дакъар тий, мархламатну ссавур дайва.

-Шикку ва кланттай нава цура? Ча багъссара нава шиккун?- тисса суал Савдатлул бакраву цимилагу гъаз хьуна...

Савдат Салманнушал Чивиаьлил ппайтунналий най бия. Хлаж бувну бувкун махъ ва аьрххи хьхьичла -хьхьичсса бия. Ххамис кьини Гьумук базаргу бувну, пучрай цала цаний гъан дурсса хьусгу гичча ларсун, зана биклансса ниятрай бия. Хлажлиа зана шайхту, заннал ка бавкьусса кунма, гайннал дахху-ласулул ишру, иншааллагъ, оьккину най бакъая. Савдатлул ларсумургу чьянира дарххун, утти ялун хьирив пучраин дазул къатату дуркминнулшиврийгу, зунттавунмай зана хьуну бувксса хлалтухъантураясса муштаритурал ххуллу буллай бакъая. Шярава ливчун хьун манзил къабивтун, ссур хьуну нанисса ппайтун, цакуну дуланттуха дурккусса пулгъунналул чарах дуклай дунува, ххуллувусса ца чария нигъ гъаз хьуна. Ца чулухсса царай нигьирттайгу най диркун, хлурхла шайхту, чулиннай язана диркун дарчуна. Дучригу хьиннува ххивну, ппайтун тия-шия ришлан даркун. Салман эьки ливчун, маршалун агьуна, Савдат ва ппайтунчи Чивиаьли турча, клура дарсса ппайтунналухун ххававххун ххюрхху лавсунма най бия. Савдат ца къунттарихун бахчун ливчуна, ппайтунчи ва муркла хьусса ппайтун турча, дуланттух яларай, парча тикари хьуну, дучраягу итххьвххун

нехайн зирзуна. АпатІ шаву цакунусса хьуна, шях бивщун ххюрхху лавсун нан бивкІукун: “Инсан хьуслил хьирив, хьус тІурча – ажалуннил хьирив” тІисса учала Савдатлун дакІнин багьуна, яла тти нава бивчІавивав тІисса нигь цакуну чурххавун дурххуна. Гава цІана ганил хьхьичІух щала оърмулул лахІза бувккуна. Ганил хьхьичІ дарцІуна цуппа чІивини зунттаву гьинттул машилий бутгал ниттичІасса чІун. Машилул чІаттирал хьулуву, урша бищай кьюллул маталттуй шядиркІун, ганил мюрщи хІаллурду ттериххин бувну, зехлаххисса бутгал нину, ганил лагьну тІисса балай:

**“Нехруксса лахьисса хьуннав  
Ламурдуксса угтасса хьуннав  
Ласнал ниттих биттуннав,  
Арснал щарнил зеххиннав”**

Чалай дия бутгал нину цуппа хьувун лякІин бувну, кьюллул шанигу утту диврхьун, хьхьувай цанма алхІан, кьулгьу, наси, фалакьы ва цаймигу идавсил хІадисру дакІних лахьхьин буллалисса чІун.

ДакІнин багьуна цавувасса пагьму-гьунар чІалай, бутгал кьурандалий бивтуну ччяни аьжамрай чичин, буккин лавхьхьусса. Кьуран лахьхьаври-цІун, ганин ччяни лавхьхьуна аьраб мазгу хьис лугьат дакьа аьраб мазрай гьалагьа тІун лавхьусса вирищар, дин-исламрал муьминчутурал итталлун ччяни багьуна. Савдат щар булун увкусса щарнил махІлалул мизитрал малла Салманнун. Салман мадрасарттаву ва муталимтурачІа дуклай, динналул элму куртІну дурккусса аьлим ия. Амма, дагьанттуясса бургьил пар кунмасса цІай бусса, Салманнул яруннил гьис цайна щукун, ганая цІарду дуллалисса Салманнул ниттихь Савдатлул куна:

**“ Кьурандалул луттирду,  
Хьарайх бивщун унугу  
Ярумий нажаснал бур,  
Вихшала кьадишиви”**

Вай махьру ччяни зума-ккарччулун багьну, сийлий бикІайва, чІал кьавхьун багу-бавцІуна. Салман ва Савдат лас-щар хьуну кІива душ бувна. Цала наслунусса арс Савдатлул кьаувайшиву бувчІлай, Салманнул Савдатлун ялун цамургу кулпат бувна. Ялун бувцусса Ххадиджат шьравусса савдажарнал душ бия. Ганилгу хьхьичІ оьрчІ душ бувкун Салман нудру бувсса куна, хІажлин ачин хІадур хьанан ивкІуна. Имангу, исламгу, идавсил суннатгу бусса, аьраб мазгу ххуйну кІулсса Савдатгу цащала буцин Ххадиджатлуяр хьхьичІун бувна. Ххадиджтгу ужагьралсса буллай кьабивтун, гай кІиягу хІажлив лавгуна. Зунттавах, хьхьирирдайх, авлахьирттайх, дучрай, жамирттай, варанттай, бахьтта-бурттий най Маккалийнгу, Мадиналийнгу бивну Кьиблалул лагмагу бувккун, Аьрапазунттуин икрамгу бувну, аллагьнайнгу ла бивзун, цукссагу ххуллул манзилгу бивтун, сагьну-саламатну бувкІсса Салманнул ва Савдатлул бакІрачІан ва кьини дуркІуна.

“Оьзу биллагьы ва кьудрати гьы мин шарри ма аджида ва ухазиру” (Аллагьнайн ва мунал азгьуншиврийн лабизлай бура, та оьмуния ттуйнма асар биян буллалисса ва нигьа бусласисса) куну, аруйлла дурккуна. Цакуну бакІрал

къаювугу духларгун, ганил иттавн кЯласса, тАаьнсса чани бувкІуна. Чурхавунгу цуппа чІаракІуннил лавсун бачинсса куклушиву дуркІун чІалай дия.

Яла га буниялттунгу, дюхлул гъаваллавух гъузузи бувсса къув кунма, куклуну гъаз хьуну бавчуна. “Вагу ци мюъзижатривав?!”- тІий ялавай бурувгсса чІумал, ганин цала чурх, оьттул цІалацІисса бакІращал, къунттарицІ ккавккуна. Га нигъа бувсун” Ла иллагъи илла-лагъ” куна

Ххуллул маршалун агъсса Салмангу, гичча ивзун сусруххалну ялун левчун най ия.

Ганал Савдат гъаз хьун бувну, бакІбахІулула нанисса оь лихълай, “Савдат! Савдат» - тІий, ссихІ дуккан данмур буллай ия. Гихунмайну бавцІусса ппургъунчиталгу чирча ларсун, ганий Савдат бивхьун, шамунналагу ппургъунналучІан лавсуна. КІараллицІ кІи шан бавхІусса варсигу бивхьун, га ппургъунналий къану бивхьуна. Му чІумал неххая ххярк-ххюрклий гъаз хьуну, ппайтІунчи ЧИвиаблигу увкІуна. Аьрчча тІисса гагу ппургъунналул ца мурцІний щяивтун шяравунмай бавчуна.

Хьусса апатІрая шяравун луххаву дагъну, жямат леххаврий бувккун най бия.Ялун бивмий, “Цуманан цивхьун бур”? тІий ссурагъ буллай бия. ЧІявуминнавун Савдат-ХІажи бивкІун бур тІар тІий чялав багъуна. Ххадижат бакІчисса мачча-гъанми хъаннил леххаву – ххяп, вав-шав тІий яс тІивтІуна. БакІ шарнийсса къатравун Савдат хъаттирай бивхьун лавсуна. Га къатлувун буххан бувайхту, шяравусса гъасанчи ХІусайнгу увцун, ганал хъиригъ лавгми бувкІуна. Къатлувуми къатІуппай буккан бувну, яс лавкъуна. Гъасанчи ХІусайннул амрулийн бувну Савдатлул бакІрайсса щаву гъелисса ва дяркъусса щин даххана дуклай, марцІ дурна. ХІусайннул каш-куш тІий, щаву ххал дурна. ЧІалай дия бакІрал къалакъу хъячинцІакулсса щаву бакІрай хьуну душиву. Уртту-щинал даруртту бувну, щавулийх бувккун, бакІ бавхІуна. Савдатрив хъисрагу рухІ дакъа чІалай бия. Иттал къалакъив гъаз дурну иттав урувгукунгу, жавгъарду гъарта бувккун, ивкІуссаннал кунма, бия. Амма ганил цакуну ссинкъ-ссинкъ тІий базурду сукку байхту, дагъани дулара куну, га Савдатлул май-мурччалун гъанну дургъуна. Ганий хІисав хъанай –къахъанайсса гъухъ дирчуна.

-ЧІумуйсса ва паракъатну битияра, балики кІура баян! Лях бивкІун ванил мурччив паммалуин щуну вайннуй хъатан булуvara-куну, дарурал щин ва памма къабивтуна. ГаничІа бакІрацІ якъамасса чІурдугу лях-карах личин буллайсса ссу Марижат ва ттущар Ххадижат пахъ багъуна. Цал кІири дирчун, яла къаркъун, кІяла ларгсса мурччайх атилсса паммагу буклай, гайннал кІюрххицІуннин я ляпІ чин къабувна. КІюрххицІунмай гъасанчи ХІусайн цІунилгу увкІуна. Магъилул ранг хьусса Савдатлул симанналийн я щайхту: “Вания лапва къуртал хьуну бунуккар” цахъва цала куну, лахъну:

-Дагъани дулара! - куна. Маймурччавун дургъусса дагъанттуин цукункІуйсса гъухъ къадурккуна. Цала зурзу тІисса карунних каш увкусса чІумал, ганил чурх бивкІуну лавкъуна. Цизунсарив къакІулсса къужа гъасанчи ХІусайннул:

-Ва аьпалухъхьун лавгун бур. Ванин бакъамур махъминнан булуннав, рухІ хъинний дишиннав!- увкуна.

ВикъупІа тІий, ссавурданий бивкІсса хъами, мачча-гъанми вав-шав тІий, чІурду буллай, цІунил яс тІивтІуна.

Гай цимурца чІалачІисса Савдатгу, “утти нава бива-бивкІуссаривав тти на ции бантІисса! На сагъну бурахха, зу цитІиссару?” тІий бия. Амма ганил



рухИрал чІу щинчІав баллай бакъая. Гара къини Савдат шарнил хІатталлив ниттил-ниттил гъаттачІан гъанну бувччуна. Савдатул рухІгу хъумур лаласун къабюхълайсса куна, ялтту лехлайнна лирчІуна. Ца нюжмар къини ганин ххал хъуна, ппайтІунналун апатІ хъусса дуланттуй, ссур хъуну нанисса автомашиналун апатІ хъуну. АпатІ хъуминнаву Савдатлул оьрмулувусса хъамитайпагу бия. Га бакІрайн хъинну кІусса щаву дирну бия. Леххаврий бувкІминнал ганингу “Савдат” тІий бия. Леххаврий бувкІминнал га кай-кай бувну, азарханалийн лавсун лавгуна. Азарханалуву цуппалу утту бишин бувна. Ганиву рухІ дакъасса ца лахІзалуву, чІира ккутІувусса бачІвасса кюрттравун, ши батІай чІелму кунма, пІуртІукун ганивун дурххуна. Махъуннай зана хъуну, гивуннай духхан нанисса ганил цала рухІгу, цала кІану цамунил бувгъун лявкъукун, лехлайгу диркІун, дакъа хъуна.

Чан-чанну тІий багъу-бизулушал, цамур шаппаллищал кІул хъанакъисса Савдатлун, утти цуппа, газулувусса кІяла оьл кунма, ляличІину чІалай бушиву бувчІлай бия. Гай цала цІуну бувссар тІисса къатраву цукункІуйсса ттушар Ххадижатгу ялапар хъанай бакъая. Салмангу цащала хІажлийн лавгсса малла Салман-хІаж акъая. Ганан алхІанвагу цукун бунугу баъ-буъ тІий бакъа буккин кІулну бакъая. ДакІниймур исват бансса къастирай, Марижатгу бувцун лавгуна цала хъхъичІвасса къатри ххал банна тІий.

- Я ттул ссу, барщаннил бакІравусса циняв къатравуми танийва мичи-ххичнавун бизан бувну, тай къатригу цайминнал цала аьркиншиннаран зехлай, чарий-чару къабивтссархха, ци къатри ххал данну жував кІикку? - тІий, Марижат бугъурчагу, Савдат бацІан бан къавхъуна.

Инсантурал вай чун бурвав тІий, цайра натІюкъсса хъяхъаву къадулланшиврул, Марижатлул Савдат зумашарниціухсса жегъир ххуллех лавай, цучІав хъуна къаакъайних хъуну, барщаннил ялувсса муруллал бакІрайн буккан бувна.

БакІшарнийн лахъайхту Савдатлул «ухъ» увкуну куртІсса ссихІ бивгъуна. Га ухълищал ганил дакІ аьч дурккун, куклу хъуна. КуртІну ссихІгу бивгъун, лагмава бурувгуна. Лагмава гайва гай зунттурду... зунттурду, хъис баххана къавхъусса гайва зунттурду. Щарнил хъхъичІух: баргъ лагавал чулиннайгу дара, къиблалул чулиннайгу дара. Дарарду ва миннул нехру хъуна дакълакъисса шарнил хъхъичІсса шанратІаву хІасул хъусса ар, ххуллурдал шамбачІулийсса майдан кунна чІалай дия. Архну зунчалу, кІяла ттаралланул ккарччив кунна, чІалачІисса зунттурдал ссиртлийн бивтсса яру, шарнил хъхъичІсса зунттуйн кІура бавна.

-Агъ барчаман, инания хъунмав хъуну бура. Вай инсантурал вин ккаккан бувцири! ЧІярусса ризкъи дакълакъаврил тІавтІун, лахІинтту ливчун ккавккун, жул заманнай та чча-ччяни ххалан бугъайссия, лахІинтту къаличиншиврул, куну яла цуппа бавцІусса муруллал хъачІрах бурувгуна:

-Вай инсантал бизан бувхъунссия, ва зунттул бакІрайсса къала, «ХъунчІюйгу» чунни бизан бувсса? Чуври шарнил пахру, шарнил таж «ХъунчІюй» - тІий лагмава бурувгуна. Гай муруллал гъаннил чулухух тик диркІсса ххяллу-мурлу бия, ухнилгу чІараратІ экъи най дия. Суннил чулух тІурча, хъхъичІва къатри бивкІсса бакІраву гъявгърал эяллу дия. Яларай тІурча шяравалу хІасул хъуния шихуннайсса къатри, зумашарниці тІурча, хъхъичІра яла ххуйми хъуру диркІсса кІанттурдай цІу-цІусса, цІуну дурсса къатри дия чачун чІалай. Лагмава бурувгсса чІумал лагъний чІалачІисса дарардал, зунт-

тал ялтту Марижатлул дакIгу илкинну лерххун нанисса кунна дия. Ганивун цукуннив лахъния, барзул кунма, гъава бансса гъавасгума чурххавун багълай бия. Ганища бацIан къавхъуна.

-Бургай ссувай, буниялттунгу шия бурувгукун дакI дур лерххун най, бургула тай зунчалусса зунтал ссиртлих, гай щюллисса дарардах, тай бизанттаравсса яттил ттурзаннах. Гъуя, эмарат, эмарат!!! Ина тIайлану тIий бивкIун бура. Ттинин на чув биявав? На шийн цал чIивиний жула пионервожатыйна-щал лавгссара, барщарнил бакIрайсса муруллуйгу бавцIун, шяравун бярачIу тIисса мангъуштал кунма, бивкIссару бувчIавурттал къини пуланнахлу чIурду булара! ТIий, вев-шев тIий. Таний ттун шиккаллил чIалачIиннарал хIайран бансса мажал къавхъуна.

-Жула къатта буссия яла лахъний ва яла гъели баймур кIанттай, - тIий Савдат Марижатгу хъиривну, муруллул бурхIайх бавчуна. Гъявгъраву дахърасса ишара лирчIсса ххуллех хъуну, лагма чIира хъун бувну, гиву щюллисса къурул ккиж кIутIу тIисса хъун бакъасса багърачIа бавцIуна. Лагмава хIисавгу ларсун бурувгун:

-Вана шиккуя жула къатта бусса, - куну Савдат гъапул лавгуна.

Марижатгу, жагъ Савдатлух бургавай, жагъ га къурул багърах бургавай, «Шикку зул къатри ча буссия ссувай, вай жува баннинма мичи-ххичнавун бизан бувссаннал къатрияхха» учин ччай бунува ссавурданий бавцIуна.

Гичча зана хъуну махъ Савдат Марижатлухъ:

-Бачу, хIатталлийн лавгун, жула нитти-буттах алхIан буккиннуча, - тIун бивкIуна.

-Хъамитайпалун хIатталлин ччитари занан къабучIирхха, -

Увкукун - Ина тIайлара, чIал къавхъун аьрапалул гъантри хъанай бур, ми гъантрай чIявучивух гъанну, - куну рязий хъуна.

Шяраву дин-чак дуллалисса инсантал совет хIукмутрал шиннардий цагу, кIиягу акъа къаивкIхъурчагу, махъсса шиннардий оьрмулуву дуллалисса дахханашиннардил щавщи шагъурдая шархъавунгу биллай бия.

Шагъурдай ялапар хъанахъисса шяравучутал оьрмулуву цIунилгу уттара дуклан диркIсса динналул аьдатру ишла дуллай бия. Ми ппухълуннал минардайн биян, алхIан буккин занай бия.

Хъанахъисса дахханашиннардил шяраваллавусса чIявусса инсантурал оьрмурду саилтурайн кIура баллали бувнугу бия. Муния рязий бакъа, гай цIуру-кIурулий бия. ЦIуну ялун личлачи маллатураягу циняв рязийну бакъая. ЦIу маллатураву чIявумий ка-чурх марцIсса инсантал бакъая. НукIува коммунисталул тIий къуллугъирттайн хъапа тIий бивкIмий, утти партиягу аски дуллай, дин-исламрал варистал хъанай бия. Вайннахъ оьрмулул бугъараминнал «Зу нукIу заманнай лютиная малла шайсса кунма, утти коммунистурая маллатал хъанай бурухха, зу цумиру тIайлами» - тIий цIухлаххисса чIумал: «Жун ЛухIихъхъиривугу, Щюллихъхъиривугу личIий бакъа ххуйну гъузун кIулссар» тIиссагу бия. Муна ми «гъузузалтгу» бувкIсса, аьрапалул гъантрай Савдатгу лавгуна хIатталлин. ХIатталлил зуманийн бивсса чIумал, ганил Марижатгу аглан бувну, «ХIатталлин ша ласуннин, цал алхIан буккайссар, ссу!» куну, хъхъичIун каругу дургъун, лахъсса чIуний алхIан бувккуна.

Му чIумал хIатгалий каммитIругу дачIлай бур тIар тIий, бувкIсса оьрчIру, ганий тамаша бувну бавцIун бия. АлхIан буккайтту, цимирагу шиннардил хъхъичIивасса кIяла барзру бацIан бувсса гъаттардил чулий бавчуна.

-Сувай, жула нину-ппу шилунмайнурхха бувччун бусса. Вин дакІний бакъарив? - куна Марижатлул.

-ДакІний бунутІйра нанисса, - куну, Савдат Марижатлух къулагъас къадурну бавчуна.

Га ца лахъсса буркІунттучІа бавцІуна. Ганил гъаттайн бувкІсса чІумал дуккайсса дуаъ дурккуна:

-Ассаламу алайкум, ахля-д-дийари мин аль-муъминина ва-ль-муслимина! Ва инна иншаалагъу би-кум ляхъкуну ва иярхаму-Аллагъу-ль-мустакдими-на ми-на-ва-ль мустакдирина, асьлю-Ллагъи ля-на ва ля-кум аль-афийта!.(Ассаламу алайкум шикку бувччусса муъминтал ва муслимтал! Хъарашав, Аллагънан ччан бикІарча, жу зучІан бучІанну, Аллагъ жула ялтту учІанссар, жуятува хъхъичІ лавгминнал ва махъ бучІанминнал ва на Аллагънай лабизлай бура жул ва зул яла гъан баврину) Исвагъину бувсса га гъаттал чарийсса чичрурду Марижатлун царагу дурчІлай дакъая. Гай купІа хІатІлий, накъичру кунна чирчусса аъраб хІарпурдил чІюлу бувну бия.

Савдат балай тІисса кунма, гай ккалан бивкІуна. Гикку чивчуну бия гъижрилий І325-ку шинал, оърмулул аргъираву ажалуннил хъушиву МахІаммадаълил душ Савдат. Савдат пахъ багъна. «Ва на ттул гъав, вана на бувччусса кІану» - куна, ганил лагъну:

-МяйцІалла шин ларгун дур!=куна. Дурккуна яларай назмулий чирчусса калимарттугу. Гай Марижатлун баянну ккалай бия:

**« Ливхърача къабивтун умуд ва къисмат  
Авлия ххал бара тти миях цамур  
Къисматрайн умудрай, ссагур цІакъ дуллай,  
Ссавруннайн ялугълай оърму гъан бансса»**

-Агъ мискин, му цу биявав муксса якъамасса махъру чичин,- цІувххуна Марижатлул.

Савдат Марижатлул суалланухъхъун жаваб дулун най бияча, яла чІаравнмайсса кІялазуруйн я щувкун, чІиралун вичІилийсса авлия кунма, къухъна бавцІуна.

Марижатгу буний къабивтун, ганичІанмай хъуна. Га бия бакІрайх чалмагу дархІусса, чиллу-чухълувусса битавсса адиминал чурххал тарг бусса, хъинну бюхттулсса кІялабарз. Арснал бакІрайх кунма, га чарийх кІукІлуну ках увкуна. МурчІисса инсаннал кунма, ганил щала чарийхсса накъичирттайх, чичрурдайх кІиссурттах каш увкуна. Ганива «Салман» тІисса гъаривсса чІу ливчуна. Га ганияр ацІра шинал махъ ивкІусса адиминал кІяла барз бия. Ганийгу Салманнул цала зумату тІисса кунмасса назму- насихІат дия:

**ТалихІрал мяъналух луглай ивкІсса чув  
Пикрилул ласи ттулмургу эбрат,  
Га ттунма ччан бивкІмур ттуща бювхъуссар,  
Так бюхъанмур бакъа ччангу къабивкІссар:**

Чаравнмайнугу бия цамургу хъун бакъасса кІялабарз. Га Ххаджатлулмур бия. Чичрурдал исват буллай бия Салман ивкІун махъ ххюра шинава Ххаджатту азаруннил бивкІшиву. Чарийсса накъичирттал ца лашаврил мяйжан

буллай бия гай шанмагу кІялабарз ца усттарнал канил бувшиву. Ххадижат-лулмур кІялазуруйсса назмугу дурккуна:

**На оьрмулул бачІи хьунмур гьан бувссар,  
Думур цІулушиву хьуслин харж дуллай,  
Хьиривмур бачІигу зу вих хьи лавгуссар,  
Цахьис цІулушиврух думур хьус ма тІий.**

Ва назму дурккун Савдатлул дакІ аьсив хьуна, якьама лавгуна. Савда-жарнал душ бухьурчагу, Ххадижат цала оьрмулун лавхьхьун аькьлу бусса, аьркинний Савдатлун кьадакІинийн багьайсса аьмал-хІилла ишла дан кІулсса бия. Цала ссу Марижат кунма, ххирая Савдатлун Ххадижатгу.

Савдатлул цихьрасса нахІу-нацІурду гай шаннагу гьаттардичІа дирхьуна. Му чІумал хІатталлил та зумания зана хьуну нанисса кІира хьамитайпа гайн-нучІаннай хьуна. Жула буттал буттал ва буттал ниттил гьаттардичІасса вай ча бурвав тІий ххал бан най буссия. Зуяв зу Марижат, Савдат! – куна гайннал. Савдат гайннух хІисав ласласисса я бивтуна.

-Вай зул буттал буттал ва буттал ниттил гьаврдурив?! - тамашану цІувх-хуна Савдатлул.

-ЦикІулли учительницай, - увкуна га ца жагьилмур хьамитайпалул. - ТІун бикІайва ми малла Салманнул ва Ххадижатлул кІяла барзрур тІий. Жувагу тамаша бувну бивкІру, шяраву клуб буллайсса чІумал комсомолтурал малланал кІяла барз букьавтунма цукун бивтунавав тІий. Му малла ухьурчагу, дугьрисса, мубараксса уссия тІий, бутан кьабивтессия тІун бикІайва

Цахухва цуппа лавгусса Савдатлия гайннучІанмайгу хьуну, Марижатлул:

-Ва цалгу, цал ласналгу, ттушарнилгу гьаврдур тІар гьари, ссувахьул, асттапирулагь, та авариялия махь ва ттул ссийн хьувагу ци хьурвав? - куну, дакІнил кьумашиву бувсуна.

-Гьарай мискин, учительницай! Му ттул учительницаяхха, муния ххуйну гьалгьа тІий, яькьлу бусса затру буслан бикІай. Балики, му уттигу ххуйну хьин хьун бувану бикІан.

-Мукун бухьунссар учивиявхха, ссувахьул, аьрабрай буккин личІи ваниша цукунни хьанайсса?

-Буккайрув? Лажиннича!

-Вай чарттая буклай бия цавай якьама лаган буллалисса калимарду:

-Гьуя! Вай шярал хьами тІун дикІайр, райкомрай дуний жухьвагу пІупІру буслай, цурда тихачил малла хьанай диркІун дур тІий. Ал вай жулла хьаннил мазурдин хьхьури дакьашивукьай, нач-ламус бакьа ччиччимур тІутІи буллай, инсаннай хьяхьисса! - тІий, Марижатлул дакІ данмур буллай бия

-Яллагь ций ва ттул ссий кьахьяй, цайра аьтІун дацІича, хьхьурайсса ккарччул кьювулул, дяхттасса янил цІуцІаврил ванилсса буллан машарача!

Миннух кьалагьас дакьасса Савдатлул:

-Бачу, утти ина тІинийнгу,-куну, га Марижатлул хьирив бавчуна. Га духсса хІатталлил зуманивн бивсса чІумал, Савдатлул я щуна зумара-зуманицІсса гьаттайсса кІялазурттайн, Савдат гайннучІагу аглан хьуна. Ганий чивчмургу бувккуна. Мурччайн куртІнивацца пиш ливчуна. ЧІалай бия ганин цирив цавай затру дакІинийн багьсса.

- Агъ, мискин, къанясив бувну бивкун бур вин, ина цусса хатталлий уччин, цукуннив цими хьуна Савдатлун ивкунай.

- Кялабарз Исял Разу тисса адиминал гьаттайсса бия. Исял Разу цу буну махъ учайсса ивкун ур. Амма ганай Савдатлун цими шаврил савав цамур диркун дур. Исял Разу арснан шар дуцлай ивкун ур. Ганал арснан буцай душнил хьунмур ссу цала арснан бувцусса Аьлил Разунгу му хавар бавну бур. Цала арснал шарнил тул-табиаьтрая хьинну рязий акъасса Аьлил Разу Исял Разухъ дад буллай ивкун ур.

-Ва ттул арснал ва ттул бакран ккаккан бувцири вилассаннангу ккаккан ччай ухьурча, буцара му тухумрал душ, - куну, хьинну рязий акъасса башарчи бувну бур.

-Ина цурав, винма къакуллив ?-куну, бур ухьттанну Исял Разул, - На ура Исял Разу,

Ина - Аьлил Разу. Ттун кулссар цуму чарилу ци оьрватли буссарив, ттул лажиннарайн дацлансса арснал шар дунияллий уттигу ляхъан дурассар,- куну, къанкъа махъ бувсун бур. Дурцун дур арснал шар. Бувну бур арснан оьрчругу. Мукьвагу мурацний мярдугу бивщун, утти арснал шаргу къатлул биялагу цихьхьунма ласлан диркун дур.

-Ганил циваци дарув-бахлу бувссияв, кунттихьхьун лавсун ур ласгу, ласнал буттал лажиннарайн дацлан диркун дур жалингу. Арснал кулпатгу лиян бан къабюхълай, цувагу ганил канилун агъансса пикрилий къаивкисса Исял Разу ивкун ур дард чаххувчунахъ буслай.

-На цичлав цамур ча къаучивияв, Исмяил чаххучу, нава ивчаннин ва жула хатталу инсан уччинсса клану къаливчун духлагаву дакъа.

-Хатталу духларгунни куну, ивкुकун ина шийва итинхрав, юхссагу хатталу духларгунни куну, инава къаивчансса ххай урав? Мугу ци авлиянал мурадри? - куну бур Исмяил.

-Агъ чаххувчу, мукун маучара! На мукун тий акъара. На тимур бувча, ттул буруккин цамурди. Нава ивчаннин хатталу духлагарча, ратнил тий, цамур канттай цуну дурсса хатталлий, уччинссара.

-Ивкुकун чу уччирчагу ци буссар?

-Буссарарч, чаххучу, буссар. Ва духсса, Аьлил Разу увчусса, хатталив нава уччирча, га ттухъва суал булланссар тий ура. Архну, личийну увчун хьинни, Аьлил Разу ттухъва суал къабулланшиврул - тий, ивкун ур, аьпабиву. Амма ганан нясив къавхьун бур цусса хатталлий уччинсса. Ци жаваб дургьунавав аьпабивул Аьлил Разул хьхьич!

-Гихунмай бия Сулайман тисса чаххувчунал кялабарзгу. Га кялабарз цукуннив зири-зиригу багьну, михлишантталгу бавкун, сситтул бувкусса кунма чалай бия.

-Агъ мискин, вил чурххавусса щала сситтулшиврул кялабарз сситтул букан бувсса ххансар! - куну, Савдатлул хьхьич Сулаймангу авцуна. Сулайманнул чиви-хьунсса багъана-сававну кулпат батлай инжит буллай иклайсса ия. Эяллаву ххявххусса авхъ кунма, чурххал бювхьусса хьамитайпа, илтла-кюла бувккун, къавкун най бия. Ганин хьанахьимур къабувчлачисса Салманнул чаххувщарнихъ цувххун бия.

-Къурахшинал сумлу кунма, къавкун най бурахха чахху душ, вин циваци хьанай бур? - куну. Га цал уь-муь тийгу бивкун, яла вири-мукъан лавгун, дугъан къахьанахьисса макьгу вях-вяхти дурну:

-Цуксса ламуснугу ургула ва ттул бяних, хьинирвуй, - куну ссурессулуха гьухъа чансса ялавай бувну, цала ттиликІрах урган увна. Ганил ттиликІ лухІсса пара хьуну дия.

-Астапируллагъ, ванин циваци хьур, ваксса лухІицІан лаган? Бавгьурав?

-Бавгьуссания ци бия. Гьарца кьини чІивисса багъанагу савану, батлай ур, цибанссарив къакІулли, яхІ буллай ливчІун бура, оьрчІру кулпат къалиян, - куна.

Салманнун Сулайманнушал ихтилат бан, га яхІирайн уцин пикри хьуна. Цал мукун Сулайман кулпатрацал къалмакъал дурсса хІалусса чІунгу ишла дурну, Салманнул Сулайманнухъ увкуна:

-Ява кІулну икІу чІаххувчу, агарда вила кулпатрайн шамилла ка гьаздарча, шариаьтрайн бувну цІа дагъайшиву, вияту кулпатгу личІий хьун тІишиву. Микку Сулайман тахсир бакІрайн къаласлай?

-На кулпатрайн ка гьаз дайхрав, на адиминарахха, дайсса диркІхьурчагума, утти вания тихунмай мукунсса иш къахьунтІиссар - тІий ивкІун ур.

Амма муния махьгу, ганал кулпат бази къалаглай бивкІун бур. Ялагу Салманнул ци тагьар дур куну, суал бувкун:

-Ци тагьар дикІави. АцІуйлагу ттуйхра ришлай ивкІссания хьина. Утти шариаьтрай цІа дакъагъан ригу-къаришлай, канихъхьун виххуччул бюкъгу лавсун, ва бяних ссуку буллай ур. -тІий, цала ялату ва бала ласун кумаг бара тІий леххаву тІисса хьхьичІ бавцІуна... ЧІаравнмайгу бия Саният тІисса, ччяни ласнацІа хьусса хьамитайпалул кІялабарзгу. Саниятлулмур хаваргу Савдатлун дакІний бия.

Ччяни ласнацІа хьусса, кІива оьрчІацал ливчІсса Саният бивкІун бур, лас ивкІун ца-кІира шин ларгун махъ, ганихъ хьуннав тІий цу ивкІсарив, шяравусса цамур щашарнихъ.

-Вихъ щархьу тІисса къавхьурив, кІилчингу цан къашархьура?:- тІий.

-На щар шайшиву ккаккан бан, щар хьуну оьрчІру банья хьусса, ттун кІилчингу щар хьанан аьркинну бакьар. Ина винма ччимур бува!- куну бивкІун бур.

-Хьунавав ва мискин кІилчингу щар? - тІий Савдат гамур кІялазурух бурувгуна.

МахІаммада тІисса къужлул кІялабарз бия.

-Агъ, акьлу бусса адимина! Савдатлул ганаямур хаваргу дакІний бия.

Ца чІумал МахІаммадахъал хьювату ххалку бавцун бия. Щак бусса цуркуйхъ цахьвагу, ттул ку зана бува учин къахъанай, МахІаммада гьарца мудан га цурку ккурчІав щяивкІсса чІумал, ганачІагу щяивкІун:

-Ярапий, я аллагъ, ттуха ку бавцуманан арсенал шарнил хьатІуй къавтІунсса букканнав! - тІун икІайсса ивкІун ур. Мукун цал-кІила увкун бур. Яла шамилчин тІисса чІумал, цуркища бухІан къавхьун:

-Лажиннича, ттул яттива га яла язимур ку яла бугьича, мукунсса зайрду мабичларда! - куну, цурк бавриву мукІру хьун увну ур.

Ялагу, ца чІумал нагъ-нисгу ларсун МахІаммада лавгун ур кураллавун. Кураллаву къалмуьх гайгу даххана дурну, гьивурду дархІун зана хьуну авчун ур. Наниххуллийх ца шяраву гьантта ливккун ур хьамаллуранний. Гьивугу ликкан дурну, чугу тавлалух бавхІун, хьамалушиннагу дурну, утту ивхьун ур. Гьунттий кІюрххил шания ивзусса чІумал, къатнил заллу ивкІун ур тавлалухун уххавай, къатІувай уккавай, сусруххал увккун.

-Я хъхъувай чѳу къавхъунни, я мяр-чѳанналул ша бакъар, вания буракъ кунма, левххун къалавгухъунссар, - тѳий аваралий ия. Ххал барча хъхъувай цуркинтурал чу бавцун. Чѳу къабан, ша къаличѳан ссан-ччаннайн бурчул усругу ларххун чу бувцун лавгун бия.

Хъамаличунал руртсса аваралийн шарнил жямат бавтѳун бур. Гайннава чѳявуми чу бавцунан нааънарду дуллалисса бивкѳун бур. Микку Махѳаммада гайннал хъхъичѳун увккун, къянкъану увкуну бур:

-Да инсантал, жямат, зуя цу унугу ца хѳала акъа цуркуйл цалалу чу къабацайссар. Нанияра му цуркийхъ ттул чу зана бува учара, акъарив на буттал дурмур дувантѳиссар, - куну бур лялух дархѳусса ххаржанналул кѳамагу кѳунттивун чѳувин буллай. Микку тамашалийн бавтѳумий ку ташвиш лавгун бур, кувгу хѳучѳ тѳий бивкѳун, сси бивзусса хъамаличунал ци бунугу байссар тѳий. Гай куннаша кув буш-буш тѳий шурщурдайгу бивкѳун, цаппара къучагътал тѳайла бувккун бур чу лякъин. Ахиргу ахттайн бизавайсса чѳумал чугу хъирив лахѳну зана хъуну бувкѳун бур. Чу зана байхту, циняв рязийну паракъат хъусса чѳумал, ца къужлул Махѳаммадахъ цѳувххуну бур:

-Вил буттал ци бувну бивкѳиссар, хъамаличу, ина бувагу ци бантѳиссия?

-Циваци бувхрав, буттауссу, ца зад къабувссар. Ттул буттахагу ца чѳумал укунма чу бавцун бивкѳун бур, яла ганал ци банссия, мукъах али-кѳилигу рирщун шавай увкѳиссар. Ттунгу, чу къалявхъессания буттал бувмур бан багъанссия, мукъах кѳилигу рирщун шавай зана хъун багъанссия. Барчаллагъ зул къучагътуран, ттула чу цуркинтраща зана бувсса, - куну бур. Лагма бавтѳумий кув хъай, бивкѳун бур, кувгу ганал чу зана бан куртѳну бувсса аъмалланул хѳайран бувну бивкѳун бур.

Гайннал га бусраврай хъамалугу увну, тѳайла увккун ивкѳун ур.

Алхѳангу бувккун бавчусса чѳумал Савдатлун цамургу хъамитайпалул кѳялабарз хъуна бавкъуна. Га Мисиду тѳисса хъамитайпалул бакѳрацѳ бацѳан бувсса бия. Ганин дакѳнин багъуна Мисидулмур хаваргу.

-Мисиду шяраву мазрал бавцѳусса хъамитайпа бия. Ца чѳумал ххуллуцѳ дуланттухсса ганил къатрал мурцѳнийн ппулгъунчи Базаща ппулгъун дахчуна. Мурцѳний чартту хѳура буккан бувсса ххал шайхту, Мисиду зайлан диркѳуна.

Базалгу:

-Гъарца затрахунгу дахчилачи дурсса вай цира-ци гъарахъалттур зекъарххун! - куну, гъужум бувна.

Чѳарах бюрнарду, ларзурду дурну бувсса къатрайн Базал гъарахъалтту учайхтту, ганал дурсса рихшант хѳаз дирзун, лагмасса инсантал хъян бивкѳуна. Му чѳумал сси бизаврил щара-кѳама лархъсса Мисидул:

-Вай гъарахъалтту зеххин къааьркинссарча, ина вай агъугума дан аьркинссар...увкуна.

-Циваннияр на ми агъу дан, вайми эяллу агъу дурну, миннуйн яржа бивну бухрав? - куна.

-Циван дикѳави, вай эяллаву акъарив вил ссийн лас лявкъусса? - куну Мисидул База учинмур бакъа личѳан увна. Бунияттунгу гай бюрнардаву къуш бивщун, къалайчишиву дуллай ия цамур шяравасса адимина. Гай бюрнардаву Базал ссийл га къалайчинашчал эшкъи дурну, гания махъ ганан щар хъуну лавгун бия. Му иш ххуйну дакѳнийсса Мисидул циван къабувавив, лахъуни бувна Базайн, Базагу, туну махъун ттархъ кис дурсса ттукку куна, ссирин куну, ппургъунналушчал акъа хъуна.

КІяла барзру ххал булларча, буккин кІулнан гай жужравусса хавардал чІа-пІив кунма, гьарцанная ца-ца дакІний личІансса хавар буккин бюхълай бия.

Шяраву хьусса бивкІулий Савдатлул дакІних кьулгъу-кьуран буккай-шивруясса хавар ччяни ппив хьуна. Цумурцагу бивкІулул кІурукъатлийн Савдат нанисса чІумал, чІярусса хьами дукІлакІи хьуна. Гай кьурчІишиву кІидачІиннийр тамашалийн кунна датІлан дикІайва. Гайннуву динналухс-са цукуннивсса асарду чантІа тІий бия. БивкІулул залуннал га хІурматрай кьамул байва. КуннацІух кув буклай, бивкІулий кьулгъу бан, лайла учин, зикри бихьин миннат буллалисса шайва. Ганин кьулгъу-кьуран кІулшиву, рих-шантрахун бихълахьиссагу чан хьанай бакъая. «Ванин райкомру лакьинсса, ччянива кІулхьунссия, укун дин-чаклихун дагъан». Ганийн хьхьичІра учайсса «бургил душ» тІисса цагума хьамаритала хьуну, сан-ккал бакъашиврухун бихълай «жула малла Савди» тІиссагу бия. Ганил маллашиврия бавсса, чІах-хурайсса, шяравусса телефоннал мантер Бутайчи тІурча, хьиннува хьансса хавар буслан икІайва.

Таний хІан хІачІушиврий ца ларгсса, цимилгу цимигу гьантлий «мяммал кьатлуву» хІан лялиян дан багьсса «Будайчи» тІий ца ларгсса Бутайчи, утти хІангу кьариртун, ишбажаранчи хьуну ия. ХьхьичІ ппурттуву ччиччиккун хІан дуллай дахлан ихтияр диривсса заманнай, хІан дуллай дахлай Будайчиша мадарасса мая бан хьуна. Утти цала ттучангу тІивтІун, арцу кьадуллунова дахъра ца чирчун хьус дуллаисса, хьуслилгу хьусса Будайчихгу ккурчІа-чІирахми хІурматрай бакІру кІутІу, дуллалиссагума хьуна. Мукун ца кьини Бутайчи буслай ия хавар

-Зун бавривартал, ва жула антиводкая малла хьуну дусса дур?- увкуна ганал. Танийсса хІан хІачІултрал Савдатлуйн «антиводка» куну, чулий ца ларчІун дия. Сававгу – хІан хІачІврищал талатаву дачин дурсса ппурттуву, райкомрал секретарьсса Савдат хІан хІачІаврищал талатаву дачин даврил комиссиялул председатель буну, цаняв хІачІултран гания хьуннасса нигь дикІайва.

-Антиводкал дяркъусса чІумал на тталлуйн лахъан увну, микІ лачІавай ливчІссара,- буслай ия Будайчи,- Ххал барча, ругу-руртІун нанисса Бутайчи бакІрайн агьну ур Савдатлуйн. КІанихъхьун ириярча цанма хьунмур кІулну, монтернал ччаннайн дахІурдугу ххараххан дуллай, хьхьичІва-хьхьичІ хьуна бавкъусса тталлуйн лавхьун ур. Каччиша нигъавххун тталлуйх лавай ливхьусса ччиту куна. Будайчи тталлул мицІлий хьуну ур. Савдатгу лув бавцІун ганахь «УчІу ялавай» тІун бивкІун бур. «На телефонну дакьин дуллай ура» - тІий, ца ххал ттирихІавай, гамур дахІавай, чІун гьан дуллай, ивкІун ур. Ларгун дур дачІи ссят, ссят...КІира ссят, гарив Савдат лув буну учІайсарив, кьаувчІуну ур. Ахиргу ссавур духларгун Савдат лавгун бур. Тталлул мицІлийсса чІаракІуннил дякьил, нукІура хІангу лялиян дурну, зурзу тІий увчІуну ур. Муния махь сатиржан хьуну, тамансса гьантригума кьашавай бувну бур.

ЧІалай буриввартал кьуллугьралшиврий цукун баххана шайсса бурив инсантал? Жула бургил душния – антиводкая шайсса малла? - куну, вичІилийми а-аппапа бишин бувна. Амма микку сахІибул хайр дусса адимина ккурчІату ивзун:

-Утти инагу ккурчІавн увккун, арантуннаву хавар бусай хьуну унуккара. Цан кьабусланна: хІан укра дусса чІумал уччиннинсса хІангу хІавчІун, утти



вай шяравучутуран иттав щин дакъа буттал багълий самопаллу дахлай базигу лавгун, - куну, гъжум бувна. Га Салманнучла зузисса, гайннал хІалкъазия ххуйну кІулсса гьалмахчу ия.

Цума цитГурчагу, Савдатлул мубаракшиврул ца щала ссакІлуйх, иллануйх ппив хьуну дия. Ганил мубуракшиву ххал дан хІатта динналул аьлимтал цайми шархъава, шагьрурдая букІлай бия. Гайннахь цуппа ласнащал хІажливнгу лавгссара учайхту: «иншаллагь, иншаллагь!» тІий пІаркъ-пІаркъ бикІлан бикІайва. Амма гайннавацца хІажитурал суаллахъхьун жавабру дуллай, цуппа хІажливн цукун лавгссарив, мина чув лархьуссарив, Кяъва чу буссарив, ганил лагмасса цимурцагу, Замзамирал щаращул щинаягу кутІану гьарзад мюрш бивкІун буслан бивкІукун, уттизаманнул хІажитал анхь-анхь бивкІун личІайва. Цайми инсантурал я га, ягу ганил лас такІуйвагу хІажлив цирича, дазул къатІувагу къалавгссар, увкукун, асттапируллагь ва ци хІикматшивуривав, ци мюъзижатривав тІий, цанна ккарксса ва караматшивриягу буслай лагайва. Динналулсса буллалисса хьуниминнал чулуха, хаснува муфтинал чулуха цаглава зун нану тІисса миннатгу бувкІуна. Амма Салман муния цукункІуй бавну ччай акъая, «На халкъ хъяхъи бан ччай акъара» – тІий.

БукІлай бия ваничІан тарихрал аьлимчуталгу. Минналмур тамаша ванин хъхьичІавасса тарих ххуйну кІулшивриясса бия. Вай ванил элмисса институтраву тарихрал ва литературалул архивравусса аьжамрай чирчусса ччарча аьраб мазрай, ччарчагу миллатирттал мазурдий чивчумур ахттар буллал бансса пикрилий бия. ГайнначІа бакъасса бия аьрабрай хъхьичІарасса чичрурдаву къадурчІлачІисса лувгъатру таржума дан бюхъайсса аьлимчутал.

- ЦІана кулпат уттигу бази лаган бувар, яла махь ци бан буриб бургансар,-тІий Салман рязий къашайва.

Чансса бакъая цала шулсса хияллаву Савдатлун кІулмур ишла бан ччиссагу. Мукун увкІун ия СавдатлучІан цаппара шиннардил хъхьичІ колхозрал председателшиврия укьан увсса ХІусмангу.

Колхозирттал чулухунмайсса хІукуматрал я битаву даххана дурсса чІумал: «щин оьлувкъуну дунува балугь бугьан аьркинссар» - тІий, шагьрулия увкІсса ХІусман, цаппара цала мачча - ляхьин, дус -ихтияртурал ккурангу лагма лаган дурну, колхозрал председател хьуна. Мукьра-ххюра шинал лажиндарай колхозрал хьуслих мунал ва мунал ккуранналул муксса рищаву дурнахха, азурда бувккусса шарнил жамат гьаз хьуну;

- Председателгу, мунал лагмасса колхозрал щала аппаратгу цуя ца къабивтун баххана бан аьркинссар - тІий цаягу къабивтун баххана бувна. Амма цибанссия, цал пил багьарча, му гьаз бан бигьа къабикІайхха, дагьну ларгсса хьун колхоз ччаннай дацІан дан хъанай дакъая. Цимурцаннува дакІ дурккусса колхозникталгу, «вай цаппара лямпІуртурал думур лямпІ чин даннин, колхоз дачІин аьркинссар» тІий бия. Ми хаварду цанма баяйхту, ХІусман цІунилгу шяравунай увкІун, агьалинал дянив маз буллан ивкІуна.

- Ссан аьркинсса колхозри му? Гьарзад дачІин аьркинссар. Жулла ппухьлуннал хьу-лухччив жула-жулами зана дан аьркинссар,- тІий ия.

Щин оьлуркъун дунва биялсса балугьру бугьан бювхьусса ХІусман шагьрулийн ивзун махь, хьинну авадан хьуну ия. Утти ванан шагьрулийсса цала хьуслицІун шяравусса хьу-лухччинул заллугу хьунсса тамахІ бия. Га колхозраву дуссар увкусса яла ххуйми хьуру ва лухччив цала буттал буттахьал ХІуснихьалли, гай цанна зана дан аьркинссар тІий ия. «Гай зул ХІуснихьал

ча диклави, гай жул тухунналул хъуру ва лухччиври дирксса»-тгий бия гана-яр лув бакъа авадан хъумигу. Хусман гъайгу-дайгу цалли тгий бяс багъуна.

Ахиригу бяс ца чулийн буккан бан Савдатлун багъуна. Гай кивайнналагу Савдат бучлан бувна.

-Ина жуяр чивисса бухурчагу, хъхъичла заманнул тарих вин ххуйну килулу бурча, бусикъай жу цума тайлассарив? - цувххуна Хусманнул цимурчагу бучлан бувну.

Бувминнух ххуйну вичигу дирхъуну, цума цумур тухумраясса уссарив бучлукун.

- Зул Хуснихъал хъу-лухччирагу чув дуссия тар. Зул чирилух лагай Хуснил ца ябу буну, гагу нудру бувну бавххуссияхха, ца мальоьннал,- куну Савдатлул бувсуна Хуснил ябу бахаврил хавар. Хусни цала ябулий къалмул гивурду дурну, кураллава най ивкун ур. Зунттавун ивсса чумал ца даралуву занч бувцун, зунчахъун иривну ур. Зунчаву ливчсса Хуснигу аллагънайн лаизлай ивкун ур:

- Яраппий, я аллагъ! На ххассал увакъай ва балаллуца, нажагълий на шикка ххассал хурча, ва ттула ябу бавххун шахъаннил ятинтурайх ярцу дачинна, - куну нудру бувну бур. Аллагъналгу ка бавкъун, цалагу харацатрайну Хусни зунчал балаллуца ххасл хъуну ивкун ур. Ххассал хъусса Хуснигу цала нудру биттур бан ябугу бувцун базаллун лавгун ур. Базардуву Хусни бахлай, хъирив лахсса ябу бакъассагу, хъаралух бувгун ажаригу бивкун бур. Бахлай ивкун ур ажаригу. Ажари ххюцалла кзурушран бахлай ивкун ур, ябу турча ххюра клапикран. Амма гай кивагу архал бакъа къабахлай ивкун ур. Аллагънал хъхъичи цайва бунагъ къахъун, ца мальоьнналгу ххюра клапикран ябугу, ххюцалла кзурушран ажаригу бавххун, бувсса нудрулийн бувну шахъаннил ятинтурайхгу ябу бавххусса ххюра клапик дарчун диркун дур.

Ва хавар цанма баяйхту!

-Тти ва бакъу авлия Савдигу цитун диркюр, вин хъинну килухъунссар? - укуна Хусманнул му чумал:

- На ххал банна бакъу авлия цу уссарив, колхоз дюкъай кюртмай! - куну, чаравсса Салман Хусмайннуйн заккантташал ххявххуна. Лагмаминнал айгун, гай паракъат бувна. Циняв паракъат шайхту, цилуйвагу къавхъусса кунма Савдатлул:

- Кла зунтул бурхайсса кумпара чалай дурив, - ккаккан бувна кумпара Савдатлул: -Лавгун кла кумпара ппив дуvara. Гиву зун лякъинтиссар чичру дусса чару. Лавсун бухъхьяра га чару шиккун! - Кув «ци кумпара», «ци чарур» тгийгу бавкун, ахиргу шама жагъил чатращал дучрай тайла бувкуна. Савдатлул тисса канттайсса кувсан тартусса кумпара ппив дурна.

Тамансса чун ларгун махъ гай шамагу бувкунуна виххуччул чарил лиссеугу цаннал хъхъичлук дургун. Га виххуччилуй буниялттунгу аьжам харпурдий, куртну чичруду дурну дия.

- Вай буккин килсса урив шяраву? - цувххуна Савдатлул. Ванан килссар, танан килссар тгийгу бивкун, ахиргу мяйцалли ххюра шинавусса къужа Ися увцун бувкунуна. Ялун увксса Ися чарий чивчумур ккалан ивкунуна. «Ва кумпаралуяр яларайсса лухччив, Аьлибуттахъал Махладлул лухччиври» - тгий бувккуна, Аьлибуттахъал Махладлул тухумралми инсантал ххарину, Савдатлуха зукълай, чурду буллай бунува, хажакравун чапал хъусса мюрши оьрчайн бувкун, Хусманхъул халлицлук хъхъичла бакъа хъуна.

Кулпат больницалия итабавкъун махъ Салманнул оърму, кѳувагу къакѳулсса хъамитайпалушчал кунма най бия. Ганил хасият, тѳул-тѳабиаѳт хъинну даххана хъуну, канил дугъарча ка ччучлай, экъи дутарча дакѳ ччучлай ия. Га цимилагу маслихат-чаран ккаккан личи-личисса хѳакинтурачѳа хъуна. Амма гай Салманнул бусласимунил хъхъичѳ кару яларай ита дакълай бия.

- Жуща муни цѳана бан шаймур, пенсия бишинсса группа булаву дакъа, цамур цалсса цикѳуй бан бюхълай бакъар. Мунил цѳуллушиву апатѳ хъуннин дирѳссаннуяр базиларгсса тагъарданий дур. Ссавур дува, чѳунгу хѳакинни. Чѳун лагайхту бюхъайссар къулай хъун, ссавур дува,- больницалул хъун хѳакиннал Савдатлун пенсиялунсса документру шаллу бан бувна. Группа буллуну, биялсса пенсия бивхъуна. Муния кѳул хъувкун, Савдат:

- Зукъазинангу уква ччатѳ булайсса аъжаивсса замана бур ва,- тѳий тамаша бувну бия.

Салманнул ссавур кѳюла къадуклансса ишругу хъанай бакъая. Хъхъичѳ ппурттуву лас-щарну шаний утту ишин итанния цирича, ккаччѳисса ччиту кунма, гъан хъунмагу бацѳлай бакъая. Бучѳир –къабучѳир тѳутѳисса чѳумалгу: « Чуври вил ттул ялун дурцусса Ххадижат, муния муксса ччяни бизар хъуссарав , муничѳа утту ишин насу, на сагъ бакъа бура»-тѳий къаитлай бия.

- Я ххирамур, ттул мукунсса шарсса дакъассияхха, цу Ххадижат тѳий бура ина. На цамур хъамитайпалух нахѳуну зума авхъунна, зул дянив цибунугу бухъунссар тѳий, гъас-тѳанкѳ тѳийяхха ина бикѳайсса, вин цукун дакѳний бакъар?-увкукун бусурмансса бусурманчувнал ца силтукрай ва ца хъамитайпалий гъашиву дайссарив, циванни ина кѳилчинмур кулпат къабувсса?-тѳий гъан хъун къаитлай бия. Ганин Салманнуй цѳими хъуссияв, ягу цинма гъира багъссияв, юхссагу га гъан хъун къаитлатаву бунагъну чѳалай буссияв, га шаний цацѳу утту ишин ивтсса чѳумалгу:

- Ина ци зий ура, гавур куна? Хъамитайпалин ка гъан даннин, цал дуаѳ цан къадуккара?!

- Лас шарнил дянивгу ци дуаѳри дусса, тти мугу ци багъанар?!- Салман асар бивзун, махъаллил хъуна.

- Ци дуаѳ дикѳави, шарссанин ка лаяннин гъарцагу бусурманчувнал дуккайсса: «Бисмиллагъи, аллагъума джаниб-на-ш шайтана ва джаниби-ш-шайтана ва разакта-на!» (Бисмиллахѳ, я Аллагъ жуя арх бува ва шяйтѳан арх бува тайнная жун ина буллалиминная) учин къашайрив вища тѳий, ккалай бия. Цува гъан хъун къаитлайхъувкун, ганишчал цамавагу аълахълай акъаявав тѳий, ас бакъул кунмасса щак-щуклихун агълай, цайва бияла бакъана, Савдатлул чурххайсса цанма кѳулсса базу, аъш, ттангъа цѳунилва-цѳунилгу ххал буллан икѳайва. Ганил жангу, чурхгу хъхъичѳвамур бия, рухѳугу пикригу лап цамур бия. Салманнул ссавур ца-ца чѳумал муксса кѳюла дуккайвахха, ссуттил мурхъхьирдай липѳ-липѳ тѳи бувну, мурчал буцан бувну лагавайсса чѳапѳи кунна дуцавай дикѳайва.

Чѳун най дия. Тѳалавшиннардугу цалнияр цал гъарза хъанай дия. Хасну ва цѳу заманалул ишбажаранчитурал кунна, хъус-къинилул ялувсса.

-Махѳаммад идавсил яла дурус бувмур, барачатмур-му савда буллалавурхха, циванни жува маша-ххаша баву къабивтсса, - тѳий Салманнуя дахху-ласу дуллалаву тѳалав дуллан бивкѳуна.

- На мунил инсан акъара, вищагу къашайссар тѳий унува:

- Циванни къашайсса, хъунгума Хъуннеххал къун ккуру нани бувну

ласайсса кунма, хьинну хьунтИссар. Чан-чанну тИий ласлай-дахлай, мая хьун буллалиссар, яла, иншааллагъ бачинтИссар жула ишру, - тИий, Савдатлул Салман машиналий хьусгу ххилаххи увну, ца лувчИин къатлуя ттучан бувну, дахху-ласу дуллай булукьуна. Ттучан тИитИин рязий шавугу га оьнма къаличIаву, ссахух бунугу машгьул хьуну, цала духИиннарайн бучIанссар тИисса дия. Амма ишбажаранчишиврул ишру нан бивкIукун, Салман цувагума цалнияр-цал гъавас багълай, ганихух машгьул лаглай ия. Савдатлун хьинну кIулну дия хьхьичI чяни машай лагайми хьус ци дуссарив, ласлайнигу царай хьус къаларсун чан-чанну, личИи-личИисса ласун айва.

ДикIул ччан ларсун, шархьун дусса куцуй гава багълий даххарчагума, ганил дикIул нахIура-нахIусса накъ кулпатран дукралун личIантИссар, чIапа бувцIусса ккунукру шавхьуну гава багълий баххарча, ккунукру шовшусса щара лавхьсса зарал щин дакъа къаличIантИссар. Маша бангу кIулну бикIан аьркинссар.

Мякънан - щингу, ккашилнан -ччатIгу, аьвкъунан – гъелишивугу, гьарзад лякъин аьркинссар тИий бия Савдат. Дахху-ласулул ишру мукун бавчунахха, гайннаннин ссуттил мурхьхьирдая цакуну чIаракIуннил лавсун найсса чIапIивкунма, арцу най дия. Вана винма барачат! Зуруй цал харжи булуннин оьрму най бивкIсса Салманнун укунсса иш бикIайсса макIравагу къаккакканссия. Цуксса авадан хьанарчагу, Салманнул дакI паракъат хьанай дакъая, зунтгал нех кунна гъалаксса, къанийх нани нех кунна куртIсса ганал дакI луглайнна дия цала дакIнил лавсусса бургьил душ - Савдатлух. «Бусурман-чувнан хьан къабучИиссар, чурххавусса ххирашиврул гъавасру ялун личин буллан къабучИиссар...» ва бучИиссар, та къабучИиссар тИий цуппагу ащуву цулцу бувсса чIиви оьрчI кунма, янналувун гьарца базугу кIучI бувну, яннадал кIуриялуну заназисса ва Савдатлушал, тяхьасса, аьчухсса, исвагьину янна лаххан кIулсса та Савдат баххана бан гьич дакI рязий хьанай дакъая. Цукуна хьама ритантИисса Савдатлул та хьхьичIра-хьхьичI цала авдалшиврий дурсса дакIнихтунусса хьяхъаву.

Та иш дакIнин багьукун Салманнул мурччай цаява бияла бакъанма уттигуман пиш личайва. Савдатлул зяй бусса хьяхъаврил чIугу чIюхлан бикIайва. Га Савдатлух ччаву хьусса хьхьичI гьантрал чIун дия. ГаничIан общежитиялин нанисса ца чIумал, ссайгъатран ласунмунил хьирив лавгуна базардувун. Базардуву хьхьичIра ца чIумал дахлай, ласулт чIявусса буну, цайнма яржа къабивну къадирирсса пIартIахиллу ххал хьуна. Амма гай ласласими га ххуллухъ циванав личИину гьарзасса бакъая. Бакъанугу Салманнун гай гъели багьирдал ахьулсса ласун ччан бивкIуна. Салман гьан шайхту, ахь баххул:

- Вин царив, кIирарив, жагьил? - цIувххуна ганил

- Ттун...дула кIира ....

- КIира, ма ласи..- куну, ва дурагу кIира ахьулсса дуллан диркIуна.

- Вай кIира цу-цуманан диянссар... кIира кило дуца,- увкуна.

- Огьо, кIира кило ...дуцайссар, ххуй оьрчI, вин ччиссаксса, - куну ахь баххай щарсса, сахаватлувсса муштариная ххари хьуна. Ахь баххуцIун цалагу, хьахьи-хьахьими, хьуни-хьуними дихьлай, дурцуна кIира кило. КIира килорахсса арцу хIисав дуркун, гай лапва ххирасса багълий дацIлай дия - бачИи стипендия ххишалагу гайннух лавгуна. Къаласун гьузгу хьунача, яла ахь баххул «На вин дачИи къурушрал къювкъуну дулуннахха», куну хьаврин хьуна.

- Гайгу ларсун най, Савдатхьал общежитиялул жанахIравух най унува:

«Лавсун увкѹма цува увччун уссаххай бикѹайссарча, ва ца цукун тѹааѹнсса дурив ххал даннача», - куну ца канил дургъун, къацѹх ккири ликлай улувкъуна. Ккарччив къутѹин дурна. «Ваппабай вайннул къурчѹишивуѹ Ссирка ххансар...» Салман пуй-пуй тѹийгу ивкѹун:

- Щукру душарачѹан ияннинна ххал дурсса. Вай кислотѹалул душарал бюмбутѹив хъусса мурччай хъхѹиначѹартту хъун банссия! Хѹайп вай загърулух дуллусса арцу! – куну, Савдатхъул я хъанахъисса зивулийсса кухня-къатлувун увххун, гивусса ца къуршувун шала къуру бувтун, зана ивкѹун лавгуна. Цацѹара лирчѹисса арцух, чѹйлухун бикѹанссар куну, шоколадирттал коробкагу лавсун зана хъуна.

- Чѹйлухунсса дакъа буссия, вай хъинача! Агъ ина цѹуллу ивуй, тѹий, Савдатлушалсса Зувайдат ххарину:

- На чѹй хъун дишин гъаннача, - куну, чѹйданналушал бувккун, кухнилувун лавгуна. Цаппара хѹаллава га нукѹуванияргу ххарину къацѹ лакъин къашавай зана хъуна. Ганил хъувух бувгъун Салманнун цала нукѹува экъи бувтусса къуру хѹисав хъуна.

- Вай лимонну цума ахѹмакънал экъи дирчуссияв кухнилуву къуршувун дирчун дия. Чѹйлухун вайгу утти ссал къамашар!

- Ми зия хъусса духъунссархха... - Цѹувххуна Савдатлул.

- Ци дикѹави, ялунгума язи-язи дургъун, личѹий дурсса дур.

Му чѹмал гайннул яру тѹайла бавцѹуна Салманнуйн. Ганал сипат зиниччатѹуя бизлазисса бюнбутѹул ранг хъуна, яла жагъжилну уруглайгу ивкѹун, ятѹул ивчуна. Пишгу куну:

- Ми дикъарсса, Къю..ю...рчѹисса затру дияча, на экъи дирчуссия... - куна Салманнул

- Лимонну экъи дичин... лимонну ццихъ буссархха дикѹайсса, - куну, Зубайдатлул га ца лимон кѹи къуркъуна. Яла га ца ххаклуя зали дизан дурну, ххит качаргу ккузу бувну, пѹаъ-пѹаъгу тѹий иштахѹирай канай булувкъуна.

- На ми апельсиннур тѹийри ларсун диркѹисса... Туну ми лимоннузив? Мигу дукал бучѹихъунссар?!

- Вай чѹйлий дишайссар, - бувчѹин бувна Зубайдатлул, - амма укун песокгу бивчунугу дукайссар... - куну Зубайдатлул мурччив-маз пѹаъ-пѹаъ чин бувна, ццихъ бусса лимонналия тѹааѹн лпслай. Амма цаппара хѹаллава «лимонну къурчѹисса дуну экъи дичавгу» тѹий, чан-чанну хъян бивкѹуна. Гайннул хъяхъаву цалнияр цал гужлан хъанан диркѹуна. Душарал яру мюрш ливчѹун ккурккисса чѹавруннаву бювкъун лагавай, ялунмай личавай бия. Ца-ца чѹмал гайннул хъяхъаврил чѹурду хѹухѹу тѹисса зиранг тѹайрдал чѹунихагу лацайва.

Гайннухгу уруглай пахъ агъну ивкѹисса Салман, цала пайханмарсса авдалнал тѹулгу бувчѹлай, цувагу хъян ивкѹуна. Иттату макъ нанцѹакул дуллагисса гайннул хъяхъаврил зѹй, дакѹнийн багътарий уттигу вичѹахух бишлан бикѹай.

Оърмулухсса я битаву баххана хъусса Савдатлушал, цала оърмулуву чѹярусса ххуйчулиннайсса дахханашивуртту хъанай духъурчагу; «Ттуца укун зун къахъунссар, гъич къавардиш хъунссара ва оърмулийн» - тѹий ия Салман.

Амма ганал дус-ихтияртуруавував ганашал рязий хъанайссагу бакъая.

- Ина щукру уча, вила кулпат та балалушагу ххассал хъуну, мукун, зунмагу, чингу барачатсса иширахух машгъул шаврин, - тѹий бия гай. – Акъарив вила кулпат бюхъайссия духѹиннарал чан хъуну, оърмулухун мунилсса буллан багъан. Вин тѹурча муния уттизаманнул инсан хъуну бур. ... Ччарча

уттизаманнул дахху-ласулул ишру куртІну кІулну, муни лавхъхуну къуц-цу буллай бур, ччарчагу рувхІанийсса дин-чаклил ишру кІулну бур. Муния цумацанналгу жула хъхърдай учинсса хъамитайпа хуну бур.

- Циванни ина вардиш къахъун, - тІий ия гама гъламахчугу -ЩарссаницІа хъусса адамина кІилчин кулпат бувний, ганил хасиятрацІун, тІул-тІабиаьтра-цІунгу вардиш шайхха, инагу вардиш хъунтІиссарача, дакІ кІюла мадулларда - тІий насихІатру буслай, ганал дакІ паракъат хъунмур буллай бия.

Мунищал рязий хъун бигъаяхха, амма Савдатлун я цува, ягу цала мачча-гъанмий кІувагу къакІулсса кунма, ккалланивух бакъашиврулгу, ганал дакІнивун къюву дуллайнна дия.

- Ина ура кулпатрал акълу духІин даххана хуну дур тІий рязий акъа, - увкуна хъхъичІва райкомрал секретарьну зий ивкІсса, оърмулул угъара хъусса Исмяиллул. - Ина пикри бувакъай ва заманнай цикссаннал акълу-духІин зия хъун дурив цакуну замана баххана шаврийну! Щаллусса билаятрайсса система даххана хуну цикссава бур буруккинттарай ливчІсса. Чайну-гу-къаччайнугу утти минналгур оърмулухсса цала я битаву баххана буллан багълайсса. Та хІукумат дуруччин къавхъукун, утти ва хІукуматрал тІимур буллан багълайссар. Цуксса ччяни бувчІурив, муксса миннан цанмагу бигъа хъунтІиссар. Вингу вила кулпатрацІун авкъун зурча бакъасса, мунищал ччалаччаврия пайда бакъассар...

Цува хІакъсса коммунист ухърчагу, партиялул давурттай зий оърму ккавкса, элму дурккусса хъуначунал тІимургу бакъасса зад бакъая. Ганацагу цала оърму лавгун махъ цува рязий акъамунищал ччалан бюхълай бакъая. Акъахърчагу, га цала дакІ марцІну бутсса оърмулиягу рязийну, утти хъанахъисса дахханашиннардугу дурчІлай, оърмулул бушигу чІалай ия. Оърмулул бушигу му бухъунссар - бухмур къабивтун цІумунийх бачаву.

Мунирма кунма, Салманнул давривугу анаварсса бушилийсса дахханашиннарду хъанай дарчуна. Цалнир-цал хъхъара хъанай бавчуна хозяйствардавусса техникалул база. Лирну най дия колхозру, миннуцІун духра лагавай дия миккусса техникагу.

Кув буржру лахъан дахлай, кувгу дух хуну къариртун найсса чІумал, районналул шярваллил хозяйствалул управлениялул инженернал къуллугъгу бухлаган буван багъуна. Мунихтуну Салманнул щалва пишагу дахху-ласулухун агъсса хъуна.

- Ссаха зузиссарив къакІулну чІун гъан дуллайнир, кулпатрангу, чІявучингу хайр бусса давриха зий хъинну бикІантІиссар - тІий, Савдатлулгу Салман даврица шаву цукуннив рязийну къамул бувна. Уттинин салкъи хъусса арцух чІаххурай эяллай лирчІсса къатригу къювкъу багълий машин ларсун, гайннун кІанттай биялсса ттучан бувна. Хъунмасса, чаннасса, заманалун лавхъхуну бувсса ттучанналувунгу муштаритал гъарзану занай бия ва микку ттучанчиталну зунссагу бувгъуна.

Дин-исламрал гъарцагу тІалавшиннарду дуручлаччисса Савадатгу утти хІажливин лагавриягу гъалгъа тІун бивкІуна. Цукун бювхъуссияв бювхъуна Савдатлуца Салманнувусса малланал душсса ниттил ниттил къяртта чантІ чин дан бювхъуна. Ванангу цанна хъхъичІра кІулсса дин-чаклил тІин-къин утгара дуккан дан багъуна.

Дуниязлгу ккаккан, дазул къатІувсса оърмулухгу я битан тІий, Салмангу хІажлин ачин хІадур хъуна.

Ца бигъаяхха мунал хІажлинсса ххуллу. Савдатлушал наниний му ваца цимилагу лавгсса цимурцаннил хІал кІулсса мусапирнащал архІал нанисса куна ия. Мунил ххуллихсса хаварду дахъва лахъхъу-цархъхъу га ххуллия зана хъусса инсаннал кунмасса дакІнийн бичавуртгаясса дия. Гъарца затгу мунил тІикунсса хъуна дакълай дия. Амма мунилмургу тамаша бикІайва, гай кІант-турду хъхъичІва цанма ккавкнийнияр ххуйчулий баххана шаврия.

Шагърулул чуллайх хъуну Макка-Мадиналийн бивкун алжаннул арда-равн увксса куна хъуна. Дунияллул мюъзижатругу вай духъунессия. ХІаж бубну нанисса чІумал чансса бакъая, мая бансса къастирай арулва багълул къюркъусса хъус ласлай булукъусса. Савдатлулив, марцІсса хияллал гъавасирдал дурцІусса дакІ гъассар, дакІгу, каругу марцІну гъан аьркинссару тІий, сайгъатрансса мюрш-къюрш дакъа къалавсуна.

ХІажлия зана хъувкун, Салманнул дакІ буниялттунгу цукуннив марцІ дурккуна., Савдатгу бакІгу, чурхгу цала бухъурчагу, аькълугу, пикригу ва щала рухІгу цамур душиву исватну чІалан диркІуна. Мунин хъинну ххуйну идавсил мазгу кІулшиву, къулгъу-къурангу кІулшиврий Маккалал аьлимталгу мукІру хъувкун, мунал цамур учинмур бакъая. Аллагъ акъуну бивкІсса Савдатлуя, Исламрал варис шаву-му хІисав къахъунсса зат бакъая.

Мунищал Салманнул я рязий хъун багълай бия, ягу ца цала вихшаласса гъалмахчунал тІийкун, экстросенстурачІан бувцун, мунил, чуннив къакулну лерххун ларгсса цила хъхъичІрамур рухІ чурххавуннай зана ританмур бан багълай бия. Амма циванни му рухІ зана дуллантІисса, вайми цинявпагу цІу оьрмулул зумувнусса, Савдатлул куннасса, рухІру къамул дуллалисса чІумал!.

*1993-94 ш*



---

**Надир ХАЧИЛАЕВ**  
(60 шин)



**ЧИВАХЪУЛТТИЙ ЧИМУЧИАЛИ**

*Хавар*

**Л**ахъисса члумуй хъхъу дакъа, къини дакъа ялугълай, ахиргу, мурад бартлавгний, инсан я пашман шайссар, ягу ххаришиврул аьтлун иклайссар. Кйива гъантлул хъхъичй Авгъаннава шавай занахъусса Ажу ххаришиврул аьтлун къаивклуна.

Га, сукку къахъанай, ссихйгу къадуклай, хъунмасса хйаллай ссах унугу уруглай личйайва. Кйири буллай бивкйсса июнь зурул бургйилу гъухъагу ивтун, га увххуна цйансса ва дюхлулсса цйурихъулувун. Ишла къадулла-лисса шану-кйараллу ларкъусса тахлий чулийгу агъну, уруглан ивклуна, цилва цуппа цйавцйлай, чйавахъулттийн щилащисса чйимучйалттух.

Ца бакъа бакъасса чйивисса чйавахъулттивух чйанкъатлувун багълай бия кйирисса ахттайн бизулул бургйилу пахъ дагъсса дунияллул яргс-са чани. Чйимучйалттул пюрунналийх рйшлашисса хъаттирдал чйунил лагмарасса чйу-чйитй бакъашиву хъиннура аьвам дуллай дия.

Ажулул чулия чул бувна, гъухъал чят бувсса десантниктурал щутта-рисса гъухъа дюхлулну чурххацйун лачйун буллай. Га дия Авгъаннаву нахйу ларчйсса тура. Чйимучйали, махъва-махъсса ссихй бухлаглагисса кунма, чаннал ттурцйаву дарссуну най липй-липй тйутйисса ттангъану бишлан бивклуна чйавахъулттийх. «Лашинсса рухйгума дур чаннал тйитйалларах диркйлай», – Ажулун тйааьнну хйисав хъанай бия, цалва



чурххал кљушиву яла дагълай, кїри лавгсса бючлунбишинтту рахлат буклакисса куц. Ганан циклуї бакъая, ивзун, кїсса щуну, чївахьулу га чїмучїалттун тїтїн. Амма ччай бакъая цалла паракъатшиву лиян дан. Карчї дия чїмучїалттул цїаний чурх сукку бан. «Авгъаннаяр махъ чїмучїалигу цир?» Ганал ттигу чурххая хїра къадурсса саллатїнал пинжакрава буккан бувна ряхва, цайнма щуну буна, чурххавун къакъувтїуна ливчїсса ккулларду бивхьусса къути. Гай бацїан бувссия ккулла итакъабакъайсса хїурнилул.

Ажулун дакїнийн дагъуна га кїри лагаврил, кїяласса цїу куннасса, чаннал дургъусса кьини. Зунттул яхъулу чїалай дия кьунналуха лархъхьуну пахъ дагъсса Авгъаннал шяравалу. Чївахьулттан кїанайсса вярчїу ва чїрттая дагъсса ххютру къадиркїссания, га ххаллагу къахьунссия. Ставрополлаясса капитан Клочков, Грозналиясса сержант Имогожев ва Ажу тїайла бувккуна та шяраву циняв саллатїнал хїачїансса щин дурив ххал дан. Гай зунттал даралувусса гьава муксса кїри лавгун бияхха, кирпичї лахъарча, парх увкуну, щалла даралуцїух цїу лачїунсса хханссия. Га гьава каххурттавух, гьарччалттавух, кїчїру бучїайсса кїанттурдайх бувххун най, бургъин къачїалачїисса инсаннал базурдугума ччуччин буллай бия.

Ялун личлачисса гьухъ къакълай, кїялавххусса Клочковлул бархї чїалачїиний, Ажулул мякъ хьиннува ялун ливчуна. Чемпирагу къадуккайрив ххал дан ганал хїаллицїух сукку бувна къацїливусса маз. Ххяп чай чагъар кунма, къавкьсса, ххарттасса маз ххинилуйх буккайхту, гацїана хїисав хьуна цїл аьчїсса оьттул тїн. Шяраваллил дайдихьулий щин чув дуссарив цїуххин бувхсса къатлуву гайннан цуклуї къалявкьуна. Так дия гиву аьрщарал тїн бусса щинал дачїиннийн дияннин дурцїусса хава. «Загьрулул ивчїан тїисса чичру ттун дикїан къабюхъайссар», – куну, Ажулул уччиннин хїарчїуна.

Кїул дакъасса щин хїарчїун тїий, дяъвайгу ивкїун, Клочковлул цалагу гьаз дурна тара хава.

Яла шяраваллил дянивух нанисса кїчїираву мукунсса паракъатшиву дияхха, ваца цинявппа шяраваллил агъалий лувчїиннийсса аьрщарал къатравун бувххун, гайннал шаттирдах вичїи дихьлахьїсса хханссия. Га дия духлякьлучїату лавай щалва чурххавун тїааьн бакъасса гьеди буллалїсса пахъдагьру.

Шяраваллил дянив, хьун бакъасса майданнив буквавайсса кїанай, тия чулий цїанну чїалачїисса къаттала цакуну цїу пар-пар куна, ганилва хьїрив – автоматрал чїугу. Хьхьичї най бивкїсса Имогожев ва Клочков, ваца кинораву кунма, цал ца, яла гама щалва чурххал хьїт куну, кїунклугу хьуну, левкьун лавгуна. Гавацїана Ажулул лякьлуйх лавай, щалва хьязамгу кїурчїлу бувну, чунмайрив махъух нанисса кїчїиравух, щютїа тїий, лавгуна ккулларду. Цакуну ялун дагъсса чявхъа гьаралуннил кїусса кїунтїру кїри лавгсса ххиттувун щусса кунма, дакїний ливчїуна Ажулул цавунма, щютїа тїий, къувтїуну лавгсса ккулларду. Гавацїана цїан лавгуна яру, бакїравух рирщуна ятїулсса лагабургьїл чаннаха лархъхьусса ттангъа, яла гьарзат цїаннавун дюркьуна.

Ажулул, кїулшилийн зана хьуну, яру тїитїиннин, цайнма щиллив каш-куш тїутїисса хїисав хьуна.

Инсантураву хаснура нигъачисса члумал шурклалну дузал шайсса мюхчаншиврул гацлана бувсуна ганахъ цува чув уссарив.

Яру титлайхту, ххал хуна, нурчлардива оьтту цлупа тлун биклайсса ххячара-челму куна, цланну ялун кьус ивкисса адамина жипавух цлухла бихьлай. Ганал клура-клура бавну ччаппа хьусса майрайх яларай клунтлай тлий дия дарцлан дурсса ччюрччасса гьа куннасса гьухъ. Марци дакъасса чаннасса янналул чалмалула ярунналул бияннин, щалла лажиннаравух, къацлгу бахьлаган бувну, ххявххун бия щакну лухисса члири.

Гьухъавунгу бювкъун, меж бивкисса душманнал яруннавун я тлайла бацлайхту, клайннуву пар увкуна синхралшиву ва цахханну. Канивусса совет саллатнал бакрал чагъардугу экьиливчуну, ганал хъап увкуна тинмай бивхьусса автоматрайн. Ганащала архлал Ажулулгу хъап увкуссия лялун, мудан чила дархлуну диклайсса кланайн, амма чила гикку къаляркъуна.

Гания гихунмаймур хуна члап-хаплий анаварну. Ажулул «хисилу» тисса ччан бахчин баву дурну, душман, ччаннала аьрщи лирчусса куна, кличиравах тивунай ивщуну лавгуна, автоматгу ссукла кьур бувна.

Так га накьлу айхту, цлу ларгуна, ссурсулул ккуртта муркла хуноу, клушлилия гьан уллай, бакравун дуллалисса кьюву. Гаймий циняв ккулларду бия хлурнилувун кьувтлуну бавцлуну. Бакрайн ккулларду щуну, оьттул бярдаву сукку къахъанахъисса Клочков ва Имогожев ххал шайхту, Ажулул лахъсса члукригу бувну, бири-биривсса къатравух гранатарду ришлан ивклуна. Гранатарду кьуртал шайхту, ца лагъсса аьрщарал къатлува клива оьрчлгу канихъсса клюлацласса хъамитайпа хъиривну увккуна кутласса, марххала кунма, кляласса чирттаравусса кьужа. Ажулун цал ххуй бивзссия ганал я нигъ, я зид бакъа паракъатну бивтсса яру, амма га, бакрая лирксса чалмагу кьюклицилун хъхъачин дурну, никирттайн агъайхту, гьарзад клура даруна вив. Ганал лажиннаравун пув чинсса гьузгума бивуна Ажувлун. Хъамитайпалул канихъсса ца оьрчи, аьтлунгу ивклун, гавацлана къаагьуна.

Га къаагьуна цува, ниттил ссихлрагу къадуркна, дурарагу къадурургна, га чливисса канихъсса вилттили оьрчи къаагьуна цува.

Му клану ххуй бивзуна Ажулун. Яру гьаз бувну, урувгуна хъамитайпалух, амма ганил лажин циваннив дакний къалирчлуна. Так яру, гай чуннив архну ялугълай бунугу, гайннун цичлав къачлалачисса хханссия.

Гай бия цавунма цивппа ялугълагьисса кунмасса яру. Ттинияр тихунмай ва дунияллий щищаклуй я кьума лаган бан, я ххари бан къахъунтисса кунмасса яру. Хъамитайпа бия, хар-хавар бакъасса бала ялун бивну, га ккувхлусса инсан. Дакний лирчлуна клюлацласса ганил къаралти ва яру. Лажин къалирчлуна дакний. Махъунай кьужлух урувгсса, га ия гава куццуй никирттайн агьнува...

Ажулул дакнийн бутлатаву дяличлан дуруна, багьтлатлал хуноу, бигъалаглагисса чимучлалттул цлунилгу пюрунналийх ришлан бивкисса хъаттирдал члунил. Ганаву цакуну чантл увкуна илкинсса дунияллун чаннахсса мякъ. Га, хлаллих ивзун, увккуна щалла шярваллил ялун гьаз хьусса ларзулун. Шярваллил лагма гьаз хьусса чарттал щатлив куннасса хъархъаллал дянивсса кюнтлуллуву гьава клири лагаврил

гъзун бия. Га дия гъзузисса шахълу. Гъаттаразаннил лув, щюллисса сунув, битикъукълут кунма, кюрххил цулуй бивкисса чиникчитал, бу-буний пахъ багъну, оърчисса клунтлуну чалай бия.

Цуриу ия лагъну паща тий. Лагмава я щюлишиврул бувгъусса ахъ-аву, я шанул ккик тисса куннасса шяраву, я хъхъинякисса чаеннаравун бювкъсса зунттаву сукку тисса цичлав дакъая. Лерчуну нанисса члун-гума, багълатлал хъуну, дарцусса хханссия.

Паща тисса члу бия лахъ хъанай, вагъ-вагъ тисса кунма баллай.

Чалкъавхъуну Ажулун га баллан бивклуна, клири лавгсса зунттал ххяллава кунма.

«Цуриу ивклай ухъунссар цлана, архну, гийх, клирисса чуллай... аь-заврай ивклай ухъунссар инсан... Наварив ура шикку... ххуйну бур ттун-ма ва паракъатшиврий... Дакъар паракъатшивруяр неъматсса цичлав!»

Ажу клура авуна дюхлулсса хъун къатлуну. Ганан тлаанну хисав хъуна бурхлайх яларай дяркъусса гъухъ ккуру ларгсса куц. Члунитл бакъасса паракъатшиву – му щиллив, цавура ккурхлуну, лещан дурсса леххавур. Хъхъичл бавцлуна цлунилгу гава хъамитайпагу, къужагу. Мура леххаву ккурхлай бухъунссия га хъамитайпагу, ягу ганил му ккурхлухъунс-сия хъхъичра, гай цилла каруннихъсса оърчлру ятинну ливчисса члумал. «Лажинни, нава дяъвилул вакссава ххартта увссарав?» Ажу анаварну увххуна цлурихъулуну, члмучлал лявкъуна, хъаттирдугу ппив хъуну, багъну бивклуна. Цаппара хлаллава «Ажув!» тий оьвтисса ниттил члу бавуна. Нину дия лакъаритлатисса ххаллаххаврищал дуруглай, ганал иттав цирив къаляхълахъисса кунна. Хъинну цинна клулсса, цинна ххи-расса армиялийн гъаннинсса арснал лишан къаляхълахъисса кунна. Цал, арснал иттав дуругсса члумал, га нигъагума дурснуккива «Щилклуй хъуну ур?!» тисса пикри дакниву липл учаврия. Учин ччимургу бивтун, ниттил ганахъ мудан цамуния цлуххайва.

– Ажув, ттул арс, клай вилла урдинну цидав, дяъвилия дуркисса буттауссилминнучла дуссияхха?! – тий дия га, арснал ссурсулия дайдирухъуну, уттану хъазамравун нанисса щавулул аьщухгу ялугълай.

– Циклуй къадав!.. Гай цачлу дихълан личли-личисса орденнур, – увкуна Ажулул, члирайн бархлгу хъхъавчуну, бизарну магъух ялугълай.

– Циклуй къадурхъурча, ларчлуннагу заназу, ниттил!..

– Аглай, ттун орденну дуллусса, шяраву укунмагу клулссар цинявн-нан, – куну, аьливчлуна Ажу, цува ниттин къаччан бикланну гъалгъа тий ушиву бувчлуну. Ванан пикри хъуна цанма къакъамулмургума, нину рязину дикланшиврул, буллан.

Ажу лавгун, клирагу орден ларчлун, увкуна тавханттува.

– Маржанатхъл, инагу увцуну, хъамалу ухъхъу тий бияхха, атлал, гъаннун гъархъхъуну?

Ажулун клула Маржанатхълал щар булун хладурсса, лажиннарава сахлибул-хайр дусса бунугу, ттунгъану ябувсса душ бушиву.

– Вин хъинну ччай бухъурча, гъанну, – Ажу щалава щар дуцаврия ай-щилай акъая, амма ганан яла цалла дакнил къамул бан къахъунтлмур за бия хъатли. «Ваппабай, захлатшиву му хъатли тисса затрай лахъну рирщусса дачлу-зюннавлухун, ккаккиалун ивхъусса куна, щяиклан. Тяхъ-асса члукраву, щиллив хъахъавриву, ттархъ рирщукун, къаччай уна,

къавтлун, къаччай уна, гьалгъа тлун, барча уллалийни, кагу дуллуну, лавай излан, хъуннашиву аьзаврал. Буссарвав хъатлур хъуннасса цамур щялмахъ. Циваннивав ттининнин хъатлив баххана къабувсса».

«Балики, ттун ххирасса диклан паракъатшиву... щиллив цавура лещан дурсса леххаврил чу-читі бакъашиву,»-укунсса пикрирду бакраву липі кунугу, ванан цакуну ччан дирклуна тяхъашиву ва оьрчлікүришиву.

– Атай, на ца шярайх увккун учлан гъанна.

Ажу увккуна къатлув, га най ия лахъсса ва къумасса, чарттал бавкъусса кічкіравух. Бургъил цуксса кіри барчагу, кічкіраваллил чартту биклайва дюхлулна.

Ккурчлав щябивклун бия гилаха шагьрудая бувксса ва шийва шяравусса жагьилтал. Гай цал, хъхьчїсса кьинирдай кунма, байбивхъуссия Авгъанисттанная, душмантурая цлұхлайча, амма, Ажулул щалва гьира бакъа дуллалисса жавабарттал лещан бувну, цаймий гьалгъардайн багъуна.

Цаппара хлаллава ккурчлайх бавчуна щинал урша мукъавсса жагьилсса душ.

Шагьрулия увксса Казиннул цлұвххуна, та ци душри увкуну, амма кірину бяс буллалисса жагьилтурал жаваб дуллай бакъая. Ажулунгу ччай бия та душния ци-бунугу бавну, амма щилчлав цичлав буслай бакъая.

Га ия умудрай Казиннул ттигу цлұххинссар тий, амма таналгу ххисшала къацлұвххуна.

Ажу уссия та душнил хъирив уруглан ччайча, амма Казин уруглагисса хлїсав хъуну, чулұхунай ивклуна. Ганан так щуркїл хъуна га мурцїнихун бахълавгсса. Ганал хъунмасса хлал ялагу бувна, цинявппа жагьилтал щинавун бучлан лавгнийгу, цувалу щяивклун, та душ ттигу щинав къабачививав тий, амма та къабувккуна.

Шавайн клүра аяйхту, ганан цацлава лявкъуна шамилчинмур класс кьуртал бувсса члұххуоьрчї.

– Ажуй, ина дяъвилїй цимий немец ивчлав? – цлұвххуна ганал, лұхї мамарттул яругу цлұ-цлұйтїи бувну орденнах.

– Цаягу къаивчлав, – пишгу куну, Ажулул ганал бакрайх ка дурккуна.

– Туну ина американтал литллай уссияв?

– Американталгу акъассияв на литллай, – члұххуоьрчї, пашманну орденнах яругу липї-липїтїи бувну, пикрирдавун лавгуна.

– Туну мий орденну вин ссахлур дуллусса? – цлұвххуна ганал.

– Вай, ххирама, инсантал литллай къаивклун тий, – гавацлана увкуна Ажулул, клүсса ссїхїгу бивгъуну. Члұххуоьрчї, щала левщун, бак хъхьчїлун дуртун ивклун, ссїхїгу къадурккун, увккун лавгуна къатлува.

Ажу хъунмасса хлаллай ливчлуна хъун къатлул хангїлїл чулийсса чїрай, дяъвилїйн най уна, буттауссил кьариртсса ххяппул оьнтлұлувун урувгун.

Ганан дакїнийн багъуна чансса хлаллава цува ниттищал Маржанат хъачлан ачин аьркиншиву.

Ажулун дакїнийн багъуна Маржанатлул душ цуппа циняв арамтуран ххуй бизан аьркинсса кунма гьалгъа тлун биклайшиву. Бацлан бувсса ххуй душ! Ххуй душваращал мудан захїматну биклайссар. Гай арамтуращал гьалгъа тлун биклай цалва бувцлүсса ва ккурккисса хъ-

азамравухчин, ягу циняв пикрирду ккаккан ххуйсса цалла симаннал лагма гъанагъи бувну. Ганил бюхъайссар: «Ажул лухли лагаву!» — учин. Гъай-гъай, цилла ниттихъ чинтиссар: «Га таклуй къялавагу шайссарив?!» — куну. Маржанатлулгу чинтиссар: «Бунялагу, ганал лухли лагаву... аххана хъуну ур!» — куну. «Юх, къагъанна нава гайнначлан,»-куна Ажулул цахъва цала. Га гъан хъуна дуклу заманнайра чѝираву цаьк дурсса дагъанттучлан. Авгъаннал баргъ ттигу кѝиринма цѝай-цѝай тѝисса хханссия цилла миакну ччурччусса лажиннарава. Кутласса къанчагу бур ранг лирххун, ттуру хъуну. «Га щинал урша бувцѝуну лавгсса душ цу биявав?!»

Ажулун дакѝнийн багъуна га хъинну жагъилсса бивкѝиву ва мунияту ганищалгу цал чѝявусса гъалгъарду буллан аьркин хъунтѝишиву – куннан кув бувчѝланнин. Ганан карчѝ дия чѝявусса гъалгъа тѝун, карчѝ дия, ганищал кѝул хъанай, щинкѝлуй ххал къахъунну, хъунаакълан. «Амма га илтласса бурхѝай бущилуцал хъюлчу хъанахъисса урша! Цир ттунна ганиву ххуй дирзсса? Гъа, га авгъаннал хъамитайпа! Гагу бия кѝюлацласса, амма лажин!» Ажулул хъхъичѝ цѝансса читливу цѝунилгу бавцѝуна авгъаннал хъамитайпа.

Дакѝний къалирчѝсса лажиннаран кланай лухлѝсса карщувун кай-кай хъусса кѝирисса авгъаннал ссав.

Дяъвилул ссав! Лухлѝсса каршул вив дазу-зума дакъасса ссав ва кланийх гъузуй най дяъвилул цѝарал чанна лахъан дурсса ттуруллив! Ажул, дагъанттувунгу ялугълай ивкѝун, ка дурккуна цала лажиннаравух. Нузайн куклуну къутѝгу куну, къатлувун Заза бувххуна. Пиш-пишгу тѝий, Ажулулчлан бувкѝун, ка дуллауна, аврав куну.

– Туну буси, цукунсса бия авгъаннал хъами... циминнуя ликкав паранжартту? – цѝухлан бивкѝуна Заза, Ажулул цилунма бивхъусса кланттуйгу щѝабикѝлай.

Ва бия, щинал хъхъичѝ щаргу хъуну, ттигъанну ласная личѝи хъусса Ажулул цѝунархѝал душ.

Бикѝайссар хъами, тяхъану гъалгъа тѝий, хъяй бунугу, иминну ва хъинну ялгъузну чѝалачѝисса. Ганил хъхъинякѝсса тѝутѝив дусса илкинсса гъухъа бия базу-базурдаих мухѝулттул уттубишин бувну – мода духъунссар укунсса.

Ажу ия цащала дуклай бивкѝсса душних ссѝхѝ дакъа тѝааьнну ялугълай. Ганан дакѝнийн багъуна Заза буккайсса кѝичѝираву гай чѝуннай цува цимилгу га букканнин щѝяикѝайсса ивкѝиву.

– Туну, авгъаннал хъами хъинну дѝкѝайвав лухлѝсса? – цѝухлай бия га, тѝинттан нанисса цѝлва яру Ажулухгу ялугъи бувну.

– Личѝи-личѝисса дѝкѝайва, — куна, клѝсса ссѝхѝгу бивгъуну, цалла миакну ттурусса чѝларардал даркъусса каруннихгу ялугълай.

Зазал, ганал клѝсса ссѝхѝ цѝиван бивгъуссарив бувчѝусса кунма:

– Ттун ца ххуй бизайча бургъил ччувччусса халкъ... хаснува арампал ххуйну чѝалан бикѝай, – куна.

Ажулун хѝисав хъуна Зазащал хъинну бигъану бушиву цанма. Ганищал къаивкѝун щѝяикѝангума тѝааьнну бушиву.

Къатлувун нину дурххуна. Ажулун бувчѝуна га Маржанатхъачлан ачин хѝадур хъу учин дурхшиву. Нину оьккину дурругуна Зазах. Щѝяраваллаву

ласурваврая личи хьусса хъами жагьилтуращал гъалгъа тий ххал шаву, мудан тлайла бакъа бувчлан биклай.

– Атай, на Маржанатхъачлан къаучанна!.. Учлан ччай уссияв, амма тти ччай бакъар.

Нину цунилгу рязи дакъа дуругуна Зазах.

– Цана хъанай бакъахъурча, чансса яла гъаннув, дадал?! – куна ганил, миннат буллалисса кунма, арснахъ.

– Вин чара бакъа лавгун ччай бухъурча, гъанну, – куна арснал, Заза буну тийяв къаклула, ниттил луватугу ивзун.

– Зу чунклуй най бухъурча, нагу бизаннача, — тий, сукку хъанан бивклуна Ажулул чунархлал душгу.

– Цана къанарду чунклуй... яла, – тий, паракъат бувна саллатнал Заза. Ванан муксса куклуну ва бигъану бияхха ганищал, цалва авгъаннаясса пикрирдугума хъама битлан ивклуна. Ажун мудан биклайссия Заза каккан ххуйну чалай, цана ванан чалай бия га буниялвагу каккан ххуйсса бушиву. «Ганищал чявусса гъалгъа тунвагума къааркинни...» – тий ия ва цахъва цува. Ажун дакийн багъуна, тяхъасса бунагу, Зазал ялгъушиву мудан цанна хисав хъанай диркшиву. Цанакулгу га, хъяй бунугу, нигъабвсун, зурзу тий щябивкун бусса хханссия.

– Ажу, вин ххуй дизайрив Хурусан тисса шагърулул ца? – цувххуна ганил.

– Къаклулли... цан цухлай бурар?

– Укунма... ттунна ххуй дизайча, Хурусан, къиблалул тлутти, гай чуллайри бусса цуппагу... Лажинни, къавхъурив вища ганичлан иян?

«Хурусан... Хурусан-къиблалул тлутти!» – тий ия цахъва цува Ажу.

Хъхъичива ванан таклуй щаквагу къабагъайссия шагърудугу биклайшиву, тлуттив кунмасса.

Ажу, пачкъатлуву дукра дуллалисса ниттичлан увххун:

– Атай, къаччан мабиклара, амма на къаучанна Маржанатхъачлан, – куна.

Къаччан мабиклара учирчагу, ниттин хъинну дакийн щуна. Ганин муксса хъинну къаччан бивклунахха, аьтлун диклавайгума лирчлуна.



# Драматургия

Сс. УВАЙСОВ



ВАНА ВИНМА ГЪАЙЧАЛИ

(Ца актрайсса къямадия)

**Гьуртту хъанахъимий:**

**Анавар** – анавар уккайсса чув.

**ХІалим** – хІалимсса чув.

**Анавар** (*оьвтІий ур*). ХІалим! (*ХІалим, къабавмунил дурну, занай ур*). ХІали-и-им! Да, ацІу вихъ бусансса бурча! (*ХІалим махъунай уруглай акъар*.) Да, ХІалим! Ярч, ацІу! Ина къюкІ хъуну урав, ацІу! (*ХІалим ялагу къаацІай*). Да, дунгъуз, ацІу! (*ХІалим ацІай. Анавар махІаттал шай*). Вагъ! ХІалим тІий, къаавцІунни. Дунгъуз чайхту, авцІунни. Ярч, ина дунгъузрав?

**ХІалим**. Да. Вихъ цІуххирча.

**Анавар**. Вагъ. Да ина ци тІиссара?

**ХІалим**. Укун тІиссара. Дунгъуз кукун, ацІан багъунни.

**Анавар** (*махІаттал хъуну*). ХІалим, ина духІиннарава уклайвагу акъарав?

**ХІалим**. ДухІиннарава уккан на вийн «дунгъуз» тІий акъарахха.

**Анавар**. АцІула да! Туну ина духІиннарава увккума нара тІий урав?

**ХІалим**. Акъара. Амма ина духІиннарал увччума урагу щилчІав къачинссар.

**Анавар**. Ина, мяйжаннугу, дунгъуз ивкІун ура!

**ХІалим** (*паракъатну*). Вин мукун ччай бунавхъур, ттул маниъ дакъар.

**Анавар** (*залланувуминнахъ*). Да, жямат, ва адамина цайна цува дунгъуз циван тІутІиссар?

**ХІалим** (*залланувуминнахъ*). Да, жямат, ва адамина ттуйн дунгъуз тІутІисса циванни? Нания дунгъузрал дайсса царагу тІул къадав?!

**Анавар**. Ттун ина чансса гъалак уккан ан ччан бивкІуна.

**ХІалим.** Ттунгу ина паракъат ан ччан бивкІуна.

**Анавар.** Вагь! Дус ХІалим, на багъишла ити, чансса тахсир хьуннача!

**ХІалим.** Инагу на багъишла ити, Анавар, ттуй хьисвагу тахсир бакъассарча!

**Анавар.** Ярч, вийн цива-ци бала ливккуну бия, ттул чІу къабаян?

**ХІалим.** ТІайламур бусан, Анавар, ттун ттунмагу къабувчІунни вин цива ци бала хьуну бивкІссарив, муксса виватува инава уккан.

**Анавар.** Ярч, кІюрххила шарссанил муксса гъуя-гъарай гъаз буннихха, увккуну лавгра къатлува, сситул виувцІуну, дакІ дачІинманах луглай. Ина ккавккукун, ххари хьуну, обьтІун ивкІра, ина тІурча...

**ХІалим.** Нагу, Анавар, бакІ цІий буну, дюхруйн увккуссия. БакІ цІуцІаврин сававгу шарнил нину хьунни. ЯтІул-кІиригу ивчуну, занай уссияв, цучІав хьунакъаавкъуния тІий.

**Анавар** (*тяхъа увккун*). Вагь! Жула кІинналагу ца азар диркІун дурхха, ХІалим!

**ХІалим.** Юх, Анавар, вил дард шарссанил дуртусса дард дур, ттулмур дард шарнил ниттил дуртусса дур – му дур цилла багъайкунсса дард!

**Анавар.** ХІалим, вил шарсса обьсса дурив?

**ХІалим.** Шарсса паракъатсса дур, ганил нину мйяжаннугусса аждагъа дур. Вил шарнил нину цукунсса дур?

**Анавар.** Шарнил нину ттул дур хІалимсса шарсса, ваба-ба-ай, дурча ца аждагъа!

(*Пауза дагъай. Гай, дакІнивусса дардругу сиккурайну чІалачІи дуллай, сценалийх тиху-шихунмай занан бикІай.*)

**ХІалим.** Агь! Дайдихъулий бикІайссиявча жу цаннах ца эшкьиччаву хьуну занай, яла шарнил нину дарчуна жул дянивсса ара обьлуккин дуллай.

**Анавар.** Жугу лап нахІу-нацІуну яхъанай буссияв шарнил ниттищал. Махъ жул дянивсса ара зия дуллай дарчуна шарсса. (*Пауза.*) ЧІаххучув, ХІалим, ачу жува кІинналагу хІарачат баннуча вай ишру ца чулийн бутан. Учайхха, кІия цачІун хьурча, къунгу ккуру битан бюхъайссар, куну.

**ХІалим.** Ина тІайлара, Анавар, амма жува кІинналагу кІива къун ккуру битан багълай бур – ттун ттулвасса, вин вилвасса. Цивпагу мий бигъасса къунтту бакъар, чІаххучув.

**Анавар** (*пикри буллайгу ивкІун*). Ина тІайлара, ХІалим, амма ачу пикри баннуча.

**ХІалим.** Ина пикри бува, чІаххучув, ттулмур бакІравун цичІав бухлай бакъарча.

**Анавар** (*пикри буллай занан икІай*). Гъа! Ца укунсса пикри цамургу хьунни ттун.

**ХІалим.** Буси, на вичІилий урача!

**Анавар.** ХІалим, ачу жува къуранналул луттирай лайкъсса сура лявкъуну, кІива гъайчали баннуча вил шарнил ниттин ва ттул шарссанин.

**ХІалим.** Гъайчалттул ци кумагри байсса?



**Анавар.** Байссар тий бавссар ттун.

**ХIалим.** Юх, чIаххучув, мий хавардур. Му бакъассагу, гъайчалттуву вил шарссанин дурсса чичру ттул шарнил ниттин савав къашайссар. Ва – цалчин. КIилчингу, ци гъайчали барчагу, ттул шарнил ниттил маз бацIан бан къашайссар, гъайчали мазрай бахIирча бакъа. ТгучIа, чIаххучув, мукунсса къудрат дакъар. Крокодилланул сиккурайх кахчин бигъахъунссар, шарнил ниттил ссурсулук гъайчали бутанниар. Шамилчингу, му къюлтI бан бюхъайсса чагъар бакъар – илланун авара хъунсса иш бур.

**Анавар** (*пикрилухун агъай*). Мяйжаннугу, ина тIайлара – авара хъун бюхъай. Туну жува цири байсса? (*Банмур къаляхълай, занан икIай*). Гъа, ца укунссагу пикри хъунни!

**ХIалим.** Му лайкъсса лякъиннав! Гъу, буси!

**Анавар.** ХIалим, ачу жува гай баххана баннуча!

**ХIалим** (*махIаттал хъуну*). Цукун?

**Анавар.** Укун! (карунних ккаккан бай).

**ХIалим** (*къабувчIуну*). Цукун, мукун?

**Анавар** (*тяхъа уккай*). Нану хъами даххана даннуча!

**ХIалим** (*ганал тIимур тIааьн къабивзун*). Да ина бакIрава бувккун урав – му ци хаварди?!

**Анавар.** Жува кIиягу талихIрал ца хъа дакъа ливчIусса арамтал буру. Ина вилла ххуйсса шарсса ттулмуних даххана дарча, на талихIрал шаллусса инсан икIанссияв?!

**ХIалим.** Ххуйсса шарссагу – вин, ххуйсса шарнил нинугу – вин! Ттун цири?

**Анавар.** На вин мунихлу ца шуша водкалулгу дишинна, рязирав?

**ХIалим.** На нара вин кIира водкалул шуша дишивияв, нажагъ ина вилла ххуйсса шарнил нину ттулмуних даххана дарча!

**Анавар.** Юх, чIаххучув, муниву ттун хайр хъанай бакъар.

**ХIалим.** Винма – талихI, ттун таммихI бан ччай урав ина?

**Анавар.** Ччан гъавгъуний, ца кутIар, цагу лахъир шайсса. Вил – бачIи талихI, ттул – бачIи талихI. Ина дакI хъинсса адамина ура – дула ттун вилла ххуйсса шарсса ххуйсса шарнил ниттих!

**ХIалим.** Ваппабай, аькълу бусса адамина ивкIун урача ина!

**Анавар.** ЧIав-чIав гъарзасса шарссанишал бувтусса оьрмулуд дарсеру хъунни муни савав.

**ХIалим.** Юх, Анавар, му ттун лайкъсса курбазар хъанай бакъар.

**Анавар.** Циван?

**ХIалим.** Циван бикIави, Анавар, мукунсса дахханашиннарай я ттул шарнил нину, я вил шарсса рязи къашайну тIий.

**Анавар.** Циван?

**ХIалим.** Циван бикIави, вил шарссанихъу, ттул шарнил ниттихъу жухъра куннасса ихтиярду дуну тIий, гайннуцагу «жу къарязиру» учин бюхълай буну тIий.

**Анавар.** Мяйжаннугу, ина тIайлара. Ачу гайннухъ жува баххана бара учиннуча!

**ХIалим.** Жува къачирчагу, гайннул бюхъайссар жува баххана бангу!

**Анавар.** Мяйжаннугу, га аждагьалул бюхъай на аххана ангу. Туну цири жува байсса, ч!аххучув?

**Х!алим.** Жунма, анавар къабувккуну, пикри бан аьркинсса кунма бизай.

**Анавар.** Ина т!айлара. Жунма анавар буккан къааьркинни. (*К!иягу, пикри буллай, сценалийх занан бик!ай*). На мах!аттал хъанай ура, Х!алим, ина аькьлу бусса адаминал га аждагъа хъусса ниттил душ буцаврий!

**Х!алим.** Ина т!айлара, Анавар, амма на навагу мах!аттал хъанай ура, га дак! хъинсса ниттил шатта кунмасса душ ина буцаврий. Ина ниттих эшкьи хъуну ухъунссия?

**Анавар.** Юх, Х!алим. Эшкьи на душних хъуну уссия. Буциннин ттун га х!урульэннуха лащайва. Цик!ула ттун гания аждагъа хъунсса?

**Х!алим.** Щар дуциннин, ттулгу ттулла щарнил нину х!урульэннуха лащайва, яла махъ бувч!уна га аждагъа душиву.

**Анавар.** Ттул пикрилий, Х!алим, аждагъа кунмасса ниттил х!урульэн кунмасса душ къабанссия. Ттул пикрилий, вил щарссагу оьсса духъунссар.

**Х!алим.** Ттул пикрилийгу, Анавар, х!урульэн кунмасса ниттил аждагъа кунмасса душ къабанссия.

**Анавар** (*аьжаив хъуну*). Ина мунийну ци чин ччай ура, Х!алим?

**Х!алим.** Вил ххуйсса шарнил ниттил душгу х!алимсса бухъунссар чин ччай ура. Ина инава ухъунссара, Анавар, аждагъа!

**Анавар** (*ссибивзун*). Да, адаминай, ина ттул хасиятралсса мабулларда! Ттун ттунма к!улссар ттулва кулпатрал к!унк!урдувун циксса ц!у бичин аьркинссарив.

**Х!алим.** Багъишла ити на, ч!аххучу, амма ттун х!исав хъуссаксса, ина вилва кулпатрал к!унк!урдувун ц!у гьарза буллай унуккара.

**Анавар** (*аьжаив шай*). Вин ча к!улли?

**Х!алим.** К!улну т!ийра т!ут!исса.

**Анавар** (*сситтуй сценалийх занан ик!ай*). Агъ, дуч!идакъуй! Аьрза буллай занай дирк!ун дур! Дац!у виц!ухсса на шаппа баннача! Шап!русрал лахгу ялун бивчусса дукъра х!анттил буц!иннахха на вин, дуч!идакъуй!

**Х!алим.** Ттун вил щарсса мак!рарагу къаккарккуннича, паракъат хъу, Анавар!

**Анавар.** Чари туну вин цимурца к!улсса?

**Х!алим.** Жувания ч!ира лях бакъасса ч!аххулла.

**Анавар.** Х!алим, на ттувату нава уккан маулларда!

**Х!алим.** Ина, Анавар, ттушал хъунаакъиннина ияв вивату инава увккун. Ттул мурад ина паракъат авур.

**Анавар.** Гъу, уттигу ци учин ччай ура?

**Х!алим.** Учин аьркинмур на учав. Ца ялагу ххи банна: инсаннал к!ира лажин къадик!айссар. Инсантураву цукунсса урив, му кулпатравугу мукунассар ик!айсса. Ина, Анавар, къаччан бик!ан бан

анавар уккайсса инсан ура. ХІакьину ттуйнгу ина цичІав бакъанма «дунгъуз» увкунни. Анавар увкуну, нагу вийн «ттукку бура ина» куссания, жулла гужсса къалмакъал хъунссия. Анавар мауккаванна, Анавар! Му шарссанин бан дакІнийсса гъайчалигу ина винма барчан хъинну хъунссия, амма гъайчалттуву дансса аят ина къуранналул луттирава маласарача, вилла дакІнива ласи. Чичругу ина укунсса дува: «Агъ, ттул ххирай! Аллагънал ттун нясив бувсса, ччаврил бутІай, гъула, на вин ци кумаг бави?» – тІисса махъру цачІун бувсса ччаврил тІутІал кацІру ганихъхъун булларча, вил тІювай паракъатшивугу, барачатшивугу дикІантІиссар. Му чІумал, Анавар, вин бувчІинтІиссар вилла шарсса аждагъа къадиркІшиву – хІурулъэн диркІшиву.

**Анавар.** Марутлав, ХІалим, ттул укуннагу ччурччусса дакІнивун параннарал къяртта! Му ххуйсса, амма шаллу бан захІматсса пикри бур.

**ХІалим.** Цири шаллу бан захІматсса?

**Анавар.** Ярч, на цукун учиви шарссанихъ: багъишла ити, куну?

**ХІалим.** Вилла шарссанихъ багъишла ита чаву – му къюкъаларив?!

**Анавар.** Бакъар, амма...

**ХІалим.** Ци «амма» тІий ура, буси?

**Анавар.** Багъишла ити тІий, на ганил хъхъичІун никирттайн агъарча, нажагъ ганил ттул бяний ччангу бивзуну, чІаххурайнгу оьвкуну, гайннахъ: «Вана къяпа бакІрай бивхъун заназисса ттул лас утти ттул ччанналун агъну!» – учирча, на цири байсса, чІаххучув?

**ХІалим.** Ттул пикрилий, вил шарссанил дакІний ххувшивунияр ххаришиву ликканссар. На тІимур барча, вин хъинни, Анавар.

**Анавар.** Да, ХІалим, му вил мазрал нацІушиву! Хъинни, ина тІимур бувну, на шарссанихъ багъишла ити чинна. Цуксса ци тІурчагу га чил инсан бакъархха – ттулла шарсса дур. ЦІана гъанна багъишла ити учин, вацІана. (*Лагай, амма гассят махъунай зана шай*). Багъишла ити, ХІалим, анавар увкун, лагавай ливчІуннача.

**ХІалим.** Уттигу цивхъуну бур?

**Анавар.** Вихъ багъишла ити учин хъамабитавай ливчІунни!

**ХІалим.** Анавар укку вилла шарссанихъ багъишла ити учин!

**Анавар.** Ина? Вингуния аьркинни вилла шарнил ниттихъ багъишла ити учин гъан?!

**ХІалим** (*пиш учай*). Пикри мабара, Анавар. Ттул шарнил нину ххуйсса хъамитайпар. Ина тІайлану кунни. Аждагъалуя хІурулъэн къабизайссар, куну.

**Анавар** (*махІаттал хъуну*). Вагъ! Ярч, ина вилла ххуйсса шарнил нину къадар дунни, къюкъин дунни ттулгу, тай агъуллаулул хъхъичІугу!

**ХІалим.** Ина тІайлара, Анавар. На вихъгу, вихъ тІутІимур бавминнахъгу, ттулла ххирасса шарнил ниттихъгу багъишла итира тІиссара. Инагу на багъишла ити, чІаххучув вилва кулпатравун ина зана ансса къасттирай дан багъуннича ттулла шарнил ниттийн хиянатшиву! Ттулла ххирасса шарнил ниттихъ нагу увкумур багъишла бити чинна.

**Анавар** (*махІаттал хъуну*). Ярч, ина... ттул зувальяв?!

**ХІалим.** Вил зувалья, чІаххучув, вил зувалья.

**Анавар** (*кѣинттуллуха ххюкку учай*). М-да-а! Ина тІайлара, ХІалим... Ттул щарссагу, мяйжаннугу, хІалимсса щарсса дур.

**ХІалим** (*пиш учай*). Ттун му най бунува бувчІуна. ХІурульѣн хьусса ниттил аждагьасса душ кѣабанссия.

**Анавар.** Ина тІайлара, ХІалим. Кулпатравусса кѣалмакѣаллан савав мяйжаннугу жува арамтал шару.

**ХІалим.** Мукун ххай ура на навагу.

**Анавар.** ХІакѣину щарссанищалсса кѣалмакѣал на ца пасат дурсса тарт накІлил шушлул зувалья. Цурдагу, на щях рирщуну, парча-тика дурссия.

**ХІалим.** Ттун му кІулли.

**Анавар.** Цукун?!

**ХІалим.** ЧІиравух бавуна. Вин кІуллхха жулва кѣатрал чІирттавух чІурду баяйшиву?

**Анавар.** Мяйжаннугу?

**ХІалим.** Мяйжаннугу. Хѣуннасса кѣалмакѣал ца чІирисса тартнакІлил шуша сававну!

**Анавар** (*пикри буллайгу ивкІун*). Да, ХІалим, жунма анавар буклан кѣааѣркинни.

**ХІалим.** Кѣааѣркинни, Анавар, кѣааѣркинни.

**Анавар.** Ва иш тІааѣн бакѣасса иш хѣунни. Аѣй ттуйра хѣунни. Багѣишла ити чин багѣанссар щарссанихѣ.

**ХІалим.** Му ххуйсса пикри бур, Анавар. Инагу насу, нагу гѣанна ттулла шарнил ниттихѣ багѣишла ити учин.

**Анавар.** Вай жулва ихтилатру чийн кѣабавну хѣинача, бавссания гайннал жуйра хѣяхѣаву данссия.

**ХІалим.** Вил щарссанищалсса кѣалмакѣал жулва дянивсса чІиравух ттун баяйсса, жулва ихтилат чийн кѣабавну личІайссарив? БаянтІиссар!

**Анавар.** Щин?

**ХІалим.** Вил щарссанин, ттул щарнил ниттин, чІахху-чІаравнан, гайннал дустуран, дустурал дустуран. Учин мукѣун, щалва жяматран.

**Анавар** (*кІирагу канил бакІгу бувгѣуну*). Гѣуя! Мяйжаннугу! Вана винма гѣайчали! Туну жува цири байсса?

**ХІалим.** Багѣишла битара жу учин багѣантІиссар.

**Анавар.** Щихѣ?!

**ХІалим.** Вил щарссанихѣ, ттул щарнил ниттихѣ, жулва ихтилат бавминнахѣ, гайннал дустурахѣ. Учин мукѣун, щалва жяматрахѣ. Ачу, Анавар, багѣишла бити учин гѣаннуча.

*Сценалул зуманивнгу гѣан хѣуну, заллануву щѣбивкІуминнайн икрамгу бувну, «Лажиннича жу багѣишла битира!» учай.*

**Пардав**

## ТАНМИХІ

(Ца актрайсса пьеса)

**Гьуртту хъанахъимий:**

**Сулайман**

**АьбдурахІман** – дустал.

**Юсуп**

**Сулайман.** Вин баврив, АьбдурахІман, Юсуплул арснан шар дурцусса?

**АьбдурахІман.** Бавнни.

**Сулайман.** Вийн хъатІуйн обькуруив?

**АьбдурахІман.** Къаобькунни. Вийнгу къаобькуруив?

**Сулайман.** Къаобькунни.

**АьбдурахІман.** Ганан цалва дустал хъамабивтуну бур.

**Сулайман.** Циваннив цІуххин аьркинни.

**АьбдурахІман.** Циваннив хъамабивтусса цІуххин аьркинни.

**Сулайман.** Чара бакъа аьркинни!

**АьбдурахІман.** Ачу цІуххин гъаннуча!

**Сулайман.** Цана ссят цими хъуну дур?

**АьбдурахІман.** Хъхъунил кІира ссят хъуну дур.

**Сулайман.** Чалли.

**АьбдурахІман.** ТанмихІ бан тачІав къачІалссар.

**Сулайман.** Ина тІайлара. Ачу гъаннуча!

*(Гассят Сулайман ва АьбдурахІман Юсуплул къатрачІан бучІай, ганайн овьтІун бикІай).*

**АьбдурахІман.** Юсу-уп!

**Юсуп.** Зу чару?! *(Шанувкъюсса Юсуплул чІу шай къатлува).*

**Сулайман.** Цал вилла сичча ккаккан да жун!

*(Юсуп, чІавахъулттичІан гъан хъуну, уруглан икІай).*

**Юсуп.** Гъа-а. Зу бурув? Ци бала ливккуну бур, ва чІумал шанашисса инсан чантІ учин уллан?

**АьбдурахІман.** Ца агъамсса суал булун бувкІру жу вичІан.

**Юсуп.** Гъунттий булун битан къабучІиссияв му суал?

**Сулайман.** КъабучІинутІийру жу вичІан бувкІсса.

**Юсуп.** Цива-ци суалли му? Булара, на вичІилий урача!

**АьбдурахІман.** Жун бавунни ина арснан хъатІи бувссар тІий! Му мяйжанссарив?

**Юсуп.** Мяйжанссар.

**Сулайман.** Вана винма хавар! *(Сулайман ва АьбдурахІман, махІаттал хъуну, цаннах ца бургай).* Жу тІурча бивкІссару мунийн вих къахъанай. Ина жул цукунсса дусра, жуйнгу къаобькуну, арснан хъатІи байсса?

**Юсуп.** Ттуй айри. Хъамабивтуну лявкъунни.

**АьбдурахІман.** Аьй хъуманан таммихІ буванну жу шиккун бувкІсса. Бакъарив, Сулайман?

**Сулайман.** КІилийнусса таммихІ бан – шяравучу хІисаврайгу, дус хІисаврайгу!

**Юсуп.** Валлагъ-биллагъ, хъамабивтуну лявкъунни!

**АьбдурахІман.** Муниятуру жу вин дакІнин бутан бувкІусса.

**Юсуп.** БучІайний, дяхтта бучІан бучІияхха?

**АьбдурахІман.** Хъхъувай бувкІсса жу чІаххуран ккаккуну, вин нач къахъуншивруллу.

**Юсуп.** Яртал, зун ттуюту аьркинмурдагу цир?

**АьбдурахІман.** Вихъ жунма багъайсса хъатІул бутІа була учин бувкІру.

**Сулайман.** Цуппагума дустуран багъайсса бутІа!

**Юсуп.** Яртал...

*(Цирив учин ччисса Юсупгу аьличІан увну, хорданий гайннал куна.)*

**АьбдурахІман, Сулайман.** Жу вичІан вил хавардах вичІи дишин къабувкІруча, жун багъайсса хъатІул бутІа булачин бувкІру!

**Юсуп.** ТтучІа шарда водка дакъар, хъатІи шюшлан!

**АьбдурахІман.** КъахІавчІуну ливчІусса водкалул ящикІру чу бивхъуну ура?

**Юсуп.** Гаражраву.

**АьбдурахІман, Сулайман** *(хъяхъаву дай).* Чу диширчагу жун личІишиву дакъар. Насуча, гаражрава ласи!

**Юсуп.** Ттул гараж архну бур. Ва цІаннай цукун гъава? КІюрх дучІаннин, ссавур дара!

**Сулайман.** Ссавур дуллан къабувкІру жу шиккун.

**Юсуп.** Туну циван бувкІру?

**АьбдурахІман.** Вин таммихІ бан бувкІру!

**Юсуп.** Туну на цери байсса – шарда царагу шуша водкалул дакъар.

**Сулайман.** Шушри дакъахъурча, арцу дула, жува гъанну шушри ласунча.

**Юсуп.** Арцу? Зу бакІрава бувккун бурув? Ва хъхъудяризал зу чу лякъинну водка?

**АьбдурахІман.** Му жул жулва иш бурча, инава паракъатну шанан итан ччарча, арцу дула!

*(Банмур цирив бакъа ливчІсса Юсуп, чІавахъулттичІату арцул хъирив лавгуну, гассят зана шай.)*

**Юсуп** *(кІиттуриша къуруш ккаккан дуллай).* Вай гъарив?

**Сулайман.** АьбдурахІманнун бюхъай мий гъахъунгу, ттун чанни. Улу, мяшуй, ца шушлухсса уттигу лякъи!

*(Юсуп, ялагу чІавахъулттичІату лавгун, ца шушлухсса арцушал зана шай).*

**Юсуп.** Марача ца шушлухсса уттигу, бакъахъи, террористал!

**АьбдурахІман.** Юсуп, ина укунагу зия хъусса вила тагъар

хъиннура зия къадуллай, вилва дустуращал дусшиврий гъалгъа тІутІу!  
Хъинни, жу ва цалсса гъанну. Ина бизар машара! Бюхъай, жу цІунилгу  
зана хъун. Мунияту жу вихъ хъхурду хъинну тІий бакъару.

*(АьвдурахІман ва Сулайман лагай. Юсуп цалва къатлувунай зана  
шай. Цаппара хІаллава ялагу Сулайман ва АьбдурахІман зана хъуну,  
Юсуплуйн оьвтІун бикІай).*

**АьбдурахІман, Сулайман** (*архІал*). Юсуп! Да, Юсуп!

**Юсуп** (*рязи акъа чІавахъулттичІан гъан хъуну*). Да, арамтал, зун  
ттигу ттуяту ци аьркинни?

**Сулайман**. Юсуп! Винния кІулли водкалухун закускагу аьркинну  
дикІайшиву. Вилва холодильникраву закускалун дукасса ци-дунугу  
ххалда!

**Юсуп**. Холодильникраву цичІар дакъар! Укунна хІачІира!

**АьбдурахІман**. Да, адаминай! Вин жу къатІ бан ччай бурир?! Ца-  
ца шуша водкалул, закуска дакъа, цукун хІачІайссар?! Жул ня зия  
мадуллардача, закускагу дуллуну, вила шанан насу!

**Юсуп**. Дустал. Буслий зун цукунни къабувчІайсса ттучІа закуска  
дакъар?!

**Сулайман**. Жу вийн вихру, амма жул тагъаргу вин дурчІирча хъина.  
КІира шуша жуца закуска дакъа хІачІан къабюхъанссар! Нажагъ жун  
къахъунмур хъурча, инава сававрай ливтІусса вила дустурал чІарав ци  
тІий ацІанна? Хъинни. ВичІа хІанттихун дукаммур дакъахъурча, жура  
чу-дунугу лякъиннуча, гайннух дулунсса арцу дула!

**Юсуп**. Гъуя, Аллагъ! Да арамтал, зу на паракъатну итаннуб,  
къаитаннуб?!

**АьвдурахІман**. Итаннуча, закускалух дулунсса арцу, кІюрх  
дучІавай дурча, анаварну дула!

**Юсуп**. ДучІарча туну цивхъуссар?

**АьбдурахІман**. Дустуран ина дурсса къадарсса тІул чантІ увкусса  
чІаххуран кІулхъунтІиссар!

**Юсуп**. Да зу цилва багъайсса зулмукартал бивкІун буру!

**Сулайман**. Тахсирлу ина инавара. Ина жуйн «ттул дустал» тІисса  
чІунгу дуссия, утти жуйн «зулмукартал» тІий ура. Ина цал виха уругу  
жул яруннивух! Хъинни. Муния ихтилат махъ баннуча, анавар укку  
я закуска, я арцу дулун, кІюрх дучІавай дурча!

**Юсуп**. Хъинни. Ва цалссагу на зул тІимур банна, амма яла...

**Сулайман**. Яламур яла баннуча, анавар укку! (*Юсуп лагай арцул  
хъирир. Арцугу ларсуну, зана шай*).

**Юсуп**. Вай ттуршра къуруш гъарив?

**АьбдурахІман**. Бюхъай гъахъунгу, бюхъай къахъунгу – вин  
кІуллихха жу цукун дукайссарив. Бурганну. Цалсса! (*АьбдурахІман  
ва Сулайман сценалия лагай. Цаппара хІаллава, ялагу зана хъуну,  
Юсуплуйн оьвтІун бикІай*).

**АьбдурахІман**. Юсу-уп! Юсу-уп! КъюкІ хъуну урав? (Хъяхъисса  
Сулайманнул чулухун къуч учай).

**Юсуп** (*лергъ тлисса члуний*). Да, арамтал, на паракъатну итанну, къаитаннуб? Ци тий буру уттигу?

**Сулайман**. Жу ина паракъатну итанну тий буссиявча, ца масала щаллу бан уттигу бучан багъунни.

**Юсуп**. Уттигу му цива ци масалар?

**Абдурахман**. Жуча закуска уттигу дур, амма водка къуртал хъунни. Ва иширайн ина цичара, Юсуп?

**Юсуп** (*сситтул ивчлавай*). Ци чиви? Зу на ийнин иян унни! Утти тун ливчсса та мюрайн лавхъусса ттупанграйн хъап чинни. Кла ялвсса Аллагънайн хъарашав, та цийл бувцлусса кливабиту на зуйн бачива банна!

**Сулайман**. Молодец! Адаминача ярагъ бикан аьркинссар! Амма ина мунийн хъап чин анавар мауккара. Вилва дустал ина укунмагу къатл бунни!

**Юсуп** (*лергълий*). Да, дустал! На шанан итияра!

**Абдурахман**. Ярч, журив ина шанан къаитлатисса? Чансса нач ши! Ина ххиен бунни жул шану! Нажагъ ина жуйн овькуну бивкссания арснал хъатлуйн, ва хъхъудяризал къабучантиссия вичан вилгу, жулагу шану ххиен бан. Жу вил дустал бувкру вичан ина барча ан, жушчал дачин къабювхъусса вил дусшиврул чларав бацан. Ина жуйн хъатлуйн овькуссания, жу бучантиссия хлаксса пишкашругу ларсуну, жагъилсса кулпат барча бан, лахъантиссия махъру. Жул пишкашругу къадуллунна лирчлуссар, жул махъругу гайннан къабавссар. Жул даклурдивугу жулла дусшиврун хасъсса къисмат личанссия, гъархъхъуну инагу, жугу паракъатну шанай биканссияв. Вин мукун ччай бивклунавхъур – биклуча! Амма чанссарагу куклу дан вилла къадарсса тул, клюрх дучлавай дурча, улу, ца шушлуксса арцу уттигу ларсуну ухъхъу!

**Юсуп**. На клюрхния нигъа услай акъара!

**Сулайман**. Чаххурая?

**Юсуп**. Марача зун уттигу вай клиттуршра къуруш, на паракъатну итира!

**Абдурахман**. Паракъатшивруясса пикри цуппа бити, Юсуп! Хлакьину вин паракъатшиву дакъассар. Улуча, яннагу ларххуну, жучан укку, бусансса бурча!

**Юсуп**. Мугу утти ци хаварди?

**Сулайман**. Циваннив бувчинтиссарча, анаварну укку къатлуйвай!

**Юсуп**. Цана. (*Юсуп, яннагу ларххуну, дустурачлан уккай*). Ванача на, бусира ци бусан ччай буссарув!

**Абдурахман**. Утти ина жушчал ачинтиссара.

**Юсуп** (*махлатталну*). Чун?

**Абдурахман** (*Сулайманнухъ цлуххай*). Чун хъинни, Сулайман?

**Сулайман**. Цана чани хъанай дур. Тиккун бияннин, баргъгу букканссар. Бачи неххамачлув урттуй щябикан гъаннуча! Цичара, Юсуп?



**Юсуп.** Юх, юх! На шавай.

**АбдурахІман.** Анавар мауккара, Юсуп! Дайдирхъусса даву жура бакІрайн дуккан дан аьркинссар! Жулва вай сумкардаву хІачІангу, дукаангу диялсса дуссар. Къадиял хъурча, ина дуллусса арцухгу ласунну дукаанмур ва хІачІанмур. Дюхруй, неххал зуманивгу шябивкІун, къуртти гъаз банну вил арснал ва арснал шарнил оьрмулул ххуллу талихІ бусса хъуннав тІий.

**Юсуп.** Ци учиви? Зу ттул мйяжаннугусса дустал буру! Барчаллагъ зун! Нагу, лажиннича, багъишла итияра!

*Пардав.*

---

## ЩАК-ЩУК БАГЪЛАГЪИССА ЩАРССА

*(Ца пардавлийсса къямадия)*

**Гъуртту хъанакъимий:**

**Къявш-Къурбан** – фабрикалийсса зузала.

**Садикъ** – фабрикалийсса зузала.

**Тамари** – Садикълул шарсса, фабрикалийсса зузала.

*Ва иш хъанай бур Перестройкалул чІумал фабрикалий.*

*Авансценалийх най бур Къявш-Къурбан ва Садикъ. Сценалул куртІний, залланувуминнайн ттиликІну дарцІусса шарссанийн я щуну, Къявш-Къурбаннул Садикъ ацІан ай. Ганан шарссагу ккаккан дурну, цІуххай.*

**Къявш-Къурбан.** Садикъ, та шарсса вин кІулсса шарссарагу дакъарив?

**Садикъ.** Ттун? Чачуннайри та ттун кІулсса? (*Уруглан икІай.*) Та ттун уттинин ккарккусса шарсса дакъар.

**Къявш-Къурбан.** Ттуннив та лялату лараймур кІулсса шарссаниха лашлай дур, лялату ялараймур тІурча уттинин ккарккусса рухІ дакъар.

**Садикъ.** Ина дюълива увккун уравкъай, да?

**Къявш-Къурбан.** Акъара.

**Садикъ.** Туну му ци хаварди? Инсан икІай я кІулсса, я къакІулсса. АчІи кІулсса, ачІи къакІулсса къаикІайхха.

**Къявш-Къурбан.** Ина тІайлара – му бувчІингу, бувчІин бангу захІматсса зат бур, амма та шарсса ттун, мйяжаннугу, лялату лараймур кІулсса куннасса дур, лялату ялараймур уттинин ккарккусса дакъар.

**Садикъ.** Да адаминай, ина мйяжаннугу аххана хъанай урав? ХІакиннайн оьвчин багълайсса кунма бизай ттун, вил нярал тагъар ххал дан.

**Къявш-Къурбан.** На вихъ хъярч буллай акъара: та шарсса, хаснура, лялату лараймур хъинну лархъхъусса дур жулва фабрикалий зузисса ца шарссаниха.

**Садикъ.** Лялату лараймур ттун къакІулли, амма таксса уттулу бусса шарсса ттун жулва фабрикалий утинин ккарккуну акъара.

**Къявш-Къурбан.** Ттун учин ччимургу муя.

**Садикъ.** Цуну дуркІсса зузала духъунссар.

**Къявш-Къурбан.** Юх, ттун кІулссаксса, я лахъхъу, я хІакъину фабрикалувун тукунсса шарсса къадурххунни, я къадухханссар.

**Садикъ.** Къадуххайсса циванни?

**Къявш-Къурбан.** Циван бикІави, тукун утта-ганзсса шарссанища жулва фабрикалул нузавух духхан къашайну тІий.

**Садикъ.** Ярч, туну та шивун ссавнияту дагъссарив?

**Къявш-Къурбан.** Ссавния-къассавния къакІулли, амма, ттул пикрилий, та фабрикалуву дугу-дурну, шивура хъуннагу хъусса аьламат духъунссар.

**Садикъ.** Юх, уссу, на цІана хІакиннайн овьчин лечинна – ина лапва аьжаивсса затру тІун ивкІунна. Ярч, тукунсса ахъулсса жулва вай станокиртгах ххяххайссарив?

**Къявш-Къурбан.** Станокиртгах къакІулли, столовойлуву – бюхъай.

**Садикъ.** Столовойлувугу къаккаркссар ттун царагу ганичІан дирсса ахъулсса.

**Къявш-Къурбан.** Чу ххярхсса ахъулссарив ттун та къакІулли, амма лялату лараймур хъинну кІулсса шарссаниха лашлай дур.

**Садикъ.** Мукун бухъурча, чІаравнай гъан хъуну, танил сиккуравун ургу – балики, вин та лялату ялараймургу кІулсса дикІан.

**Къявш-Къурбан.** Юх, хъамитайпалул иттав уруглагаву къаххуйри. Ялагу та ттунна кІулсса къалякъирча, начливун агъанссара.

**Садикъ.** Ххуйри – къаххуйри тІисса хавардугу цивппа бивтуну, ина таничІан гъан хъуну, ххуйну ургу – балики, та жула фабрикалувун дуркІсса америкІанал шпионка дикІан.

**Къявш-Къурбан.** Шпионка! (*Хъяхъаву дай.*) Ина авлия хъуну урав? Жулва фабрикалувун америкІанал шпионка циван дучІан аьркинссар?

**Садикъ.** Балики, фабрика пІякъ учин бан дуркІуну дикІан?

**Къявш-Къурбан.** Щаллусса хІукумат пІякъ учин даву къагъарив тайннан? Ва ца чулия гамур чулийн дагълай, вялча тІий нанисса аьравалттуйн буквсса фабрика тайннан ссан аьркинну бухра? Мара зунма гьуква тІий, щилчІав къаласунссар ва жулва фабрика утти.

**Садикъ.** Приватизировать бан дуркІунурагу дакъарвав чара ганзу?

**Къявш-Къурбан.** Юх, мунийнгу на къавихра.

**Садикъ.** Циван къавихра?

**Къявш-Къурбан.** Та америкІанал шарссаниха ларщусса шарсса дакъар. АмерикІанал хъами исвагъийсса, илтІа-кІюласса дикІай, та тІурча, ургу тиккун таних – вана. (*Карунних ккаккан дай лагру.*)

**Садикъ.** ТІайламур бусан, Къявш-Къурбан, ттун къабувчІай

америкѧнал миллионершахъул циваннив илтѧсса, жулва хъами, тайнниѧр мискинну яхъанай дунура, тукунсса.

**Къявш-Къурбан.** Бувчѧн захѧматсса зат бакъар: америкѧнал хъаннил цалва миллионну буттукъраву бихълай буну тѧий, жуламиннул буттукъирттаву думур канай дуну тѧий. *(Хъяхъаву дай.)*

**Садикъ.** Улула, мѧйжаннугу, та цу дурив ххал да, вихшала дишаймур чѧалай дакъарча!

**Къявш-Къурбан.** Хъумур хъуссар. *(Хъамитайпалучѧн гъан хъуну, ганил лажиннаравун урган хѧарачат буллан икѧай. Щарсса цилла лажин ганая кѧучѧ дуллан дикѧай, амма Къявш-Къурбаннун га дурчѧай.)* Да... да, Садикъ! Ярч, вания вил шарсса диркѧун дур!

**Садикъ.** Ци-и-и?! Ттул шарсса?

**Къявш-Къурбан.** Вил шарсса, вил!

**Садикъ.** Ярч, ина ци тѧиссара, на мурчѧи хъуну акъарахха, ттулла шарсса къадурчѧин?!

**Къявш-Къурбан.** Мурчѧигума хъинну мурчѧи хъуну ура.

**Садикъ.** Юх, Къявш-Къурбан, вин вилла нярал хѧакъираву хѧакинначѧн гъан багъанссар.

**Къявш-Къурбан.** Вилла шарсса винна къадурчѧайсса тагъарданийн ивсса вин винма багъанссар хѧакинначѧн гъан.

**Садикъ.** Да, Къявш-Къурбан, та чачуннайсса ттул шарссар тѧиссара ина? Вин чу ккакссар ттул шарссаний такссава уттулу?

**Къявш-Къурбан.** Да, Садикъ, уттуллух ччиту куна къауруглай, хъхъичѧаллих ургуярч! Ина мурчѧи хъуну урав вила шарсса Тамари къадурчѧин?

**Садикъ.** Ярч, та...

**Къявш-Къурбан.** Та, къа та – утти му ттуйн багъайсса зат бакъар – на лавгссара. *(Ачин къаст дай, амма Садикълул га аѧѧан ай.)*

**Садикъ.** Да, на навалу та аждагъалучѧа макъаитараярч!

**Къявш-Къурбан.** На ина вилла шарссанищалла къаитлатисса.

**Садикъ.** Да, Къявш-Къурбан, та ттул шарсса дакъар! Ттул шарсса илтѧа-а-асса, тарашка хъусса байчарари дусса! Цал ина ургу таних: уф куну, пурш лахъан бувсса футболланул ттуп хханссар. Юх, та ттул шарсса дакъар!

**Къявш-Къурбан.** Му тти ттун кѧулсса зат бакъар. Балики, вил шарсса, уф кукун, футболланул ттуп кунна, дуцѧайсса, ссихѧ буквкукун, тарашкалуѧн кѧура даяйсса дикѧан – му вин винма хъинну кѧулхъунссар. На лавгссара.

**Садикъ.** Ярч, на та шива цукун дуккан дави?

**Къявш-Къурбан.** Ссихѧ буккан бувну, дуккан да! Чяв! *(Анаварну лагай.)*

**Садикъ.** Вагъуя! Утти на цири байсса?! *(Банмур, битанмур бакъа, шарссанил чулинайгу уруглай, аѧѧай.)* Ттул тукунсса шарсса дакъассия. Ттул шарсса тания ца шаннарагу хъунссар. Ттул Тамари дуссар исвагъисса, илтѧа-а-асса. Та тѧурча дур ваца пѧякъ учин

хладуресса пурпуххи. На цџана та ча дуркџесса цу дурив ххал даннахха. (*Щарссаничџан гъан шай. Цал лялату ялавай, яла лялату лавай уруглан икџай, лажиннаравун уруглан хџарачат буллан икџай.*) Ил, щарссай, ина цура?

**Тамари.** Дужжагъирал цџура! Цџарал ламара!

**Садикъ.** Бюхъай. Мџайжаннугу, вия кџирисса щатџи бивщунни. Вин винна цџа цур?

**Тамари.** Дурак!

**Садикъ.** Мукунсса цџа цалчинни баллалисса. Дунавхъур туну дикџанссарча – цџарду личџи-личџисса дикџайхха, амма «Дурак» тџисса циванна – инания хъамитайпа бура? «Дура»-рагу дакъарив вин цџа?

**Тамари.** Дуракри.

**Садикъ.** Дунавхъур дикџанссарча, амма му ххуйсса цџа дакъар.

**Тамари.** Му цџа дакъар.

**Садикъ.** Туну цир?

**Тамари.** Му на вин бишлашисса къиматри.

**Садикъ.** На ссал тахсирлувра мукунсса къиматран лайкъ хъун?

**Тамари.** Цалла щарсса чил щарссания личџи дан къабюхъайсса адамина – му дурак акъа цур туну?

**Садикъ.** Дацџула, ина ттул щарсса Тамарив?

**Тамари.** Туну на вин Дуся ххай урав?

**Садикъ.** Мугу утти ци Дусяр?

**Тамари.** Га инава ца-цал щунщуматџи щун бан лагайсса Дусяр.

**Садикъ** (*залланувуминнахъ*). Вагъуя! Ччувччунни ттул къатта! Левшунни вилах!.. Вай хъаннил разведка цурда гужсса дикџай. (*Щарссанихъ*) Къадикџула, ци Дуся тџий дуссарав!

**Тамари.** Хъинни. Дусяясса ихтилат на вищал шаппа банна, амма цџана вил хъхъичџи дарцџусса щарсса Тамарира – вил щарсса!

**Садикъ.** Къакџулли. Мџайжаннугу, ина ттул щарссаниха чан-къанну ларщусса дура... лялату лараймур, лялату яларай ина ттул щарсса дакъара.

**Тамари.** Да, мурчџисса ттуккуй! (*Гъалак дуккай.*)

**Садикъ.** Лагъ хъу! Къавгъа цуппа бити! Чџурду лахъ буллан жува шаппа бакъарухха!

**Тамари** (*лагма-ялтту агълу ккавккун*). Вагъуя! Вагъуя! Ачу, ачу шавай – шаппа баннача на вищал ихтилат!

**Садикъ.** Ци шавай тџий дура ина? Цал вихра дургу – нузавух цукун дукканна?

**Тамари.** Укун дукканна! Укун дукканна! (*Махъалугу гъанагъи буллай, увинтру дуллан дикџай.*)

**Садикъ** (*ганил кунна увинтругу дуллай*). Укун дарчагу, тукун дарчагу, ина хџакъину шива цукунчџав къадукара.

**Тамари.** Дуккайссара.

**Садикъ.** Цукун дуккайссара?

**Тамари.** Махџаммадлул кумаграйну.

**Садикъ.** Цу МахІаммадлул?

**Тамари.** Проходнойлийсса МахІаммадлул.

**Садикъ.** Къабайссар. Та тикку ивтсса къарал булланни.

**Тамари.** Ттун танал, ца уссувун кІивагу бувкІуну, кумаг бантІиссар.

**Садикъ.** Къабарча?

**Тамари.** Къабарча, буллали ан на ганан булунна...

**Садикъ** (*за дяличІан дурну, вев учай*). Ци-и?! Ци булунна?!

**Тамари.** Ттуршра къурушрал чагъар. ХІатти бакъарив яла ганал ттун кумаг къабан!

**Садикъ.** Ттуршра къурушгу жунна риртун, ттушагу бюхъанссияхха ина проходнойлувух дуцин, амма му вил махъалу цукун буккан бави нузавух? Яр, щарссай, вин цива-цивхъур, ахир?

**Тамари.** Да, хІарамзада, ттул махъаллилсса буллан вил ци къуллугъри?

**Садикъ.** Цукун ци къуллугъри? Инания дура на вила ласри тІий?

**Тамари.** Лас ухъурча, туну ттун кумаг ба шива дуккан.

**Садикъ.** Цал ттухъ буси винма цивхъуссарив.

**Тамари.** МурчІисса урав? Винмания чІалай бур хъумур.

**Садикъ.** ЧІалай бунутІийра цІухлахисса. КІюрххил даврийн ларгунна ина илтІа-а-асса махъаллануцал. Мукъра-ххюра ссятрал дянив вин хъумур ттун къабувчІай.

**Тамари.** Дуч хъунна.

**Садикъ.** Яр, ина цира ци дукав кутІасса мутталий му куццуй дуч хъун?

**Тамари.** Ина дуркумур нагу дукав.

**Садикъ.** Ци?

**Тамари.** Ххайжани.

**Садикъ.** Ххайжани?

**Тамари.** Ххайжани бакъа туну ци дукарду жура кІюрххил?

**Садикъ.** Яр, нагу туну чанссавагу уч хъун аьркинахха?

**Тамари.** Вин уч хъунсса къаст дакъа тІий.

**Садикъ.** Циванни дакъасса? Гъакссагу дур.

**Тамари.** Къаст душаву къагъассар, хІарачатгу бикІан аьркинссар.

**Садикъ.** Ци чин ччай дура, мальоьн?

**Тамари.** Ца ина личІаннин, циняв арамтал хІарачат буллай бур, учин ччай дура.

**Садикъ.** Ттун ина учин ччимур уттигу бувчІлай бакъар.

**Тамари.** БувчІин къаччай унутІийра ина, ваймий чІалгъарду буллалийни, Пушкиннул магълувусса къужа куна, гъаргъсса урцІухва ливчІсса.

**Садикъ.** Ил, щарссай, ссяту гъалгъа тІиссарав инара, бувчІин бува!

**Тамари.** Ттул ихтилат чІалгъардаятур.

**Садикъ.** Ттулмур ихтилат му вил хІат дакъа хъунна хъусса... М-да... Я вил балалийн мусиват ликкивууй, цива-ци хІурмат буллай дуссия муниха, муксса хъун дан?

**Тамари.** Ттула кЮлацIашивруя пашманну уну тIий, ина ххари ан хIарачат буллай дуссияв.

**Садикъ.** Ттулва обрмулий, валлагъ, ккавккун цири, бавну акъара мукун махIатталсса дахханашивруя.

**Тамари.** На шарда ккарккुकунни, ина махIаттал цири, хIайрангума хьунтIисса.

**Садикъ.** Валлагъ, шарссай, ина щалла дуняллун машгъур хьунссара, анжагъ му иш ЮНЕСКАлун ашкара хьурча.

**Тамари.** Къашайссара.

**Садикъ.** Циванни къашайсса?

**Тамари.** Ттуяр ялттусса цаймийгу буну тIий жулва фабрикалий ЮНЕСКАлун лайкъсса рекордсменкахъул.

**Садикъ.** Цаймий ттун къакIулли, амма ина на махIатталгу, гания гихунайгу увну, къаивтунна. На уттигу щак-щуклийвара усса, ина вай Американал оькки кинордавасса Ххурттамарагу дакъарвав тIий.

**Тамари.** Агъ, ина кIа бувагу бакъасса къаттагу чил приватизироватI буну личIивуй, утти муяв ина ттуйн учин ливчIисса?!

**Садикъ.** КIа къатлушал архIал инагу приватизироватI дарчагу, ттун бувчIлай бакъар, ил Тамарий, хIакъину, вай ца мукъра-ххюра ссятрал дянив вил махъалу циваннив муксса баххана хьусса!

**Тамари.** Инсаннан ччан бикIарча, ччимур даххана дан шайссар.

**Садикъ.** Ци ччимур тIий дура ина?

**Тамари.** Да, адаминай, му вил къавахъ хьусса бакIран тари бувчIайсса жува Перестройкалул заманнай яхъанай бушиву?

**Садикъ.** Гъуя, Аллагъ, уттигу ва шарсса ссаяту гъалгъа тIий дарчур?! Яр, перестройкалухъгу ина ци тIутиссара?

**Тамари.** Жува бучгу, илтIагу буллалисса цIана Перестройкалуллухха.

**Садикъ.** Перестройкалуллав туну ина мукссара ганз дурсса?

**Тамари.** Перестройкалулла.

**Садикъ** (*чиу гъаз бай*). На авлия къауллай, буси ци чин ччай дуссарав!

**Тамари.** Хъинни. (*Лагма-ялтту дуруглай, хIучIлилну*) Читлил.

**Садикъ.** Ци-ци?

**Тамари.** Читлил... Чан-къансса... Дурагу ца ацIния ххюра метра.

**Садикъ** (*цичIав къабувчIлай*). Яр, ци чит, ци ацIния ххюра метра тIий дура ина?

**Тамари.** Цалсса вайгу гъассар, ялун ялагу буруганну.

**Садикъ** (*цахъва цува*). АцIния ххюра метра... Яла ялунгу... (*Шарссанихъ*) Ина ттул бакI зия мабулларда, шарссай!

**Тамари.** Чан дизлай дурив? Щалва фабрика приватизировать буну ччай бурив?

**Садикъ.** Бакъар. Мукунсса къудрат жучIара чари дикIайсса?

**Тамари.** Приватизировать бан къахъурчагу, на гайннан ва ккаккан дайссар. (*КIирагу ка запI чин дурну, цила бухчIинссаннуих рищай*.)

**Садикъ.** Цири му ина ккаккан даймур?

**Тамари.** КъакIуллив цирив?

**Садикъ.** КъакIулли.

**Тамари.** Читри ва, жирафай, читри. ХIакъинуния тихуннай на укунна дукIлантIисса шардай.

**Садикъ.** Ваппаба-а-ай! Дахъва ттири ттун бувчусса ина тлутимур.  
(*Пирхъа уккай.*) Микку цими килограмм... пут... метра духъунссар?

**Тамари.** Нания вихъ буслай дура, ацІния ххюра метра чанна-чанну тІий.

**Садикъ.** Къавихра!

**Тамари.** Тгуйн къавиххъурча, дурцуну ххал да!

*(Ялтту ларххусса юбка ливккун, Тамарил Садикълухъхъун лялук дархусса читлил зума дириян дай. Садикъ чит дуцлан икІай, га майрая куямур канил лахъишивруйн кІункІу дуллай. Тамари цилла лагма цурда дуклан дикІай, цияра цурда рязину, цирив ца балайлул макъангу руцуну. Дуцуну, дуртесса читлил бакІу шай цяв. Садикъ, цалла царссанихгу рязину уруглай, пиш-пиш тІий ацІай.)*

**Садикъ.** Утти дура ина ттул царссаниха ларщусса, илтІа-а-асса.

**Тамари** (рязи дакъа). Ци? Вил царссаниха ларщусса? АцІу, вил шарсса, на дакъа, цамургу дуссарив?

**Садикъ.** Юх, юх, дакъассар! Инара ттул дакІнил дардисангу, яла ххирамургу, американка кунна, яла илтІамургу. Утти ттун бувчІунни Перестройкалул ина дуч даншиву. Умуд бур... хъунмасса. Дачула шиннай, ххирамур, ва жула Перестройкалия ца-кІива байт балайлий шаллу баннуча! (Перестройкалиясса шаммарду тІун бикІай.)

\* \* \*

**Перестройка цири?  
Хъап-шап тІий бур буцири...  
Ххяп дан хъума яхъувча!  
Къавхъума ккашил ивкІуча!**

\* \* \*

**Дуркку чувгу чуврив тти?  
Гай чІунну – битти-гатти!  
Къини дарцІусса шийри?  
Чув утти - машачийри.**

\* \* \*


**Бурги, ккаккира хІазру –  
ДакІ хъун хъуну бур къазру.  
Циван къадави дакІ хъун?  
Къазрал багъа бур лавхъун!**

\* \* \*

**Перестройка цирив  
ЦулкІлунгу бур кІул хъуну,  
БарцІгума сан къабуллай,  
Занай бур дакІ хъун хъуну.**



## Критика ва библиография



Абдуссалам  
МАГЪДИЕВ

### ЩАЗА

(Ккурккулал Щаза)

Литературалуву бур Щаза бувну бур тий Ккурклив 1890 ш. Магъилавхъал кулпатраву. Ва шин цавагу документраягу ларсун дакъар, барашиннагу дакъар.

На хъирив агъссияв Щаза бувсса шинал. Ккурклиятусса Написат (Сялигълул щарсса) бия ттухъ цила ниттил нину Аъшат буслай диклайва цурдагу, Щазагу ца хъхуну бувссару тий. Аъшатлул паспортрай бия тлива га 1880 ш. бувссар тий Ккурклив. (Аъшатлул хъунмамур оърму Щурагъ бувтссар. Тикку лавсхъунссия паспорт). Сагъират дия ттухъ Щаза циярва клира шинал чивиссия тий. Къатри чачлу биклайссия, мудан гъарца кланттай архлал биклайссияв, цанничла ца кливайнначлавагу биклайссияв тлива. Сагъиратул члалазуруй чивчуну бур 1878-1967 шиннардий тий. Вагу най бур 1880 шинайн. Билжилину клулну бакъар Щаза та бивклуссарив клулсагу. Ганил гъанчу Авьдуразака ия Щаза бивклуссар тий Финляндиянащалсса дяъви байбивхъусса къини. Ва хъанай дур 1939 ш. ноябрьданул 30-нний. Шиккунва най бур Ккурклиясса Хлажиев Хлажинал тимургу. Бардулт цаймигу бур Ккурклив Щаза 1939 ш. бивклуссар тисса. Масала, Магъдиева Саакинат, цаймигу.

Буттайн Махлammaда учайсса бивклун бур. Ниттийн – Аъша. Вайннал бивклун бур клива душ. Хъуммамунийн Щаза чайсса бивклун бур, чивимунийн Чивидуш тий биклай. Ва ялунцла дирклун дур. Цинна цла Патлимат дирклун дур.

Кулпат дугъайсса хъу, ризкъи чансса, мискинсса бивклун бур. Махлammaда уссал устарну зий ивклссар тий биклай шяраву.

Чаххувсса Кумав бивклссар Абакархъул тисса къан. Ва бивклун бур члумуха, кланттуха лавхъхуну авадансса. Чярусса хъу-лухччи,



ризкѝ бивкѝлун бур вайннал. Цува Абакар хѝаписарну ивкѝлун ур. Чѝун хѝаписарнал хѝуннасса сий дусса диркѝлун дур.

Абакардул бия хѝунмасса, кѝира зивулийсса, шамма чулинмай бувсса, дянив хѝуннасса вирххуччал даркѝусса хѝюгу дусса кѝатта. Хѝювун буххайсса кѝапу бия цѝуцѝу чарил бувсса, дучрайсса ппай-тѝун духхайсса. Кѝапулул хѝхѝичѝгу дия кѝатѝув хѝю, лагмавугу 1,5-2 тонна дусса буркѝлунттал ларкѝусса. Вайннул буслай бия кѝатлул залуннал гуж.

Кѝапугу, кѝаттагу хѝакѝинугу бур. Шиву Абакардул насру ялапар хѝанай бур. Вайннайну Абакархѝул тѝийнма бур.

Мяшатрал кѝюласса Магѝилавхѝал Аѝйша Абакархѝачѝа вичѝува зий бивкѝлун бур, гѝарца кѝини лаглай-букѝлай.

Абакардул цихрасса цѝимилийсса баччи чѝалачѝисса Аѝйшал, ванаяту пурмангу лавсун, Кумавн цищала цила душ Щазагу буцпан бивкѝлун бур. Дукра дуканшиврул буцайхѝунссия.

Щазал оърмулия ва творчестволия чичлачиминнал чивчуну бур Абакархѝул Ккуркѝлияссар, Щаза вайнначѝа кѝазахѝну зий бивкѝссар тѝий.

Абакардун Щаза хѝира хѝуну бур, кѝатлувусса кушулун ниттин кумаг буллалисса куццуй дакѝ даркѝуну.

Щаза бивкѝлун бур бакѝрал, чурххал, хасиятрал хѝишала бакѝа хѝуйсса. Абакардул оърчѝ Амираѝли ивкѝлун ур жагѝил. Ванан эшкѝи хѝуну дур дахѝва балугѝиравун бухлахисса Щазах. Ванингу хѝуну дур ванах.

Аьравалтѝилу бахѝлахѝисса, хѝу гѝайчайсса бакѝи ницру гужирал, чурххал, аьмаллал цанниха ца лавхѝхѝусса хѝал байсса бивкѝссар. Укунсса бакѝахѝурча, вайннуя бакѝи ницру кѝашайссар. Укун кун-ма, га заманнай оърчѝал ташугу ца кѝинилул агѝулдануцал байсса бивкѝссар нитти-буттал. Абакархѝал ва Магѝилавхѝал кѝинирду ца даражалул кѝадиркѝлун дур.

Шяраву ци хѝурчагу кѝюлтѝну кѝаличѝай. Эшкѝи-ччаврил кѝанкѝ хѝиннура ччяни дишай. Оърчѝ ва душгу, хѝаласултгу цинциллай бихѝлан бивкѝлун бур кѝирагу шяраву.

Щаза куклуну чѝалан бивкѝлун бур. Хѝхѝичѝава бунагѝ хѝумур чарттах бивчѝайсса бивкѝлун бур. Тѝи Щазайх шярал махѝру бишлан бивкѝлун бур. Махѝаммадал Щаза ва Аѝйша Кумавн гѝан кѝабивтун бур. Душнихѝу увкухѝунссия та оърчѝащал хѝуна бакѝарча ина ттул душ бакѝара куну, байщун бан хѝанай бакѝаний, кѝатлувун мабуххара увкуну бикѝангу бюхѝай, буттая нач, хѝая хѝанай душнил цилагу бюхѝай хѝхѝурду гѝанчуначѝа дирчуну дикѝангу. Кѝаувкуну бакѝахѝунссия буттал душнихѝ макѝюкѝин бав ттул кѝяпа халкѝуннал хѝхѝичѝ кунугу.

Кумав Абакархъулгу бухъунссия Амираълихь цахава къалавхъ-хъусса агъулданул, нитти-буттал душ буцин къабиклайссару тий.

Укунсса куннасса ихтилатру, цащала цаласса къалмакъанну гъарца къушлий хъун бюхъайссия га заманнай. Вайра ихтилатру шайсса, хъун бюхъайсса къушру хлакьинугу буссар. Га члумал нитти-буттал тлмур шайсса бивкссар, тти ихтилатругу нузал къатлун дуккан къадурна оърчан, душнин ччимуницун бакъай нину-ппу.

Учала бур лиянну ниц биххайссар, базинну ххалаххи къабулайссар тлсса. Щазал эшкъи-ччаврийн Ккурклив «оькки найрду» бивну, ваний члявусса бакъасса гьибатру, зуна бивхъуну, клирагу щар гъав-гъав тли дурну дур.

Ссавнийсса хлат-хлсав дакъасса цлурттаву барзгу бурхха архсса инсантуран цимилийсса чани буллай, щарнил агъулданувугу бивкун бур Щаза талихлрал ххуллийн бувккун лякъиннав тлсса.

Щяраву хъанахъимур, хъумур, пурклу цуминнал бярчлух буссарив ккурчлайнгу къабагъну къабиклай. Арантурал хъаннилуksса мавшан къаучай тлааьн бакъамур зад. Щазая ва Амираълия ихтилат багъсса ишираву, щилклуй ца оьккину гъаз дан къадитайсса Наби ия тлар эшкъ-ччаву аькьлулул къукъиннин ладитан къархъусса дакнил асарди. Га сил ритарча ччуччайсса, ччан бизарча ккуччу шайсса тлутлуха лархъхъуссар, ядан хъурча талихлрал клулар. Амма, къуццулун бигъашиврун усру ччаннайн тарисса ласун аьркинссар, янна члумуха, чурххаха, чаралуха лархъхъусса лаххан аьркинссар. Яни дакниву хласул хъусса ччаврил асар эшкъилийн дукканнин баклрал аькьлулувух итабакьин аьркинссар, дузирайн дуккан най дурив, дакъарив ккаккан тий.

Щазаясса тларду хлакьинугу бурхха вичилухух бищлай, ванияр ряхцлалла шинал хъхьичи на Щазая цлувххуссия ккурккуллахь. Балахалун бия Щаза цила ккаккан, тлябияьтрал, цумушиврул, дакнил ххувшиврул янил бунни, ханнахъал къушлий биклан лайкъссия тий. Майманат бия Щазай шанна аьй диркссар тий: мискиншиву, баклрал ххуйшиву, къини архлал дакъасса оьрчлал эшкъилун танаха лархъхъусса жаваб дулаву. Рукъижат дия Щазал эшкъилийн навт бутлай Амираълилмургу лархъуссар тий.

Ттул ниттил нину Асват дия Ккуркливн щар хъусса Амираълил душ. Ванил нину (Амираълил щарсса) Загьидат, ласгу ивкуну, оьрчлалгу цала-цала къатта, кулпат хъуну махъ, оьрмулулгу дугъара хъуну дуний, Ккурклив душничла ялапар хъанай диклайссия. Ккурккуллал ванийн Агла куну учайва, ца ва ххай, Кумиял бавай, ниттилссуй тлсса мягналий ванийн укун чавай тий. Хъуннар хъуну, мурчи хъуна. Жу члунийну, шаттирайну бувчлайвав. Ца къини ттул чивимур ссуйл Тлагьиратлул къатлул чирахсса кличирава ттала

бивхъусса нуз тітіа куну овькукул, анаваршиврул къатталунсса чурттуйх дучлан нанисса ххай, ша чулухсса кичіиравун лавсун, дагъну диркІуссар. Ккурккуллаціун циняв Абакархъулгу, тайнначІа баціан ччисса щарнил агълугу бувкІун, лагъсса, цимилийсса аьтІавугу дурну, жагъилсса инсаннаха байсса лагъа-лахъугу бувну, дурччуссия ккурккуллал хІатталлив, кумиян ччай бунугу, кумавнгу къаитадаркъуна.

АсватбабахъачІагу (ЖягъпархъачІагу) гъаз шайва чІа-чІалний Амираьлиясса ва Щазаясса ихтилат. Ца ихтилатрачІа АтІал (Загъидатлул) увкуна, на нарагу Абакархъаяссара, жучІа Щаза оькки буллалисса, куклуну чІалачІисса цучІав акъая. Алши бакъу куну учайва Абакардул. Жул чІумал оьрчІал ва душнил эшкъи-ччаву къюлтІсса дикІайва. Хаснува цания ца чулухасса нитти-буттан, гъанчунан къамулну дакъахъурча, Амираьлил ва Щазал кІирагу чулухасса нину-ппу ва гъанчугу вайннал эшкъи-ччаврия хъинну рязи бакъа бия. Рязи дакъашиву дия кІивайнналагу къини ца дакъа тіий. КІивайннанвагу кІулну бия укунсса ташу дузирайн къабуккайшиву. Абакар оьрчІан ва душнин ччимур бан най ия. Уссул-ссу бия ванахъ вила цІа чІири мадав, жу му ташу хъун къабитайссар тіий. Ихтилат бачин бунни агълу къюкъин барча Амираьли буттал махъаллия яла утан аьркинссар тіисса. ЧІявусса пуйрду учирча къунгу атил шайссар тіисса учала бурхха. Абакар кару дярхІуну, маз къухъна хъуну ливчІуна, Амираьлища мукъул ихтияр зерххунни. Амма, щаргу дурцуну, оьрчІругу бувну махъгу, дяхттагу, хъхъувайгу цавува цува Щазахъ гъалгъа тіий чІалай ия ттун.

Мачча-гъанми Ккурклия Кумавнгу лагайва, Кумату Ккуркливнгу бучІайва. ЧІявуйну учІайва Асватлул уссу Маханмад ва ванал арс Аьли. МахІанмад хъунав хъуну махъгу, ххуйсса яннагу ларххун Абакархъал адаминануна учІайва. Аьливу миксса щяйтІант бакъая. МахІанмад Аьлийн гъалгъа тіий икІайва, ккурккуллан ина щил уссарав кІулссарача, вихава лавхъхъуну янна-усгу ларххун налусу тіий Ккуркливн.

Кумияхъгу ціуххайссия на, Амираьлил ва Щазал дянивалу цукунсса диркІуссар, зу мачча-гъанмий ци тіий бивкІуссару миннал хІалашиврийн куну.

Абакардул ссуыл Мисидул увкур, Амираьлил ва Щазал эшкъи-ччаву тіутІуйсса хъхъем кунна, иттавсса макъ кунна марцісса дия. Амма вайннал ташу бан нагу къадиркІссара рязину, Абакархъул шяравугу, щархъайгу сийлува къабуккан. Абакардул уссу кунасса ссурахъу (Мисрилий (Каирдай) университет къуртал бувсса), аькълу-кІулшиллул увччусса, пикри къабувна махъ къабусайсса Аьвдулмажид ия Щазал ва Амираьлил къадарданул савав Щазал мискиншивуя,

Амираьлил авадашвивуя, аьдатурттат ряхіму-ціми бакъашивуя, чіун дия бурттигьул кьимат хьхьурттаралусса чах бурувгун бищайсса тий. Абакардул уссуыл арс Хьунма ия аргьирай диллалисса ахьулсса микі бивчукул щявн дурхьхьуну аьяйсса кунна, оьрчал дакніну тлутал къав хьусса эшкылийн шярал мукьурттил чьвхъа бувкун, Абакардуца къяпа ялтту лаххан къавхьунни тий, ганийн аьрщарая чапалсса чентіру къабагьан.

Мяйжаннугу, Абакардуца чіумул аьдатурттат ялтту ххарххи ларсун, Магьилавхъал гьанчу хьун бьохълай къабивкун бур. Амираьлин бувчуну бур буттал агьлу Щаза буцин итан най бакъашиву. Щазан бувчуну бур цила талихирал кюру Абакархъал къанчуллулу бан битан най бакъашиву.

Абакар аькьлугу бусса, цімигу ххисса адамина ивкун ур. Ванал чіалансса оьтту къабукканну, баянсса вев къаучинну ххуку дурну дур оьрчал ва душнил чурххардийх карусса эшкылул щинзир. Ца кьини Абакардул Амираьлихь увкуну бур: ттун чіалай бур зул дянивалу оьрмулукун дуцан дан къахьун най душиву. Ина ттул цара усса. Вил талихі ттулгу талихіри. На вин ччимур бан най уссияв. Хіакьинугу дакі вищалли дусса. Ттун Щазагу ххирассар ттула душуксса. Ци ххуллийгу, зун личіи хьун багълай бур. На щихьчав къавичіидишивияв, ссаячав нигъа къаусавияв, личіи къахьурча зул талихірайн ціу дутлан най чіалай бур. Лахъсса бургьил гьели къабуллан бивкьукул, лекъашайсса дакьурдивусса эшкы-ччаврил гьели бантиссару зу. Ина на багьишла ити, арс, на ппушиврия экьи маличав.

Абакардул чіарав щябивтун Щазахьгу увкуну бур, ттун ина ттула душ кунма чіалачіиссара. Ттула оьрчал талихі ина бушивугу кьулли. Амма чіумул аьдатуртталгу, ттуйнва бярхі бутлатисса гьанчуналгу ттулгу, ттул арсналгу къатлуву вил эшкылул чирахь лахъан битан най бакъар. Цуксса зунгу, ттунгу къаччайнагу, зун личіи-личіисса оьрмулул ххуллийх гьан багълай бур. Вин шайсса талихі хьун битан най чіалай бакъар ккурккуллал шярал хъаннил мазурдилгу. Ттун вил оьрмулул талихірал ххуллу Гьумучату байбишин най чіалай бур. На ина аманат бан ччай ура вихсса аякьалул ттула клантту бугьайсса уссу кунасса адаминайн.

Щазал жаваб дуллуссар тий буслай бия Мисиду, ина ттул ппушиву дурссар, ца ягьалсса махь вил арснаватугу къабувкссар ттухь. На ччучлачиссара ттула вил арснал дакнінунсса эшкылул ламу, вил бакьрайсса къяпа чіиви къахьун куну. Абакар ия тлар иттавн макь дуркунни, Щаза хьиннува ххира хьунни тий.

Абакар Щазагу бувцуну Гьумукун лавгун ур цала дусначан Аьвдурегиннучан ва ванал кулпат Шагьуннучан. Ва ивкун ур цува куна майорнал чиндалийсса, Гьумук хьуннасса сий дусса, аькьлу-кьул-

шилул увчусса, аькьилсса адамина. Абакардул Аьвдурагьиннухь увкуну бур, ва душ ттун ттула душ кунма члалачиссар. Ванил хлакьиравусса зад на вихь цакьни увклун бусав. На вийн тапшур дуллалиссара ванил талихлрал хьхьури. Ттул канища зерххунни.

Аьвдурагьиннул увкуну бур, Абакар, жува уссурвал кунмасса буру. На вил аманат биттур бантиссар, ттула душнин баймур бувну Щазан.

Абакар Щазагу Гьумук кьабивтун увклун гьантта лях лавгун, Аьйша ларгун дур душ бавцусса кьатта, га хьаралун бавкьуми ккаккан Гьумукун. Аьйша ганияр махьгу лагайсса дирклун дур душничан члун-члумуй.

Барзру лавгун махь Аьвдурагьинхъачан увклун ур Члятусса Ахл-мад тлссса Аьвдурагьиннул дус. Ва ивклун ур хьинну авадансса, цала даралуву клулсса, махь нанисса савдажар. Гайнначла Щаза ккаккун махь, лув-ялув члывуну ухлан ивклун ур Аьвдурагьиннучан. Ца кьини Шагьуннухь бувсун бур цанба Щаза ччан хьушиву, Аьвдурагьиннул булурча ххарину буцивияв куну бур. Ахлмадлул пикри Шагьуннул Аьвдурагьиннухь бувсун бур. Ванал пикри бувну бур, тти Щазан щихчлав эшкьи хьун най члалай бакьар. Оьрмулул хьунасса ухьурчагу, Щазан цила минарал кюру бан ччан бикларча, кьатлул сантругу, букан ччатлгу, лаххан яннагу ваначла куннасса диклансса цамагу члалай акьар, Щаза рязи хьурча, Ахлмадлун булурча хьинни тлссса пикри хьуну, Аьвдурагьиннул Щазахь ихтилат бувну бур.

Ччувччуну луххайн бувксса талихл цлу кьабуккайшиву клулсса Щаза цуппа чу буссаривгу, шиккун цукун бувклссаривгу клулну, шиккун бувклсса кунба, Аьвдурагьиннул чун гьан барчагу гьан хладурну бивклун бур. Ванин Ахлмад угьарасса ушиву члалачлаву дакьа ва цукунсса адамина уссарив клулну бивклун бакьар. Клул хьун чайгу бивклун бакьар. Абакардул тлссса оьрмулул ахир члалачисса ххуллу ва бунуккар ттула, кусса пикри бувну, я ххари кьавхьуна, я кьума кьалавгна, Аьвдурагьиннухь рязиссара куну бур. Ванил чурххал тарг кьаувкукул, Аьвдурагьиннун бувчлуну бур ва оьрмулия ка гьаз дурну дуллусса рязишинна душиву. Цувама цахьва цува Щазал талихл хьун аьркинссар тлий ивклун ур Ахлмадлучла.

Аьвдурагьинхъачла, Кумату Абакаргу увклун, Ккурклия Щазал нину Аьйша ва клия-шама гьанчугу бувклун (кьабучлайссару тлий кьабувклссагу хьуну бур гьанчуная), Аьвдурагьиннул ва Шагьуннул оьвкуну бувклмигу щябивклун, хьуннасса, паракьатсса мажлисгу дурну, ссийгу гьаз дурну тлайла бувккун бур Щаза Члывн Ахлмадлучан жалин дуцин бувклминнащал.

Ларгун дур шинну, Щазал бувну бур клива оьрчл. Оьрчлан цла Аьвдурахлман дирзун дур, душнинмур кьаклулли.

Оърчру ххирасса бунагу, Ахлматлуп гайнная ххари хъанай къабивтун бур Щаза. Ванал ччатл кърчл хъуну бур, ницл оьлу хъуну дур ванин. Оърчал бяхълуну бивкун бур ласнацун. Яхлува бувккукул бувцуну оърчругу Гъумукун ливхъун бур.

Гъумукун клура бавну махъ, Щаза халкуннал хъхьичлун цамур Щазану бувккун бур. Ва члалай бивкун бур къатлуп хъусса, оърчру бусса, амма талихл къавхъусса хъамину. Ванищала бакл хъхьичлун къадуртсса, арантуращал ихтилат буллалисса, хлукуматрал давурттайсса, жамятийсса бажаранчи, цусса оърмулуп цусса хъамину.

Щаза халкъ цийнма куклу душ бивкссар тий бухъунссархха тисса сагъмурду дакнива къабуклай, халкъунная яру лабитлай бивкун бур. Халкъуннал хъхьичл цуппа реабилитировать хъун, вайннахъ цила бувхлумур бусласисса мукърттищалсса члурду буклан бивкун бур дакнива. Укун, цимма къаклулна оърмулуп Щазая зунттал бягълагъисса, гъавалуп щархъайн лавсун лаглагисса балайчи бувну бур, балайлувух цила дузрайн къабувксса оърмулия буслай шяиргу хъуну бур. Балайрду бивкун бур цила канива зевххусса ницнияр нацусса, гъалмагъайл мякъ шаравралнияр лиххан буллай бивкссэ эшкъилия, клиннащарагу зеххин диртсса ганайсса бювкъу-аьйлия, щищаклул личли дан къашайсса ххай бивкссэ клиннилагу эшкъи-ччаврияр ххув хъусса ттуршамашиврул лавмартшиврия, талихлрахсса хъл кукъин бувсса мискиншиврия, цила алши бакъашиврия.

Щаза балайлуву тий бур:

**Къамяшра, гъалмагъай,  
Вил мурадирай,  
Къаччайна дирчусса  
Ккурмузий тлутлуй.**

Щазай бухттан бихълай бивклминнава куннан бувчлуну бур Щазал ва Амираьлил эшкъи-ччаву дуняллул аьдатрайсса, марцисса дуну тий къюлтл къадуллалисса, халкъуннал хъхьичл лажин кляласса диркшиву. Кув Щаза цуппа баралун бихълай бивкун бур буттахъл аьдатирттайнгу пуй куну куклуну къуццу тий бивкшиврул.

Бур, майжанссар, Щазал балайрдаву цийнва цуппа къарши бу-клай члалачиссагу, ванил тимур тисса куццуй, ягу бувчин ччисса куццуй бувчлалачиссагу.

Масала, аьраттал увксса, рязи акъасса ихтилатраву каннал каннахъ учай «ина цуллу ивуй» куну. Вай дакнийхтуну цуллу аннав тисса махъру бакъашиву члалай бур. Вайва махъру учай инсантурал цала рязишиву буслайгу, члатийгу. Цумур мяъналий тисса махъру буссарив бувчин байссар каннал каннащалсса гъалгъалуп.

Щазал иттав бугълай бур, масала, укунсса балайлувусса махъру:

**Щин дарчагу лавмартшив,  
Ттунна къадансса ххива,  
Хханххираву диклул дакI  
Хъяврин дансса къаклула.**

Шикку Щаза цила цуппа ашкара буллай чIалай бур лавмартшиву дунни, хъяврин бунна тIий. КIивагу махъ бур лакку мазраву чIявуну ишла байсса. Лавмартшиву учай махъачилсса, ягу лулттучIинсса, тIайладакъашивруйн инсантурал дянив шайсса. Щазал чIявусса цаймигу балайрдах вичIи дирхъукул, бувккукул балайлуву ва лавмартшиву чурххан дунни тIий бувчIин багълай бакъарча, Амираьлил цила вихшалдаран, марцIсса ччаврин дунни тIий бувчIин багълай бур.

Инсаннал цува оькки-ккаккул увкун, «ина на зия унна», ягу «ина та зия унни» учай. Хъаннил цаннил цаннихъ учай «ина ттуй (таний) зуна бивхъунни» куну, бакъасса гьибат бивхъунни тIисса мяъналий. Щазал балайрдахгу, вания бусласиминнахгу вичIи дирхъукул щак личIлай бакъар ва балайлувусса кIивагу махъгу шикку масалдаран кIицI бувминнуха лавхъхъусса бушиврий.

Щазал личIи-личIину бувчIин бюхъайсса мукъурттил мяъна дурчIлай дур ванил цайми балайрдава.

**Аман шярах хъу хъурдай,  
Шярал мукъурттил дугъан,  
Качар чурххай бакъамур  
Сил диртун ччуччин буван.**

**Вай шярал хъаннил махъру  
Мяйжансса бивкIссания,  
Жагъилсса жангу ларсун,  
Акния ххяххавияв.**

**Мизитраву луттирдайн  
ГъалатI багъайсса кунба,  
Ттул тахсир бакъа чурххайн  
Шярал махъру ххи хъунни.**

**ЧIиви найрал ницIиняр  
НацIуну дурсса ччаву,**

**Вин ва ттун кърчї дурнан  
Дунял кърчї хьуннав.**

**Вил иттату ттул иттав  
Лавхъсса нурданул чирахъ,  
Лещан бан савав хьунал  
Бакрав яру лещуннав.**

**Шярал хъаннин махъ хьунни,  
Шярал оърчан хїаз хьунни,  
Ца вил ва ттул дянивун  
Хїасратшиву дагьунни.**

Щазал иттав бугьлагьїсса лахъуни цамургу бур. Ванийн учин-мунїх луглагїсса шярал хъами дур, ай ва цїла куклушиврул цуппа бивкїссар тїїй, Амираьлил хъїрив лечлай, га хъяврїн уллай. Вай бур авадансса Амираьлин Кумав буцин лайкьсса душ бакъа, Ккуркливн увкїун ххал буллай, цїла ххютлиха цуппа къачїалачїїсса, мїскїншиврул кърчї бивкїсса Магьїлавхъал Щазах эшкьї дуллан икїайссарїв тїїй.

Вай мукъурттил дакї кърчїлай, ссїхї кърма хъанай, Ккуркуллал хъхъчї хїаялувун багьну бивкїсса Щаза, Гъумукун бувкїун махъ цїїнма цуппа бувкїун жуваб дуллай бур:

**Ил лагай шагъра ххуллу  
Кїяла арцул хьунугу,  
Вин эшкьї хьунсса кїулну,  
Ххуллїїх къргагьантїїссїяв.**

**Ххуй оърчї, вил буттал къратта  
Ашрапїрттал хьунугу,  
Вин ччаву хьунсса кїулну,  
Къратїув кърабуккавїяв.**

**Ина ишан дуваннїн  
Кърадурссїя вїх ччаву,  
Ина мїннат буваннїн  
Кърабувссїя я бурган.**

Гъумукун бувкїун махъ, Щаза лакрал аьлїмтурал, шяїртурал итталан багьну бур цїла оърму балаїлуву бивхъусса шяїр хїсаврай. Щаза лакран кїул буннї чїївїсса, гързадрал хъїрив къралавна



чивчусса бухьурчагу, «Ккурккуллал Щаза» тїсса ванил балайрдал жуж итабавкьуну аьлимчу Халил Халиловлул.

Халил Щазал оьрмулул шаттирдай ша бизлай кьалавгун, вания шярал мукьурттия бавмунийн вих хьуну ур. Ва чичлай ур: «Ганин (Щазан. – М.Аь.) ккарккун бур яхїгьагьан бансса зия баврил кьюкьала».

Ванаяр махь Щазая чивчусса аьлимтал, шяирталгу Халиллул тїмур тасттикь буллай бур. Буллай бур вайннан Щаза Халиллулхчин клулну буну тїий.

Щазал оьрмулул щала кьимат цила циятувасса мукьурттийн бувну бищун кьабучїиссар. Вания цїуххин аьркинссия ва клулнахь, вания бавнахь буттал шяраву Ккуркклив, Амираьлил шяраву Кумав, шар хьуну бивкїсса Чїяв, кїлчинмур буттал кьатта хьусса Аьвдургаьинхьахь, оьрму бутлай шинну ларгсса Гьумук.

Халиллул цїуххаву дурну дур Чїяв, Гьумук. Щазан эшкьи-ччаву хьусса, га дуручлай бивкїсса Ккурккуллахь, Кумияхь цичїав цїувххуну бакьар. Казбек Мазаевлушал на лавгссияв Гьанжилий ялапар хьанахьїсса Щазал ниттилссичїан. Ванингу дакїний бия Щаза ва Амираьли хьинну цаннин-ца ччай бивкїшиву, няси кьабувшиву.

Ттун бувчїуссаксса, Щазая чичлачиминнал ванил оьрму кьуртал бунни авадансса оьрчїал кїиссурайхгу лавххун мискинсса кьушлиясса душ кьабивтссар тїий. ХїХ ттуршукулийсса чичултрал, шяиртурал моднайсса тема диркїссар ва. Гиккун клура баюнни Щазая чичлачимигу.

Щазаяту чичлачиминнан цала мурад щаллу хьуну махь, ванил оьрмулул кьадар цукунсса хьуссарив клул хьун аьркиншиву чїалан кьадиркїлунни. Вайннал бакїравун кьалавсунни Щаза ляхьан дурсса чичрулувусса геройнал образ дакьашиву. Ва дур халкьуннава бувксса оьрмулул герой. На чивчуссия Щазал «бивкїлуну махь» уттава бувксса оьрмулия махь. Кїицї бунни на чивчумур, амма Щазал оьрмулул ахир щил дучїан дурссарив кїицї кьалавгунни. На щилчїав конкурент акьаний, шиккусса ттула цїа ттун аьркинну дакьар.

Щаза бивкїссар Лакрал райондалул хьаннил Советрал чялишсса член, судрал заседатель, партиялул райкомрал хьаннил отделданул хьунмур. Дагьусттаннал ВКП(Б)-лул обкомрал фотофондраву 30-кусса шиннардий лакрал активисткахьащал рирщусса Щазал суратгу дур обкомрал цалчинма секретарь Жамалуттин Коркмасовлул чїарав.

Байча щуну бур Щазал оьрмулийн. Гьумук хьатїий балай тїсса ниттил чулух бавцїусса душ бивкїлуну бур чїирая ливчусса ккулла щуну.

Щазал оърму ціу бувкун бур, иттавсса макъ къаркъун дур, ччур-ччусса эшки хъамадиртун дур АьвдурахІман ччаннай авціукул. 30-кулсса шиннардий ванал къуртал бувну бур Московлийсса къатІаллил паччяхІлугъирттащал маша байсса институт. Зун ивкІун ур къатІаллил паччяхІлугъирттащал маша байсса министерстволий отделданул хъунаману. Дяъвилул шиннардий Дагъусттаннайн тІай-ла увккун ур хІукуматрал. Щурагъ Зунттал консервтрестрал управляющийну зий ивкІун ур. Дяъви къуртал хъуну махъ, Москвалийн кІура авну, гава министерстволий зий ивкІун ур. Гичча Лондоннайн гъан увну ур Машлул палаталуву зун. 50-кусса шиннардил дайдахъулий ціунилгу Дагъусттаннайн гъан увну, Республикалул художественный промыслардал управляющийну зий ивкІун ур.

Шанна шин дурссар Щазал Москвалив арсначІа дяъви хъуннин. Аьвдурагъманнул Московлив дурцуссар цар. Бувссар кІива оърчІ. Наида тІисса душ ціанагу зий буссар тиккува врачну. Саид тІисса оърчІ уссар кандидат технических наук хъуну. КІивагу бучІайссия Ккуркливн гъинттул гъанчуначІан. Махъсса шиннардий къабувкунни.

Щазал талихІ левшссар Аьвдурагъман 1955, ягу 1956 шинай льякълул азаруннил Московлийсса азарханалий аьпалухъхъун лавгун.

Щаза 1938 ш. цила буттал шяравун Ккуркливн бувкІссар Москвалия. Аьпалухъхъун лавгссар 1939 ш. ноябрьданул 30-нний. ХІакъинугу буссар щарнил хІатталиив Щазал гъав, гъаттай чІалабарз.

Щаза бур циняв лакран кІулсса, дух аьдатирттащал ччалли бувкун бивкІсса, гайннущалсса талатавурттаву чурх щавари хъусса хъамитайпа. Ва бур шярал мукъурдиціа чурхгу марці бувну, арантурачІа баціайсса даражалийн лавхъсса, хъаннивусса активистка, партиялул жуваб дулайсса даврий бивкІсса зузала.

Щаза бур Лаккуйх ціа ларгсса балайчи, балайлуву цила махъру бивхъусса шяир.

Щаза хІакъинугу хъама бивтун бакъар бугъарасса лакран. Ванил гъавгу ядан, ціагу аьпалува дуккан къадитан бурж буну чІалай бур хъхъичІва-хъхъичІ ккуркуллай, вайннащал циняв лакрайгу.





Индекс годовой 63334  
Индекс полугодовой 73894



**А. Къапиевлул гъайкаланучІа**

**НОВОЛУНИЕ**  
**На лакском языке**